

LUDOVICI LAVATERI,
Theologi eximii,
DE
SPECTRIS, LEMURIBUS, VARIIS
PRÆSAGITIONIBUS,
Tractatus vere aureus.



LUGDUNI BATAV:
Apud Henricum Verbieft.
Anno M.DC.LIX.

A 2

DE
SPECTRIS,
LEMURIBUS

ET
MAGNIS

Atque insolitis fragoribus, variisque præſagitioni-
bus, quæ plerunque obitum hominum,
magnas clades, mutationesque Im-
periorum præcedunt.

LIBER UNUS.

In tres partes distributus.

Omnibus veritatis ſtudioſis ſummè utilis.

Authore.

LUDOV. LAVATERO TIGURINO.

Editio ſecunda priori multò emendatior.



EVGD. BATAVORUM.
Apud HENR. VERBIEST,

CLC IC CLIX.

462305B

317

en



*Magnifico , prudentia & vir-
tute præstanti viro ,*

D. JOANNI STEIGERO,

*Amplissimæ Reipublicæ Bernen-
sis Consuli, domino & patrono
suo colendissimo ,*

LUDOVICUS LAVATERUS
TIGURINUS,

S. D.



Ultra ac varia à doctis *Multus*
pariter atque indoctis, *est ser-*
cùm de aliis rebus di- *mo de*
sputantur, tum de Spe- *Spectris*
ctris quæ noctu & in-
terdiu terra marique , in agris &
sylvis , item in domibus conspi-
ciuntur atque audiuntur, homines-
que territant : item de mirandis
illis rebus , quæ plerunque homi-
num obitum, & imprimis magno-
rum

E P I S T O L A.

rum principum, atque mutationes insignes imperiorum præcedunt. Multi qui nihil harum rerum unquam vel viderunt vel audiverunt, putant omnia quæ de illis dicuntur, meras nugas & aniles fabulas esse: homines enim simplices, item timidos & superstitiosos, sibi ipsis persuadere, quòd hæc vel illa viderint & audiverint, quum res longè aliter habeant. E diverso sunt alii, qui quum primùm aliquid audiunt, noctu præsertim, statim existimant Spectrum aliquod vagari, magnamque animo molestiam capiunt, eo quòd res physicas à Spectris non possint discernere. Quidam verò (præcipuè illi qui ex animabus defunctorum lucrum venantur) dicunt, pleraque quæ audiuntur & conspiciuntur, animas esse mortuorum, opem à viventibus petentes, ut è cruciatu maximorum dolorum Purgatorii liberentur. Multi non plebei soli homines, sed etiam excellentes viri, mirantur an sint Spectra, & quidnam sint. Rogarunt etiam me amici

EPISTOLA.

amici non semel ut meam eis de his sententiam declararem.

Operæ precium igitur facturus esse videor, si ex verbo Dei & probatis scriptoribus, quid de his rebus sentiendum esse videatur, breviter & perspicuè exponam. Nihil enim utilius ministri Ecclesiarum facere possunt, quàm ut homines de rebus necessariis, quæ in controversiam veniunt, ex verbo Dei, quod Lucerna est (ut Psaltes dicit) pedibus nostris, & lumen semitarum nostrarum, purè & perspicuè doceant, eosque ex erroribus & superstitionibus liberent, omnemque dubitationem & hæsitationem eis eximant. Illorum quoque studium & diligentia summo opere prædicanda est, qui ab aliquot annis contra varios errores, libros ex sacris literis concinnatos, Germanica aliisque linguis ediderunt: illorum item qui nostro adhuc tempore rudes & imperitos editis libris docent, erudiunt & confirmant. Nam inter multa alta excellentia beneficia, quæ Deus pater

✠ 3 noster

EPISTOLA.

noſter cæleſtis humano generi con-
tulit, hoc quoque magnum & præ-
clarum eſt, quòd in ſeneſta illa
mundi, cùm tot bonos libros, tum
ſacras literas veteris & novi Inſtru-
menti, variis linguis arte typogra-
phica in lucem protulit: quibus
nos non tantùm pleniffimè docet
quid credendum, quidque facien-
dum ſit: ſed varios quoque &
multiplices errores, qui paulatim
in Eccleſiam irreperunt, vehemen-
tiſſimè oppugnat. Omnes certè
illi erga Deum valde ingrati ſunt,
qui ingens hoc beneficium ipſius
non agnoſcunt.

*Partes
hujus
libri.*

Hanc verò meam traſlationem
De Spectris & oſtentis, ad melio-
rem intelligentiam in tres partes
diſtinxì. In prima parte oſtendo,
Quòd Spectra & ſpiritus exiſtant,
& interdum hominibus occurrant:
quodque multæ mirandæ res præ-
ter naturæ ordinem eveniant. In
ſecunda parte, Quidnam ſint: non
animæ vita defunctorum, ut qui-
dam opinantur, ſed vel boni aut
mali angeli, vel alioqui arcanæ &
occu-

E P I S T O L A.

occultæ Dei operationes. In tertia, Quare Deus interdum Spectra apparere sinat, & varia præfagia accidere: item quomodo homines sese ad occursum illarum rerum gerere debeant. In his capitibus præcipuè res continentur, de quibus, quod hoc negotium attinet, disputari potest.

Cæterum ex sacra Scripturæ oraculis, quibus niti possumus, ex vetustis Patribus, probatis Historicis & aliis bonis Scriptoribus, item experientia, rem obscuram & multis quæstionibus involutam, ut spero, tam perspicuè & dilucidè explicabo, ut studiosi & amantes veritatis divinæ, intellegendi sint quidnam de illis apparitionibus rebusque mirabilibus judicare debeant. Spero quòd etiam adversarii nostri, si affectus paulisper deponant, dicturi sint, me argumenta ipsorum bona fide adduxisse & confutasse, omittis convitiis & maledictis. Nam secundum doctrinam D. Pauli, finem habeo mihi propositum *Ædificationem*, non *Dissipationem*. ✠ 4 De

EPISTOLA.

*Qui de
hac
materia
scripse-
runt.*

De divinationibus, superstitionibus, adjurationibus, benedictionibus, præstigiis, incantationibus, & variis veneficiis, aliisque diaboli operibus in genere, nostro tempore aliquot doctissimi viri scripserunt, nempe Gasparus Peucerus, Joannes Viera, Ludovicus Milichius, & fortassis alii quoque, quorum labores nondum vidi. Joannes Rivius vir doctus & eloquens, ante annos aliquot Latina lingua libellum de Spectris & superstitione edidit, in quo breviter quidem, sed ut solet, eleganter admodum & facundè de hac materia aliisque superstitionibus tractat. Etsi verò ego de hac materia multò copiosius scribam, nolui tamen omnia illa quæ de hoc argumento dicere & afferre potuissem, colligere: sed quæ præcipua videntur, partim ne Lectoribus fastidium afferrem, partim ne hic liber nimium excreceret.

Spero clarissimum virum Ioa-
chimum Camerarium, qui veteres
scriptores Græcos & Latinos sin-
gu-

EPISTOLA.

gulari judicio evoluit, magnumque rerum usum habet, de hac materia & aliis quæ cum hac affinitatem habent, ornatè & copiosè scripturum. Hoc enim in suo præmio ad libellos Plutarchi, De defectu oraculorum, & figura EI consecrata Delphis (in quo de natura & effectibus dæmonum tractat) & in aliis suis scriptis videtur promittere. Ego hanc tractationem populari lingua scripseram: jam verò, quia aliis quoque utilitatem allaturam confido, utrumque in Latinam linguam transtuli, hinc inde quibusdam additis.

Hunc verò librum, quem ex multis scriptis magno labore & studio collegi, tibi, clarissime domine Consul, more & instituto veteri offero & dedico. Non quòd tibi de his rebus, quæ in hoc libro tractantur, mea institutione opus esse judicem (non enim ignoro quibus præceptoribus veram doctrinam didiceris: quodque peritus multarum linguarum, bonos autores evolveris, & hodie quoque

* , que

EPISTOLA.

que evolvas) sed partim ut huic meo libro apud alios, quibus tua fides pietas & constantia, quàm hactenus in propaganda vera doctrina defendendisque bonis legibus ostendisti, atque etiamnum ostendis, cognita & perspecta est, auctoritatem conciliarem: partim ut me aliquo modo tibi gratum præberem. Nam multa in me tibi de facie ignotum, aliosque Ecclesiarum ministros tua beneficia extant, quibus me tibi ita obstrinxisti, ut solvendo non sim.

Proinde etiam atque etiam rogo, ne hanc qualemcunque grati & benevoli animi significationem, respuas: sed aliqua ex parte liberatus à Reipublicæ negotiis & laboribus, hunc librum perlegere digneris: spero enim illum propter dilucidum ordinem, & multiplices historias quas recito, lectu tibi & aliis non injucundum fore.

Deus optimus maximus, qui suis dotibus te ita cumulavit, ut propter illas, licet juvenis adhuc, ad summos dignitatis in amplissi-

ma

EPISTOLA.

ma vestra Republica gradus promotus sis, te unà cum tuis ad conservationem amplissimæ urbis & ditionis Bernensis, diu saluum & incolumem tueri, suisque donis augere & locupletare dignetur.

Salutant te Domini & fratres mei, ministri Ecclesiæ Tigurinæ: item doctrina, virtute atque genere excellens vir Georgius Grebelius vetus tuus contubernalis. Datæ Tiguri mense Januario, anno à nativitate Christi 1570.



C A P I T A T R I U M
D E
S P E C T R I S
P A R T I V M.

PRIMÆ PARTIS CAPITA.

- C A P. I. *De vocabulis qua in materia de Spectris & variis praesagitionibus saepe occurrunt.* pag. 1.
- C A P. II. *Melancholici & furiosi multa sibi imaginantur, qua revera non sunt.* 9.
- C A P. III. *Meticulosi homines fingunt se Spectra videre & audire.* 15.
- C A P. IV. *Qui imbecillo visu sunt & auditu, sibi imaginantur multa qua revera non sunt.* 18.
- C A P. V. *Multi terrent alios, ut putent se Spectra vidisse vel audivisse.* 23.
- C A P. VI. *Sacrifici & monachi simularunt se spiritus esse, quomodo Mundus sub hoc pre-textu Paulinam, Tyrannus multas nobiles & honestas matronas stuprarint.* 25.
- C A P. VII. *Timotheus Aelurus se angelum mentitus, Episcopatum invasit: quatuor Monachi ordinis predicatorum Berna multas apparitiones finxerunt.* 31.
- C A P. VIII. *De fallaci & mendaci spiritu*
Au.

DE SPECTRIS.

Aurelia in Gallia

41.

CAP. IX. De quodam Parocho Clavenna qui se diuam virginem, & alio quodam, qui se animam esse mentitus est, item de quodam Iesuita personato.

46.

CAP. X. Mirum non esse quod olim falsa apparitiones facta sint, neque mirum esse si hodie quoque fiant.

50.

CAP. XI. Multae res physicae vulgò pro Spectrù haberi.

55.

CAP. XII. Quod spiritus vel Spectra interdum appareant, probatur historiis Gentilium.

59.

CAP. XIII. Ex historia veteris Ecclesiae, & scriptis sanctorum Patrum probatur esse Spectra.

69.

CAP. XIV. In libris Monachorum multa redicula & fabulosa apparitiones continentur.

72.

CAP. XV. Probatur ex aliis scriptoribus idoneis, Spectra interdum apparere.

75.

CAP. XVI. Spectra apparere docet quotidiana experientia.

79.

CAP. XVII. Obitus hominum, praelia, & insignes mutationes praecedunt aliqua ostenta & praesagia, audiuntur subiti fragores, aut alia id genus.

85.

CAP. XVIII. Spectra interdum videri & audiri, & alias res mirandas accidere, confirmatur testimoni. Sacrarum literarum.

93.

CAP. XIX. Quibus, quando, ubi, quomodo Spectra appareant, & quidnam efficiant.

96.

SECUND. PART. CAP.

CAP. I. Gentilium, Iudeorum & Turearum de-

de-

INDEX CAPITUM

- doctrina vel fides, de animabus separatis à corporibus.* 107.
- CAP. II. *Papistarum doctrina de animabus, earumque apparitione.* 111.
- CAP. III. *Quid ex illa Papistarum doctrina de apparitione animarum sequutum sit.* 120.
- CAP. IV. *Testimonia verbi divini, quòd neque fidelium neque infidelium anima, postquam sejuncta fuerint à corporibus in hac terra oberrent.* 124.
- CAP. V. *Testimonia veterum Patrum, quòd anima à corporibus separata in terra non errent.* 127.
- CAP. VI. *Argumenta illorum diluuntur qui animas mortuorum apparere dicunt. Primum respondetur ad id quod quidam dicunt, Deum omnipotentem esse, ideoque contra usitatum ordinem posse agere.* 136.
- CAP. VII. *Verum Samuelem Pythonisse in Endor non apparuisse.* 140.
- CAP. VIII. *Argumenta illorum qui verum Samuelem apparuisse volunt, diluuntur.* 147.
- CAP. IX. *Verum Diabolus specie fidelis hominis alicui apparere possit.* 154.
- CAP. X. *Moses & Helias Christo Domino nostro in monte apparuerunt: multi anima & corpore resuscitati sunt: proinde anima quoque in has terras redire possunt.* 159.
- CAP. XI. *An sancti Apostoli putarint se videre animam, quando Christus post suam resurrectionem eis ex improviso apparuit.* 162.
- CAP. XII. *De sanctis Patribus, Conciliis, Pontificibus, & vulgo, qui dicunt animas appa-*

DE SPECTRIS.

- apparere. 166.
CAP. XIII. *An anima ex Purgatorio & Limbo puerorum redeant.* 171.
CAP. XIV. *Quid sint illa quae videntur & audiuntur : & primum quidem quod interdum boni angeli appareant.* 176.
CAP. XV. *Aliquando & plerumque conspici malos angelos.* 179.
CAP. XVI. *De prodigiis, ostentis & aliis id genus.* 181.
CAP. XVII. *Diabolo non est difficile variis formis apparere, & res mirandas efficere.* 184.
CAP. XVIII. *Diaboli interdum homines jubent facere quae bona sunt, vitare contraria : vera quoque interdum dicunt, & quare.* 189.

TERT. PART. CAP.

- CAP. I.** *Deus Spectris suos fideles exercet, & infideles punit.* 194.
CAP. II. *Qua sit causa quod nostris temporibus tam pauci spiritus conspiciantur vel audiantur.* 204.
CAP. III. *Quare Deus fragores insolitos & inconditos strepitus, ante mutationes insignes, & alias finat audiri.* 207.
CAP. IV. *Quo pacto illi se gerere debeant, quibus boni vel mali spiritus apparent, & aliae res miranda offeruntur : & primo loco quomodo se Gentiles & Iudaei in huiusmodi casibus gesserint.* 208.
CAP. V. *Quo pacto Christiani, quibus Spectra se offerunt, sese gerere debeant, & primum sorti esse animo debent, & firmi in fide.* 212.
CAP.

INDEX CAPITUM, &c.

- CAP. VI. Illos qui à Spectru vexantur, in primis decet precibus insistere, jejuniis, sobrietati, vigiliis, & pietati vita studere. 215.
- CAP. VII. Spiritus qui apparent, merito nobis suspecti esse debent: non sunt conferendi sermones cum ipsis: nihil ex ipsis est discendum. 220.
- CAP. VIII. Testimonia sacra Scriptura, & exemplum quod hujusmodi apparitionibus non sit adhibenda fides, quodque cauti esse debeamus. 223.
- CAP. IX. Quo pacto fideles in veteri Ecclesia ad occursum Spectrorum se gesserint. 225.
- CAP. X. Varias superstitiones paulatim crevisse, quibus Spectra pellere homines voluerunt. 226.
- CAP. XI. Spectra non diris & execrationibus pellenda esse. 238.
- CAP. XII. Quo pacto nos, si insoliti fragores audiantur, aut alia prasagia fiant, gerere conveniat. 241.

PRIMA

oco
S
lach
tem
offe



PRIMA PARS
HUIUS LIBRI
DE
SPECTRIS.

In qua ostenditur spiritus &
spectra apparere, varia-
que portenta accidere.

CAP. I.

*De vocabulis quæ in materia de spectris &
variis præfagitionibus sæpe occurrunt.*



Væ ad vocabulorum & vo-
cum proprietatem in hæc
de spectris materia pertine-
re videbuntur, initio brevi-
ter exponam ut qui in hoc
libro, & præcipuè in veteri-
bus authoribus legendis
occupantur, omnia melius intelligant.

Spectrum apud Latinos significat simu- *Spe-*
lachrum seu imaginem oculis sese offeren- *Armo.*
tem. Scaliger dicit, Spectrum esse quod se
offert, aut verè aut corrupta imagina-
tione.

zione. Theologi accipiunt pro substantia incorporea, quæ conspecta vel audita, hominibus terrorem infert.

Visum. Visum significat Spectrum sive speciem aliquam, quam dormientes & etiam vigilantes videmur videre: ut de Bruto legitur, qui Genium suum vidit. Cicero l. 1. Acad. quæst. visum scribit phantasiam à Græcis dici.

Visio. Visiones etiam Latini appellant, quod Græci phantasias.

*Terricula-
mentū.* Terriculamenta sunt phantasmata seu Spectra terrorem incutientia, terriculum etiam vocant Latini quod terrorem incutit.

Φάντασμα. Quod D. Matthæus 14. & Marcus 6. cap. φάντασμα vocat, Erasmus convertit Spectrum. Vetus interpres Græcam vocem retinuit.

Φάντασμα. Φάντασμα quoque larvam, visum vel Spectrum significat. Suidas inter phantasma & phantasiam distinguit, quod phantasma sit imaginatio, species, vel visio ejus quod non est, quales sunt quas dormientes videre sibi videntur: phantasia verò ejus solùm quod est.

Πνεῦμα. Lucæ 24. capite, πνεῦμα pro spiritu vel Spectro accipitur, additur tamen aliquid ferè, si pro malis spiritibus accipiatur, ut πνεύματα, πλάνα, πονηρά. Gentiles, teste Augustino & aliis patribus, putarunt animas, hominum fieri dæmonas. quod si bonorum fuissent meritum, Lares appellari: si malorum, tum Lemures, tum Larvas. Quod si incertū fuisset, bonorum-
ne

ne an malorum essent meritorum, tunc appellari Manes. Eosdem fuisse genios & lares Apulejus, & alii veterum memorix prodiderunt.

Lares, teste Festo, animas putarunt esse hominum, vel deos inferiores. Lares præstitites dicti fuerunt. quòd omnia tuta præstarent oculis suis: hoc est, conservarent ac tuerentur. *Lares. Præstitites.*

Nominatos etiam dicunt Hostilios, quòd hostes arcere putarentur. Nec solum privatarum ædium ac triviorum, sed etiam urbis custodiæ præesse credebantur. Colebantur item privatim in ædibus, & publicè in compitis. De laribus vide plura in Comment. Antonii Constantii Favensis, in libr. Fastorum Ovidii. *Hostilii.*

Genius, dicunt Grammatici, est naturalis Deus cujusque loci, vel rei, vel hominis. Quum nascimur duos nos sortiri genios scribunt, quorum alter nobis horreator sit ad bona, alter verò ad mala. Censorinus, Genius, inquit, Deus est cujus in tutela ut quisque natus est vivit: sive etiam quòd ut generemur curat, sive quòd unà gignitur nobiscum: sive etiam quòd nos genitos suscipiat ac tueatur. Certè à gignendo genius appellatur. *Genius.*

Penates quoque domestici dii sunt. Macrobius deos esse dicit per quos penitus spiramus, per quos habemus corpus, per quos rationem animi possidemus. Nonius, inquit, lemures esse larvas nocturnas, & terrificationes imaginum & bestiarum. Alii dicunt lemures esse imagines *Penates.*

4 P R I M A P A R S

noxias, quæ noctu appareant: etiam esse ita dictas sugillatorum umbras.

Umbra. Aliqui umbras omnium mortuorum, lemures appellant. Apulejus dicit, Ex lemurebus qui posteriorum suorum curam sortitus, pacato & quieto nomine domum possidet, lar dicitur familiaris. Et quoniam apud veteres sicut lares boni, ita lemures mali habitati sunt, ad arcendum eos sacra fiebant.

Lemures. Lemures alii umbras dicunt quæ cum corporibus morantur. Porphyrio vocat vagantes umbras hominum ante diem mortuorum: à Remo dictas quasi remures, cujus umbræ insequuntur sint fratrem Romulum, quas quum placare vellet, Lemuria instituit. Larvas umbras vocari Servius dicit. Umbras verò vocarunt mortuorum animas. A larvis dicuntur larvati, id est malè sani, ac larvarum incurfione animo vexati, qui & Ceriti vocantur, teste Nonio.

Servius Manes dicit esse animas, eo tempore, quo de aliis recedentes corporibus, nondum in alia transierunt, per antiphrasin sic dictos existimat ab antiquo adjectivo manus, id est, bonus: quòd minimè essent boni. Putabant enim veteres manes esse deos inferos, eosque inter numina læva numerabant, placabantque eos sacrificiis ne nocerent. Quidam manes dicunt esse deos inferos bonos, inde mane, quod est bonum: dii manes, quasi boni & prosperi, unde immanes, non boni. Alii putant hoc nomine appellatas fuisse ani-

mas separatas à corporibus, unde videmus vetusta sepulchrorum monumenta inscripta esse diis manibus. in qua sententia Apulejum fuisse, paulò antè dixi. Sunt qui manes eosdem putent quos veteres genios appellarunt, duosque manes ab ipsa statim conceptione assignatos fuisse corporibus, qui ne mortua quidem deferant, consumptisque etiam corporibus sepulchra inhabitent. Quare qui sepulchra demoliebantur, deos manes violare putabantur, augures tam superos quàm inferos deos, manes dicebant, quod per eos omnia manare crederent, auctore Festo. Alii à manando, quod loca inter lunarem & terrenum circulum, unde defluant, animabus plena sint.

Maniæ sunt deformes personæ, auctore *Mania.* Festo. Item larvæ, quas nutrices pueris imitari solent.

Μοῖρα mulier facie monstrosa penè forma, lamia: hinc pro larva: sicut & *μορμολύκειον*, terriculamentum, Spectrum, larva. Nicephor. in Ecclesiastica historia scēminam nocturnam Gilo vocari dicit.

Lamiæ ab antiquis mulieres esse putabantur oculis exemptibilibus, vel dæmonum quædam phantasmata, quæ formosarum mulierum specie assumpta, pueros pariter & juvenes blanditiis allestos devorabant. Philostratus in Apollonio de quodam Menippo scribit mirabilem historiam, vel fabulam, qui adamarus fuerit à lamia. Idem scribit lamias à quibus-

dam larvas appellari, & lemures, à nonnullis empusas: nutrices pro infantum terriculamento nominare, &c. Chrysostomus Dion in intima Africa feras quoddam esse scribit muliebri facie, quæ & ipsæ lamix dicuntur: uberibus autem totoque pectore adeò specioso, ut nullo pictoris ingenio effingi queant, quibus relictis homines in fraudem alliciant, captosque devorent. In Threnis Ierem 4. cap. Lamix, dicitur, nudarunt mammas suas, &c. Lamias puerorum terriculamenta esse Apulejus scribit.

Striges. Lamix etiam Striges vocantur. Striges aves inauspicatas esse dicunt, quæ infantium in cunis sanguinem sugant: hinc maleficis mulieribus, quas Festus volaticas quoque vocari scribit, volunt nomen esse inditum.

Gorgones. Gorgonis nomen ad puerilia terriculamenta confectum. Gorgones dicunt esse voraces, quales etiam Lamix finguntur.

Incubi. Succubi. Ephialtæ & hyphialtæ, Incubi & Succubi, sunt Spectra nocturna vel dæmones insultores. Medici morbum esse dicunt.

Empusa. Empusa, phantasma dæmoniodes, seu Spectrum quod se infelicibus ingerit multifariamque mutat formam, & se meridie plurimum ostendit. Plura apud Suidam.

Dicelon. Dicelon, quod ad terrorem incutendum immittitur: id genus terriculamenta à Græcis Heccatæ dici scribit Apollonius, quod ab Hecate immittantur seu Proserpina, quæ inde etiam *Περσένη* vocatur,

tur, ἀπὸ τῆς βρυγῆς à terrendo, nimirum quòd terriculamenta nocturna ab ea im-mitti credebant.

Plutarchus scribit, Acco & Alphito *Acco.* monstrosas fœminas fuisse, per quas ma- *Alphi-* tres pueros in officio continebant, & à to. peccando deterrebant.

Cardanus dæmones subterraneos qui *Tel-* fodientes ruina opprimunt, Telchinnes *chinnes.* vocat, apud Græcos τελχῆνες vocantur homines malefici, afflati spiritu & fu- riosi.

Ad hunc ordinem pertinent monstra partim humanam, partim ferinam for- *Pan.* mam referentia, quæ in sylvis reperta di- *Fau-* cunt, & sæpe agricolis apparuisse. Panes *nus.* & Faunos idem esse dicunt, & in capræ *Satyr.* pedes desinere. *Sileni.*

Satyros quoque humana ferè forma *Onocen-* esse referunt: illos qui sunt adultioris æta- *taurus.* tis, Silenos vocant. *Onosce-*

Onocentaurus animal est monstruosum, *li.* quod à parte superiore, hominis speciem *Hippo-* habere dicitur, ab inferiore, asini. *centau-*

Onosceli apud Plutarchum dæmones *rus.* sunt asininis cruribus. *Sphin-*

Hippocentauros finxit antiquitas, su- *ges.* periori parte hominem, inferiore equum *Scylla.* referentes. *Har-*

Sphingem animal fingunt esse ἀνθρωπό- *pya.* μύρον. *Triton.*

Scylla, Harpyæ, sunt rapaces dæmones *Nerei-* vultu virgineo. *des.*

De hominibus marinis Tritonibus, *Syr-* Nereidibus, Syrenibus, quibus faciem hu- *nes.* manam

nam vetustas attribuit, vide Gesnerum in historia aquatiliū suis locis. Marina monstra reperiri humanam formam utcunque referencia, ex multis authoribus probat. Horum monstrorum quædam ad simiarum genus pertinent, quædam fabulosa sunt: potest tamen sub illorum specie Diabolus nihilominus hominibus illudere.

Hæc de vocabulis quibus in tractatione de spiritibus & Spectris utendum est.

Ostenta.

His conjunxi ostenta vel præfagia quæ plerunque res magnas præcurrunt. Ideo autem his conjungo, quod magnam cum eis affinitatem habeant. Nam obijciuntur etiam quædam Spectra sensibus. Armati conspiciuntur in terra vel aëre: aliæ item imagines: audiuntur voces, strepitus, crepitus & alia id genus.

Portentum.

Quod verò ipsa vocabula attinet, Portentum est quod portendit aliquid futurum, ut quum insolita corpora in aëre apparent, cometæ, sereno cælo tonitrua, turbines. Portentum Festus dicit esse quod licet naturale sit, rarò tamen se ostendit, & futurum aliquid cum temporis intervallo denuntiat. Ostentum res aliqua inusitata, quæ statim futurum aliquid ostendit. Eadem ponunt exempla.

Ostentum.

Prodigium.

Prodigium, quod etsi naturaliter fit sæpe evenit, semper tamen aliquid præfagit mali, quasi porrò agendum.

Monstrum.

Monstrum est quod contra naturam fit, ut quum nescitur aliquid membris alterius generis: quod promonstrum etiam dici.

DE SPECTRIS.

dicitur, quasi porro aliquid monstrans
sive monens. Hæc tamen sæpe inter se
confunduntur, & pro eodem significato
accipiuntur: nimirum quod eundem fi-
nem habent, nempe res futuras prædixe-
re, vel significare.

Spectra de quibus nos agimus, nihil ad
physicos pertinent, neque illa quæ his
conjunximus. Nam si subitus fragor, so-
nitus, aut fremitus vel strepitus, tan-
quam tota domus ruat, & alia accidant
naturalibus rationibus, ad hanc mate-
riam propriè non pertinent. Cæterùm his
præmissis, ad rem ipsam Deo duce & au-
thore aggrediemur.

CAP. II.

*Melancholici & furiosi, multa sibi imagi-
nantur quæ revera non sunt.*

Complures fuerunt omnibus tempo-
ribus, qui negarunt Spiritus aut Spe-
tra existere Epicurei quæ de illis re-
feruntur, omnia riserunt, & pro figmen-
tis ludibriisque habuerunt, quibus pueri
& imperiti atque simplices homines ter-
rerentur. Cassius, qui etiam Epicureus
fuit, quum ex Bruti narratione intelligen-
ret, quod Spectrum quoddam vidisset,
teste Plutarcho, omnia ad naturales cau-
sas referre conabatur. In Actis Apostol.
cap. 23. legitur Sadduceos non credidisse
futuram resurrectionem mortuorum:
item negasse quod Spiritus & Angeli exi-
stant. Hodierno quoque die, multi pii &

*Qui-
dam
ne aut
Spectra
esse.*

boni viri omnia illa quæ de Spectris ultro citroque dicuntur, fabularum loco habent, partim quòd toto vitæ tempore nulla eis apparuerunt: partim & præcipuè quòd superioribus aliquot seculis homines confectis apparitionibus, visionibus, & miraculis à Monachis & sacrificulis toties decepti sunt, ut nunc vera quoque pro falsis habeant. Quicquid sit, multis scriptorum testimoniis & quotidiana experientia probari potest, Spiritus & Spectra interdum apparere, multasque res mirandas revera accidere. Certum quidem est, multos sibi falsò persuadere, quòd videant vel audiant Spectra: id enim quod se videre vel audire fingunt, ex melancholia, furore, sensuum imbecillitate, metu, aliisque affectibus oritur: vel animalia, exhalationes, aliasque res naturales videntes atque audientes fingunt sibi nescio quæ visa oblata fuisse, id quod deinceps multis & illustribus exemplis sigillatim ostendam. Minimè dubitandum est, quin omnia ferè illa, quæ vulgò Spectra esse putantur, nihil minus sint. Interim Spectra & multa alia hujus generis, aliquando cerni & audiri, nequaquam est negandum.

Melan- Principio nemo inficiari potest, quin
cholicorum homines qui vel natura, vel propter acceptas ingentes calamitates, tristes sunt
et varia & melancholici, sibi ipsis res mirandas
imagi- imaginantur. Interdum sanctè affirmant,
nationes. se hæc vel illa audire & videre, quæ tamen neque ipsi, neque alii vel vident vel
 au-

audiunt. Id quod in illis aliquando experimur qui magnis capitis doloribus afficiuntur, aliisque morbis corporis sunt obnoxii, qui pervigiles noctes ducunt, aut motæ mentis sunt. Qui cum hujusmodi hominibus degunt, etsi eorum infelicem conditionem miserentur, tamen sæpenumerò risum tenere non possunt, si ex ipsis tam absurdas fabulas, res inauditas, & visiones mirandas audiant. Aristoteles scribit in libro suo de rebus mirandis, de quodam mente capto, qui in Abydo urbe Asiæ multis diebus se in theatrum conferens vacuum, sedebat, & non minus manuum complosione testabatur sibi omnia placere, quàm si comœdia vel tragœdia aliqua egregiè fuisset acta. Similem historiam describit Horat. lib. 2. epistolarum de quodam qui Argis in theatrum veniens, idem fecerit quod alter ille: cumque cognati ipsius, medicorum opera eum curassent, indignissimè tulerit, negans se unquam vixisse suavius, quàm quum mentis parum fuisset compos. Athenæus scribit lib. 12. de quodam Thrasilao, qui tam vitiato cerebro erat, ut putaret omnes naves quæ in Piræum portum appellebant, suas esse: recensere eas, nautas solvere præcipiebat, redeuntibus non aliter gratulabatur, quàm si omnium rerum quibus onustæ erant, dominus esset. Is toto illo tempore quo mente captus fuerat, suavem vitam duxisse se ajebat, donec medicus ab hac insania ipsum liberasset.

Vidi

Ioannes Sertorius. Vidi quendam nomine Ioannem Leonardum Sertorium, cui viri honesti & graves, quibus familiariter notus fuit, testimonium perhibuerunt pietatis, qui persuasum habebat, se instar Helix miraculo cœlesti probare posse, quod nostra Religio esset vera & Catholica. Postulavit ab aliquot Rebus publicis, ut convocarent Evangelicos & Papistas, se enim paratum esse hoc miraculum edere, & nisi omnibus videntibus ederet, nullum supplicii genus recusabat

Vide Ludol. Calium l. 7. anti-qui a-tum. cap. 2.

Eadem est aliorum quoque ratio qui mente capiuntur: vel quod rem aliquam diu multumque in animo suo volutarunt, ut ingeniosis artificibus interdum accidere solet: vel quod diuturno morbo laborarunt, vel quod amoribus ardent, &c. Illi omnes mira tractant. Invenies aliquem, qui sibi videtur taurinis cornibus armatus esse alii sibi videntur vasa esse fictilia, ideoque loco cedunt, ne confringantur. de tali quodam scribit Galenus lib. 3. de locis affectis 6. cap. & item lib. 4. cap. 1. Alii se credunt mortuos, alii sibi videntur magni principes, alii viri eruditi, alii Prophetæ & Apostoli, deque rebus futuris vaticinari conantur. Idem scribit de Phreneticis in libro de sympt. diff. cap. . de Theophilo quodam medico, cui reliqua prudentia supererat, & disputandi & præsentis exactè noscendi: cæterum tibicines quosdam Angulum domus ubi decubuit occupasse, assidueque sonare, tum pulsare putabat,

bat, atque hos se intueri rebatur, partim illic stantes, partim sedentes, adeoque sine intermissione sonantes, ut neque noctu neque interdiu usquam vel minimum tempus quiescerent: exclamare igitur non cessabat, ac jubere ut domo ejicerentur. Idem postquam planè convalluit, tum reliqua omnia quæ quisque dixisset fecissetve narrabat, tum imaginationis de tibicinum tædio meminerat.

Paulus Ægineta scribit lib. 3. cap. 15. *Lycantropia.* quòd Lycantropia (insaniæ genus est) correpti per noctem domo exilientes, lupos per omnia imitentur, & quoad dilucescat circa defunctorum monumenta plerunque versentur. Alias quoque Satan hostis humani generis, homines decipit, ut sibi videantur esse bestię. De qua re legitur apud August. Genes. ad literam. 7. cap. 11. Morsi à rabidis canibus aquas formidant: hunc effectum Hydrophobiam appellant. de quo Ægineta lib. 5. *Hydrophobia.* cap. 3. tradit, quòd hoc malo laborantes, fugiant aquam intuentes, admotique: alii humorem prorsus omnem aversentur. Esse qui canum instar latratus edant, & intervenientes morfu impetant. Rufus timoris causam ostendens, canis à quibus demorsi sunt Spectrum in aquis cernere ipsos opinari dicit.

Ephialtes, quem Incubonem vocant, *Ephialtes hi.* morbus est ventriculi, de quo consule *cubus.* Paulum Æginetam lib. 3. cap. 16. Multi verò qui eo corripiuntur credunt se opprimi ab homine prægrandi, qui os manibus

nibus vehementer ipsis comprimat ne exclamare queant: brachia & crura movent, ut illum à se depellant, sed frustra. Quidam inani phantasia ducti, credunt illum à quo opprimuntur, paulatim & quasi ex insidiis per lectum ascendere: mox iterum descendere: videntur sibi eum etiam audire. Alio nomine hic morbus *πνιγάλιον & πνιγάμων* dicitur.

Furiosi. Furiosi qui usum rationis penitus amiserunt, aut permissu Dei à cacodæmone vexantur, quos Evangelica historia *δαίμονιζομένους* vocat, mira agunt, de multis visionibus loquuntur, rebusque variis, fallit eos visus ut unum pro alio intueantur: id quod in Ptochodochiis experimur, in quibus furiosi & maniaci custodiuntur. Ajax legitur tam graviter tulisse quòd Vlyssi arma Achillis adjudicata fuerunt, ut præ dolore in amentiam versus, evaginato gladio in gregem porcorum insilierit, existimans sese cum Græcorum copiis configere. Tum duos majores porcos à trabibus suspensos flagris cecidisse, additis convitiis: existimans hos esse Agamemnonem & Vlyssæm, quorum illi ut judici, huic ut victori potissimum irascabatur. Postea sibi restitutus pudore manus sibi intulit. In præliis sæpe factum est, ut militibus ad insaniam reductis extorquenda fuerint arma, eò quòd suos hostium loco haberent, & in eos impetum facere conarentur. Tertull. dicit, Qui insaniunt, alios in aliis vident, ut Orestes matrem in sorore, Ajax Vlyssæm

in

in armento, Athamas & Agave in filiis
bestias, &c.

CAP. III.

*Meticulosi homines fingunt se Spectra vi-
dere & audire.*

QUæ de insanis, melancholicis & fu- *Imagi-*
riosis dicta sunt, de meticulosis quo- *natio*
que possunt intelligi. Etenim si quis *metu*
natura meticulosus est, vel propter in- *ladi-*
gentia pericula, vel alias causas metu *tur.*
percellitur, etiam multas res mirandas
sibi imaginatur, quæ revera non sunt:
præcipuè si quid atræ bilis accedat. Mu-
lieres quæ plerumque natura meticulo-
siores sunt viris (hinc D. Petrus, cùm de
officio conjugum loquitur, in priore Epi-
stola, eas vas imbecillius vocat) frequen-
tius sibi persuadent quàm viri, se hæc &
illa vidisse vel audivisse. Iuniores item,
quia plerumque sibi metuunt. Si in mensa
aliqua mentio fiat spectrorum & lemu-
rum, mulieres & pueri aliquando vix soli
audent egredi ex conclavi, metuentes ne
quid eis occurrat: si strepitum aliquem
audiant, putant Spectra sibi à tergo esse,
propter vanam persuasionem. Ignavus
miles, putat hostiles copias numerosio-
res esse, quàm sint: strepitus folii quod
moveretur, (id quod Dominus in Lege sua
Populo Israël, nisi officium fecerint,
comminatur:) ita territat eum, ut se in
pedes conjiciat. Si vel picum arborem
roastro tundentem audiat, existimat ho-
stem

stem cervicibus imminere: si vel mus se moveat, statim animum despondet. Fortem verò & animosum militem hæc & alia nihil perturbant. Interdum verò in fuga etiam fortes milites, à suis dilapsi, ita perturbantur animo, ut amicos hostium loco habeant, nec sciant ubi terrarum degant, & quonam se vertant: quæ omnia metus efficit.

Plutarchus scribit in libello suo de seræ auminis vindicta, mirabilem & memorabilem historiam de Bello quodam. Is quum patrem interfecisset, delituit longo tempore. at quum aliquando cœnatum iret, nidum hirundinum hasta impellens deturbavit. Quumque cœnantes hanc ejus crudelitatem detestarentur (aversamur enim illos qui aviculas & alia animalia divexant, existimantes eos sævos & crudeles esse Nonne, respondit, jamdiu falsum testimonium adversus me ferunt, clamantes me patrem meum interfecisse? Præsentes admiratione ducti, hæc verba ad Regem detulerunt, qui tormentis eum subjecit, reque diligenter discussa, parricidii pœnas de eo sumpsit. Hinc colligis quid metus possit: hirundines loqui non poterant, tamen ille persuasit quòd parricidium sibi exprobarint. Ita multi ex metu imaginantur se videre & audire multa, quum sint meræ nugæ.

*Theo-
doricus
Rex pu-
tat se
Sym-
machum
videre.*

Procopius in belli Italici principio tradit, Theodorico cœnanti, post occisos egregios viros Boethium & Symmachum socerum hujus, quum esset caput piseis

oblatum, horrendam in illo visam Sym-
machi faciem, quæ labro inferiore mor-
dicus apprehenso, sibi torvis oculis mi-
naretur, ideoque Regem pavore conster-
natum, in morbum incidisse, ex quo
postea obierit.

Quin metus si immodicus sit, efficit ut
illa quæ nobis consolationem afferre de-
bebant, horrescamus. Exemplo nobis
sunt ipsi Apostoli domini nostri Iesu Chri-
sti Matth. 14. cap. qui cum noctu in lacu
maximo in periculo versarentur, valde
consternati sunt videntes Christum aquæ
inambulantem sibi appropinquare. puta-
bant enim se videre Spectrum, & præ
metu clamabant. Dominus verò veniebat
ut eo ex præsentis periculo liberaret. Post
resurrectionem, quando vero suo cor-
pore eis apparebat, valde territi sunt, &
ut Lucas scribit, putabant se spiritum vi-
dere. Dominus itaque consolatur & eri-
git ipsos, dicens. Videte manus meas &
pedes meos, quia ego ipse sum. Contre-
ctate me & videte: quia spiritus carnem
& ossa non habet, sicut me videtis habe-
re. illi præ gaudio credere non poterant
& mirabantur. Hoc loco vides pavore fa-
ctum esse, ut discipuli dominum ipsum,
Spectrum esse putaverint. Mirari itaque
nemo debet, si nos quoque metu impe-
diti, unum pro altero habeamus, nobis-
que persuadeamus quod spiritus videri-
mus, ubi nulli fuerunt

Qui forti & excelsa animo sunt, & ab *Forti-*
omni metu vacui, raro vident Spectra. *bns &*
De

*animos- De Scythis gente montana & bellicosa (à
sis raro quibus Turcæ suam originem ducere cre-
Spectra duntur) traditur, quòd eis nulla Spectra
appa- appareant. Leones memorant larvis non
rent. terri: sunt enim animosi & impavidi.*

C A P. IV.

*Qui imbecillo visu sunt & auditu, sibi
imaginantur multa quæ revera non
sunt.*

Qui visu sunt imbecilli, etiam sæpe numero ita falluntur, ut unum pro alio aspiciant. Lusciosi, à Græcis *μυωπες* dicti, qui rem aliquam nisi propius oculis admotam non vident, quales ferè sunt studiosi bonarum artium, qui diurna & nocturna manu libros versant) tantùm falluntur visu, ut ipsos sæpe pudeat dicere quid se vidisse putarint. Physica etiam ratione fit, ut remus in aqua fractus putetur: & turris quadrangula de longinquo, rotunda.

*Ebrii
mira
vident.*

Qui immodicè vinum bibunt, ita ut oculi eorum caligare incipiant, & ex capite prominere, instar leporum quos de pertica suspensos per milliare unum & alterum gestavimus, longè alia vident quàm sobrii. Putant se videre geminas lucernas positas in mensa, quum unica tantùm sit: poculum accipere volentes, aberrant. Pentheus in Bacchis Euripidis dicit se duos soles videre, binas item Thebas. cerebrum enim ipsius perturbatum erat. Vulgare illud est, ut si vinum vici-

vicit, omnia inverti videantur arbores ambulare, montes moveri, fluvii fursum ferri, &c.

Solomon in Proverbiis suis capite 23. omnes dehortatur ab ebrietate, adjiciens quæ incommoda ex ea nascantur, & inter alia dicit, Oculi tui videbunt extraneas, nempe visiones, & mirabiles apparitiones. Nam ut meticulosi sibi mirabilia imaginantur, ita etiam ebrii, qui visum suum dedita opera corrumpunt.

Et quanquam Deus in aëre, & in terris, multa prodigia edat, ut hominibus concordiam excutiat, eosque ad veram penitentiam provocet: nihilominus tamen credendum est homines ebrios, qui in multam noctem ad mensam desident, non rarò dicere sibi hanc vel illam visionem objectam esse, se hoc vel illud prodigium vidisse, quum prorsus fallantur. Etenim si tempestivè, ut decebat, domum rediissent, neque vino se oncrassent, nihil illius generis eis apparuisset. Oculi enim ipsorum non fuissent corrupti. Nonne fit, ut quum aliqui mero incaluerunt, unum pro alio aspiciant, à quo sibi læsi videntur verbis vel factis, & statim arreptis armis impetum in eos faciant? Locus Solomonis jam adductus etiam hunc sensum potest habere: Oculi tui videbunt extraneas, nempe mulieres, nimirum ad concupiscendum eas. Experientia enim docet, ebrios sæpenumero matronas & virgines de stupro compellare, quod sobriis ne in mentem quidem veniret. Vi-

num immodicè sumptum, fomes est audaciae atque libidinis.

*Qui-
dam
vident
seipsos.*

Aristoteles scribit quosdam propter oculorum imbecilles spiritus, in aere proximo (nimirum ut in speculo) suam quandam imaginem contemplantes, existimare sese suos vidisse manes: atque ita suam, quod dici solet, umbram metuunt. Nonne homines, etsi in locis obscuris videre nihil possunt, tamen sibi imaginantur, quòd varia simulachra & colores videant? illa ipsa quæ cernimus, imaginamur nobis longè alia esse quàm sunt.

Notum est oculorum aciem ita posse perstringi, ut omnino putemus aliquem gladium vorare, expuere pecuniam, carbones & alia: aliquem vesci pane, & expuere farinam: aliquem bibere vinum, quod postea ex fronte profluat: unum alteri caput abscindere, quod postea in suum locum restituat, gallum gallinæcum trahere ingentem trabem, &c.

Adhæc rebus naturalibus, ut suffragationibus, & aliis effici potest, ut sanctè affirmares, omnes quotquot ad mensam sedent, carere capitibus, vitæ se extender per conclave, quum mera sit impostura. Hac de re libri publicè extant.

Eadem est ratio auditus aliorumque sensuum. Illi quorum auditus viciatus est, videntur sibi interdum audire vehementem ventum, violentam tempestatem, crepitum flammæ, fluviorum subito aëtherum strepitum, cantum & instrum-

instrumenta musica, campanarum tinnitum, quum hæc & alia tantum auditus vitio fiant. Alii qui cum illis versantur, & integro sunt auditu, nihil penitus illarum rerum audiunt.

Aliquando auditur aliquid revera, ut crepitus parietum ligneorum & alia, quæ sunt signa physica tempestatis secutura. Loca etiam sunt cava è quibus spiritus emittitur, qui per fistulas sonum suavem reddit, veluti cantum, ut homines in admirationem trahat.

In litoribus quoque modicè curvis, idem fieri apud Physicos legimus. Fallitur etiam auditus, ut quum putamus nos audire tonitrua, quum sit plaustrum.

Sunt qui putent se aliquid contrectasse, & falluntur. Febri laborantes si bibant vinum optimum & dulcissimum, putant felle amarius esse: si bonis jusculis vescantur, putant insipida esse. Id verò non fit vitio coqui, sed palati & stomachi morbo corrupti. Nam quibus bilis redundat, illis amara videntur omnia. Ita fit ut quis putet se Spectra videre, audire, palpare, vel se ab eis palpari: quum res secus habeat, quod tamen illi nemo facile persuaserit.

Si metus & imbecillitas visus, aliorumque sensuum concurrant, multa homines statim mirabilia sibi fingunt, etiam falsissima firmiter credunt, neque possunt à sua sententia ullis rationibus dimoveri.

Legimus non singulos tantum homi-

*Tactus
falli
poss.*

*Imbecillitas
visus
metus*

nes, sed aliquando totos exercitus ita deceptos fuisse, ut putarint hostes sibi imminere, quum nemo adesset. Hinc horribiles aliquando fugæ factæ sunt.

Comminatus vir equestris ordinis, diligens historicus, in fine libri primi de rebus gestis Ludovici XI. Galliarum Regis scribit Carolum Ducem Burgundiæ & alios principes, quum exercitum ad Lutetiam admovissent, per indicium cognovissè, quòd Rex postero die cum omnibus suis copiis eos adoriri constituisset: sequente die Carolum præmississè equites speculandi causa: qui quum cœlum obscurius esset, putarunt se eminus videre ingentem numerum hastarum: progressos longius, cœlo jam sereniore, cognovissè eum locum, in quo arbitrati erant regem copias omnes atque vires habere coactas, consitum esse præ altis carduis, qui ex longinquo hastarum speciem præbebant. Nox enim fallit homines. Non itaque mirum cuiquam videri debet; siquando iter facientes, vel appetente, vel intempesta nocte, lapides, truncos, arbusta, & alia pro Spectris & lemuribus habeant.

In posteriore libro Regum legimus cap. 3. Moabitas post obitum Achabi regis, à Ioramio ejus filio defecisse: quam ob causam ille Iosaphatum sollicitavit de ferendo sibi auxilio, omnibusque suis copiis bellum Moabitis inferre constituit, ut eos ad obedientiam reduceret. His auditis Moabitarum omnes quotquot arma
ferre

ferre poterant, excitarunt ut sese defenderent. Cùm autem Moabitæ summo mane contra hostes exirent, & orto sole aquas, quas Deus miraculo eduxerat, putarent rubras esse, dixerunt: Reges inter se commissi sunt, & mutuis vulneribus ceciderunt. Cumque accurrerent, nullo ordine, ad diripiendum Israëlitarum castra, ab ipsis ex inopinato cæsi sunt. Hoc loco vides totum exercitum, aquas pro sanguine habuisse.

CAP. V.

*Mulci terrent alios, ut patent se Spectra
vidisse vel audivisse.*

AD hæc sæpenumerò accidit, ut non solum homines faceti, sed & maligni mutato habitu aliis terrorem incutiant. Vulgare hoc est apud nonnullos, ut aliquis certo anni tempore, reticulo aut persona adducta capiti, filios exterreat, quò assiduè laborent, & parentibus morigeros sese præbeant: postea eis dicunt, empusas, lamias & mormolycias *Lamia.* conspici: illis persuasissimum est rem ita habere, & plerunque miserè sibi metuunt. Cæterum non semper conducit, pueros ita terrere: aliquando enim ex metu in morbos graves incidunt, & noctu dormientes clamant. Solèmon pueros si officium suum negligant, virga castigandos esse docet, & ita metum illis incutiendum: non dicit persuadendum illis, quòd

quodd vorandi sint ab empulis , formina nocturna, aut aliis monstris.

Interdum juvenes hilares & jocosī vestes induunt quibus Diabolos referant, vel alioqui linteaminibus sese involvunt, ad alios terrendum. In quos si simplices homines incidunt, non dubitant quin malos spiritus aut Spectra quædam conspexerint. Non tamen semper tutum est alios hujusmodi jocis & ludis fallere : quàm enim malè hoc multis ceciderit, exemplis ostendi posset. Usitatum est, ut juvenes jocosī unà iter facientes, noctu in diversoriis, funem alligent spondæ, vel stragulæ vesti, vel sub spondam se abscondant, seque Spectrum umbram esse simulant, alios ludificent. Accidit apud nos Tiguri, ut juvenes hilares, mutato habitu in campo Ecclesiastico choreas duxerint, & unus ex illis ossibus pheretrii instar tympani pulsarit. Quidam his visis mox per totam urbem divulgant, se mortuorum choream vidisse, periculumque esse ne maxima pestis: mox subsequutura sit.

*Chorea
lemu-
rura.*

Ad hæc omnes norunt, scorta & scortatores sub hoc prætextu interdum longo tempore rebus Venereis operam dedisse, & domesticis persuasisse, lemures in domo vagari, ne ipsi in αἰματόεσσι deprehendi possent, sed optatis amoribus fruerentur. Non semel tales spiritus à magistratibus comprehensi, & publica infamia affecti sunt. Fures quoque sub hoc prætextu sæpe nocturno tempore alios expul-
sarunt,

larunt, qui quum putarēt se audire Spectra, fures illos non abegerunt.

De hoc jam nihil dicam, quod malus spiritus per res naturales, quarum mirandas virtutes novit, mira efficere, hominumque sensus fallere potest.

CAP. VI.

Sacrifici & monachi simularunt se spiritus esse: quomodo Mundus sub hoc prætecto Paulinam, Tyrannus multas nobiles & honestas matronas stupravit.

His accedit quod omnibus seculis alii qui sacerdotes extiterunt, qui res miras exercentes, & magicis artibus operam dantes, stultos homines, qui illos maximi fecerunt, variis modis de-mentarunt, ut magnam vim argenti colligerent & voluptatibus indulgerent. Hac de re aliquot historias, ut homines pii cautiores evadant, subjiciam.

Iosephus Historicus lib. 18. antiquitat. cap. 4. magnum facinus recitat. quod tempore Tyberii Cæsaris Romæ sub prætecto sacerorum Iſidis accidit. Recitabo historiam ex interpretatione Gelenii viri doctissimi. Erat Romæ Paulina mulier, non minus probitate morum, quàm natalium claritate illustris: adhæc opulenta & formosa, ut quæ esset in ipso ætatis flore, sed imprimis ornata pudicitia. Nupta autem erat Saturnino viro tali conjugæ dignissimo. Hujus amore captus est

In veteri

transl.

18. c. 7.

Decius Mundus, juvenis non obscurus in equestri ordine: & quoniam major erat fœmina, quàm quæ posset corrumpi muneribus eò magis accendebatur amantis insania, ita ut offerret ei pro unica nocte ducenta drachmarum millia. (Drachma Attica & denarius Romanus vulgò putantur idem esse: & octo cruciatis Budæus æstimat. faceret igitur hæc summa circiter 2600. florenos secundum ejus æstimationem) ac ne sic quidem valens eam flectere, non ferens amoris impotentiam, decrevit vitam simul & amorem finire inedia. Hoc ejus propositum non fefellit. Iden libertam Mundi paternam variis instructam sed non probatis artibus, quæ indignè ferens obstinationem juvenis, blanda oratione conventum animare conata est, spem faciens effecturam se, ut potiatur Paulinæ complexibus. Cumque ille preces ejus libenter acciperet, ait sibi opus quinquaginta tantum drachmarum millibus ad expugnandam mulieris pudicitiam. Ita refocillato juvene, & accepta quantam petierat pecunia novam doli viam ingressa est, videns Paulinam non capi pecuniis. Sciens porro eam vehementer addictam Iſidis cultui, tale quiddam comminiscitur. Conventis aliquot ex ejus sacerdotibus, accepta fide silentii, & quod efficacissimum est, ostentato præmio, in præsens viginti quinque millibus, & alteris totidem post navatam operam, indicat eis amorem juvenis, rogans ut omnibus modis anniterentur

eum

eum reddere voti compotem. Illi auri cupidine tacti, benignè sunt polliciti: quorum natu maximus properè se ad Paulinam contulit, & admissus impetra- toque absque arbitris colloquio, venire se ait missum ab Anubide (Anubis canino capite unà cum Iside colebatur) capto ipsius forma, & jubente ut ad se veniat. Illa libenti animo accepit nuntium: moxque jactabat se apud familiariter no- ras mulieres, quòd dignata sit amore Anubidis: marito quoque indicat condi- ctam sibi cœnam & cubile Anubidis: (per pulvinaria apud scriptores quidam intelligunt lectulos qui sternebantur in templis in honorum Deorum.) Ideò fa- ciliùs concessu est, quod cognita & pro- bata viro esset conjugis pudicitia. Itaque in templum proficiscitur, & post cœnam instante somni tempore, inclusa per sa- cerdotem, tenebris conciliantibus in la- tentem ibi Mundum incidit: totamque eam noctem obsequuta est juveni, Deo se gratificante exultans. Eo deinde ab- eunte, priusquam sacerdotes doli conscii surgerent, Paulina manè ad maritum re- versa, congressum cum Anubide prædi- cat, & idem apud amicas quoque magnifi- cis verbis exaggerat. Illis nec credere li- bebat rei naturam considerantibus, non mirari tamen non poterant, ob insignem mulieris pudicitiam.

Die deinde post rem patrata tertiam, Mundus adamatae fortè fortunâ obvi- us: Ô factum bene Paulina, inquit, quòd &

cclos mihi servasti, quæ potuisti tuis facultatibus addere, & morem nihilominus meæ voluntati gessisti. nihil enim mea refert, quòd Mundum contempsisti, quandoquidem prætextu Anubidis optata voluptate expletus sum: atque his dictis abiit. At mulier tum primum deprehenso flagitio, vestem sibi lacerat, & re tota ad maritum delata, obsecrat ne tam insigne ludibrium impunitum sinat. maritus porrò imperatori totum significat. Tyberius postquam accuratissima inquisitione didicit omnia, sacrificos illos impostores in crucem egit, unaque Iden inventricem hujus sceleris, cujus præcipua opera fuit in corrumpenda pudicitia mulieris: dirutoque templo statuam Istdis jussit mergi in Tyberim. Mundum autem mitiore pœna exilii castigasse contentus est, crimen ejus in cupidinis impotentiam referens.

Ex hac historia promptum est colligere, quomodo Satan Gentiles fascinarit: & quomodo sacrifici ipsorum persuaserint illis quòd dii apparentes, hæc vel illa dixerint, quæ tamen falsissima fuerunt: sub cultus Deorum prætextu, rebus pessimis vacarint. Quoties enim putabimus eos turpissima perpetrassè, quavis res non fuerit in apertum producta? Quòd si illi effecerunt ut Mundus optatis amoribus potiri posset, non est dubitandum quin sæpissimè ipsi quoque sub prætextu sacrorum, aliorum filias & uxores constuprarint: alioqui hic dolus non

tam statim eis in mentum venisset. Hæc matrona non fuisset tam bene contenta, nisi idem antè cum aliis matronis factum fuisset: neque maritus ipsius permisisset eam in templo pernoctare. Quid opus erat deos lætisternia in templis habere, quum certum sit eos in illis non jacuisse? Discunt etiam principes exemplo Tyberii quantumvis scelerati tyranni, quomodo tales nebulones coercendi sint.

Huc facit historia quam Ruffinus præbyter Aquiliensis in Ecclesiasticæ histor. lib. II. cap. 25. describit, Sacerdos erat apud Alexandrinos (in Ægypto) Saturni, Tyrannus nomine. Hic quasi ex responso numinis, adorantibus in templo nobilibus quibusque & primariis viris, quorum sibi matronæ ad libidinem placuissent, dicebat Saturnum præcepisse, ut uxor sua pernoctaret in templo. Tum is qui audierat, gaudens quod uxor sua, dignatione numinis vocaretur, exornatam comptius, insuper & donariis onustam (ne vacua scilicet repudiaretur) conjugem mittebat ad templum. In conspectu omnium conclusa intrinsecus matrona, Tyrannus clausis januis & traditis clavibus discedebat. Deinde facto silentio per occultos & subterraneos aditus, intra ipsum Saturni simulachrum patulis crepebat cavernis. Erat autem simulachrum illud à tergo exesum & parieti diligenter annexum. Ardentibusque intra ædem luminibus, intentæ supplicantiq; mulieri vocem subito per simulachrum æris con-

*De ty-
ranno
sacer-
dote.*

cavi proferebat, ita ut pavore & gaudio infelix mulier trepidaret, quod dignam se tanti numinis alloquio putaret. Postquam verò quæ libitum fuerat, vel ad consternationem majorem, vel ad libidinis incitamentum disseruisset numen impurum, arte quadam linteolis obductis, repente lumina exstinguebantur universa. Tum descendens obstupefactæ & consternatæ mulierculæ adulterii fucum prophanis commentationibus inferebat. Hæc cum per omnes miserorum matronas multò jam tempore gererentur, accidit quandam pudicæ mentis scæminam horruisse facinus, & attentius designantem cognovisse vocem Tyranni, ac domum regressam, viro de fraude sceleris indicasse. Ille de injuria conjugis, imò potius sua ardentius inflammatus, inscriptum Tyrannum ad tormenta deducit. Quo convicto atque confesso, cæterisque fraudibus revelatis pudor omnis & dedecus Paganorum pervaserat domos, adulteris Matribus, incestis Patribus, liberis spuriiis deprehensis. Quibus divulgatis & proditis, raptim cum simulachris & ædibus exindebantur & crimina. De Numa Pompilio legitur quod simularit congressus cum Ageria nympa, ut suis legibus auctoritatem conciliaret.

CAP. VII.

Timotheus Ælurus se Angelum mentitus, episcopatum invasit: quatuor monachi ordinis Prædicatorum Bernæ multas apparitiones finxerunt.

Ferri aliquomodo posset, si hæc apud gentiles duntaxat accidissent, qui caruerunt verbo Dei, nisi inter Christianos quoque similia sæpe evenisse comperit habere, & ni metuendum esset, hodie quoque multa hujusmodi accidere. Lippis enim & tonsoribus notum est multos præsertim ex Monachis & sacrificulis magos, excantatores & necromantios fuisse, qui & Spectra multa, miracula, & animarum colloquia fingere potuerunt.

Theodorus Lector, collectaneorum ex historia Ecclesiastica lib. 1. scribit de Timotheo Æluro quod antequam occideretur Proterius Alexandrinus Episcopus, ad Episcopatum aspirans, noctu nigra veste indutus obierit cellas Monachorum: & singulos nominatim appellando, respondentibus dixerit, se ministerium Dei spiritum monere, ut à Proterio omnes sejuncti Timotheo se jungant, hisque dolis & fraudibus Episcopatum adeptum magnas turbas movisse in Ecclesia.

Hoc loco non possum mihi temperare quin paucis, quantum ad præsens negotium pertinet, recitem memorabilem historiam de quatuor Monachis prædicatorii ordinis (qui Bernæ Helvetiorum, anno

à nativitate Domini MDIX. ultimo die mensis Maij cremati sunt) quibus artibus simplicem quendam fraterculum, quem recens in suum Monasterium susceperant, circumvenerint: qua de re illo ipso tempore, quo hæc facta sunt, multi libelli Latina & Germanica lingua prodierunt, qui adhuc extant, Magna erat concertatio inter Monachos ordinis Prædicatorum & fratres Minores, vel Franciscanos, de conceptione Mariæ virginis, Prædicatores asseriebant ipsam, ut & alios homines, in peccato originali conceptam esse. Franciscani id negabant & pernegabant. Tandem res eò recidit, ut Prædicatores falsis miraculis suam opinionem stabilendam & confirmandam sibi proponerent deliberatione facta in quadam synodo (capitulum ipsi vocant) Vimpenii oppido Germaniæ habita, ubi commodus & opportunus ad hanc rem locus inveniri posset: tandem Bernam Helvetiorum, quod gens simplex ibi esset & bellicosa, sibi delegerunt, Quatuor igitur primarii ordinis in Monasterio Prædicatorum Bernæ telam ordiebantur: & quoniam Supprior, unus ex his quatuor, artis magicæ peritus erat, adjurabat eademonem, ut unà cum ipsis consilium iniret, quo pacto rem commodè possent conficere. Is specie Æthiopis apparens, omnem suam illis operam hac conditione promittebat, si sese illi dederent: id quod non gravatè fecerunt, datis ei chirographis proprio sanguine conscriptis.

Opportunè autem accidit ut illis ipsis diebus Ioannes lezerus homo simplex, artificio sactor, in ordinem ipsorum cooperaretur, qui proposito ipsorum commodus videbatur. tentabant ipsum jacentes lapides in ejus cubiculum, nocturno tempore, excitantes strepitum, simulantesque se spiritus esse.

Res ab initio non malè eis cessura videbatur Die quodam veneris Supprior involvens se linteo unà cum aliis spiritibus, quos ad hoc magicis artibus evocaverat, irrumpebat in cellam fraterculi illius, magno impetu & fragore, simulans se opem ab eo multis cum lacrymis petere. Aquam verò lustralem & reliquias sanctorum illi jam antè in cellam illius reposuerant. Frater ille exterritus, negabat se opem illi posse ferre, commendans ipsum servatori Christo & matri ipsius. Spiritus respondit in ipsius & fratrum facultate positum esse, ut his malis liberetur, si per octiduum singulis diebus ad sanguinem usque seipsum flagellaret, & octo missas in sacello D. Ioannis celebrari in ipsius gratiam curaret, & interea dum celebrarentur, brachiis extensis humi jaceret. Significabat illi, quod sequente die Veneris vel feria sexta ante intempestam noctem maximo impetu rediturus esset, monens ipsum ne consternaretur: Diabolos enim ipsi, quippe sancto viro, nihil posse obesse. Stolidus ille postero die ipsis coryphæis rem omnem detexit; obsecrans ut sibi adesset.

fent, quò misera illa animula posset liberari.

Res statim per totum oppidum divulgata est. publicè pro suggestu illis de rebus sermones à Monacis habiti sunt: laudabant sanctitatem Ordinis sui, quæ vel ex hoc perspicì posset, quòd spiritus ille ab ipsis non ab impiis & temulentis Franciscanis opem expeteret, Tempore constituto rediit spiritus ille comitatus aliis malis spiritibus, magno tumultu in fratris cellam, qui adjurans ipsum de quibusdam rebus interrogabat. Spiritus narrabat quisnam esset, & quas ob causas tam miserè vexaretur. Gratiàs agebat cùm ipsi, tum patribus ipsius, quòd ejus cura tangerentur, adjiciens. Si adhuc missas triginta, quatuor vigilias celebrarent, & ipse adhuc semel ad sanguinem usque virgis seipsum castigaret, se ex maximis cruciatibus, quos annis 160. jam continuatis pertulisset, prorsus liberandum esse. De rebus quoque aliis mirandis cum eo conferebat, quas nihil attinet hoc loco referre. Postea spiritus ille iterum Fratri apparuit, & ordinem Prædicatorum aliis omnibus antetulit, significans multos ex illis qui huic ordini adversari fuissent, in purgatorio atroces pœnas luere. Bernam quoque funditus evertendam nisi Franciscanos ejiceret, & ab annuis pensionibus quas à Rege Galliarum accipiebant, sibi deinceps caverent. Quædam etiam commemorabat quæ Fratri evenissent: quæ omnia ab ipso per Confessio-

fessionem auricularem expiscati fuerant. Gratias simul agebat fratri, pro beneficio liberationis, significans ei quod in septimum Angelorum Chorum receptus esset, ibi missas celebraturum pro benefactoribus suis. Postea alia quadam nocte, alius habitu muliebri veniens, dicebat se Barbaram esse, cujus cultui addictus fuisset, & significabat apparituram ei divam Virginem, atque ad quæstiones illas responsuram quas unus ex Monachis ei in scheda quadam conscripserat. Hæc Barbara promittebat se Mariæ Virgini daturam schedam illam, quam mox postea mirabiliter signatam in loco quodam sacro reperturi essent. Frater suis patribus rem omnem detexit, confiteri volens peccata sua, ut apparitione divæ Virginis dignus efficeretur: jubebat eos schedam in loco sacro quærere: tandem invenerunt eam in ciborio, ut vocant, ubi eam antea reposuerant. Ferebant eam in summum altare dicentes signatam esse Christi sanguine, & lucernas sua sponte accensas fuisse. Matutino tempore apparebat Maria Fratri, multa referens quam filius ejus Iesus eam jussisset illi recitare: nempe Iulium Papam sanctum illum virum esse qui duos Ordines inter se conciliare & festum pollutæ conceptionis Mariæ instituere deberet. Se enim Papæ illi, crucem quatuor guttis sanguinis filii sui signatam missuram, in testimonium quod in peccato originali concepta sit: aliam crucem quinque guttis sanguinis signatam

nam reperiendam in ciborio, quam Romanam mittere debeant. Pontificem enim largis indulgentiis eam confirmaturum; & Bernam remissurum; & alia hujus generis, de quibus multa ultro citroque dicebantur & scribebantur.

Maria illa in testimonium prædictarum rerum clavum ferreum adegit per manum Fratris, dicens. Hoc vulnus, die quo filius meus crucifixus est, & in festo corporis filii mei renovabitur. Deinde encausticam aquam magicis artibus pararunt qua sensum illi adimentes, alia vulnera quatuor ei impresserunt: postea quum sibi restitueretur, dicebant circa ipsum nescio quid sancti apparuisse. Quumque multi confluerent, ut novum illum Christum viderent, instruebant ipsum (agrestibus enim erat moribus, quo pacto se gerere deberet. Quumque portionem illi dedissent quæ eum sensu spoliabat, & efficiebat ut spumaret, dicebant ipsum luctari cum morte, sicut Christus in monte Oliveti. Postea alius apparebat ei multa referens, sed frater agnita ejus voce, omnia suspecta habere cœpit, illumque à se repulit. Sequenti nocte apparebat ei Prior, dicens se Mariam esse, de qua antea dubitasset, & ad omnem suspicionem depellendam se hostiam corporis filii sui ipsi offerre (offerebat autem ei hostiam tinctam veneno) ne deinceps putaret se spiritum malum videre: dicebat etiam se afferre vitreum vasculum plenum sanguine filii sui, quæ & ipsum

&

& Monasterium donaret, Frater qui hanc quoque apparitionem suspectam habebat, respondit, Si non es malus spiritus recita mecum orationem dominicam, & salutationem angelicam. Prior recitabat orationem dominicam, postea dicebat loco Mariæ, Salutate ego sum Maria gratia plena, Dominus mecum, &c. Frater cognita voce Prioris, arrepto cultro vulnus ei inflixit, quumque ille se defenderet, frater fortiter illum repulit.

His peractis Supprior sperans se illa quæ illi duo perdidissent, restituere posse, apparebat fratri, eum, quod tam in humaniter divam Virginem tractasset, adjiciens: Iussus sum tibi indicare quod vera vulnera Christi in corpore tuo habeas, quæ neque ego, neque Franciscus habemus. idque multis verbis. Cæterum frater ita eum excipiebat, ut statim fuga salutem quæreretur. Quoniam verò frater nolebat amplius ludibrio ab eis haberi, anxii & perturbati, habito consilio, dicebant ei, se quidem liberè fateri, quod aliquot apparitiones mentiti fuissent, non alio consilio, quàm ut in religione permaneret, summam tamen negotii veram esse, neque debere eum dubitare, quin vulnera Christi in corpore suo gereret. Et quandoquidem res jam invulgata esset, rogabant ne tergiversaretur, alioqui ignominia afficiendum Ordinem, & unà cum ipsis magnum periculum incursum, si verò constans esset, hoc & sibi & ipsis utilissimum fore. Verbisque blan-

blandis ipsi persuadebant, ut deinceps se eis ob temperatum promitteret.

*Reſe
dixit.*

Post longam itaque institutionem, imponebant eum altari divæ Mariæ genibus flexis, in sacello quodam ante simulachrum Sacræ Virginis. Unus ex Monachis stabat post velum; & loquebatur per cannam ac si Christus esset, ad Mariam: Mater cur lachrymaris? an non promissi quicquid volueris id futurum esse? Respondabat simulachrum, idè lachrymor, quod huic negotio non imponitur finis. Addebat, simulachrum Christi: Mihi crede, manifestabitur, postea Monachus iam egressus, sacellum clausit.

Hæc quum ab aliquot aniculis per totum oppidum disseminarentur, statim magnus factus est hominum concursus. Quatuor Monachi etiam statim accurrebant, simulantes se nescire quid ageretur, mandabant aperiri sacellum, interrogabant Fratrem quomodo illuc venisset. Is respondebat se raptum esse è spiritu. Referebat etiam quid simulachrum dixisset, quodque non antè loco se movere posset, quàm venirent ad se quatuor primarii viri ordinis Senatorii, quibus quædam indicanda haberet: ad hæc sacramentum Eucharistiæ sibi dari postulabat. Senatores illi statim vocabantur, Frater illis denunciabat divam Virginem lugere quod urbs Berna interitura esset propter pensiones annuas, quas à rege Franciæ haberent: deinde, quod Franciscanos, qui ficto honore impollutæ conceptionis eam

orna-

ornarent, oppido non pellerent. Senatores illi pauca dicebant. Monachi statim hostiam veneno illitam illi afferebant, quam cum accipere recusaret, aliam ei afferebant quam sumebat, simulque cum pompa in chorum (ita vocant templi partem) ducebatur. Frater & quatuor Monachi vocabantur in Senatum, ut res illas ita se habere asseverarent. Quatuor verò illi, metuentes ne Frater, qui suspectos habebat, aliquid effutiret, struebant ei insidias cibus veneno infectis, adigebantque eum ut hostiam veneno tinctam deglutiret, quam per vomitum rejecit: miserum variis modis ita excarnificabant, ut ex ipsorum collegio effugeret, multisque rem detegeret. Interea duo legati à Monachis Romam mittuntur, qui confirmationem rerum illarum à Pontifice impetrarent, cui postea contradicere nefas fuisset. Quumque illi redirent & sperarent rem esse (ut vulgò dici solet) in portu, ampliss' Senatus quatuor Monachos custodiæ mandavit. Antea enim ex Fratre quem in vincula conjecerant, rem omnem cognoverant. Senatus neque laboribus neque sumptibus parcens, & ipse legationem Romanam misit, ut quid in hoc negotio agendum esset, liquido constaret. Tandem quatuor Monachi & Frater tormentis subjecti rem omnem detexerunt. Quumque convicti essent tot fraudum & scelerum, permittente Papa, sacris fuerunt exauctorati (vulgò degradationem vocant) & postea exusti. Vulgò ferebatur,

tur, quòd nisi amplius Senatus Bernensis tanta fortitudine & constantia hanc causam egisset, Clerici liberatis ipsis omnia illa scelera texissent. metuendum enim ipsis erat ne, ut postea factum est, apud multos Monachorum ordines, amitterent suam auctoritatem, & hominibus etiam illa suspecta esse inciperent, quibus seu columnis Papatus nititur. Certum enim est, quòd postquam illos Monachorum impietas, doli & scelera percrebuerunt, res Clericorum labefactari coeperint, & multis piis viris magis magisque suspectæ esse: quum dixerunt hanc vel illam animam, opem eorum expetivisse: cereos sua sponte accensos fuisse: hanc vel illam imaginem loquutam, lachrymatam esse, ab uno loco in alterum se movisse: hunc vel illum divum Monasterium ornasse pretiosis reliquiis: cruces sanguine Christi conspersas esse: et si confirmationem Pontificum super his rebus impetrarint, tamen multi deinceps noluerunt credere rem ita habere. Item, quòd hic vel ille sanctus Pater in ecstasi incidens, res mirandas viderit: quòd Franciscus & Catharina Senensis quinque vulnere Christi stigmata in suo corpore gesserint.

Ad hæc non immeritò dubitari cœpit de transubstantiatione panis in corpus Christi, quum toties hostiam veneno infererint. Item de illis quæ de indulgentiis, vigiliis, ordinibus, purgatorio, aqua lustrali, satisfactionibus, pleno ore decla-

mita-

*Usus
huius
histo-
rie.*

mitarunt. Ex hac enim historia, ut alia multa mittamus, luce meridiana clarius est, quòd multa de his rebus omnibus inculcata sunt plebi, quæ ab otiosis illis ventribus inventa & excogitata fuerunt.

C A P. VIII.

De fallaci & mendaci Spiritu Aurelia in Gallia.

NE verò quisquam existimet prædicatores solùm tam fuisse audaces & impios, atque in fingendis tot Monstris ingeniosos, audiamus insignem historiam de Franciscanis quæ extat apud Sleydanum libro 9. Commentariorum de statu religionis & Reipublicæ, Carolo V. Cæsare.

Anno, inquit, à nativitate Christi 1534. Monachi Franciscani cruentum & funestum ediderunt ludum in Galliis, Aureliæ. Prætoris uxor ejus urbis, testamento caverat, ut sine pompa sepeliretur & strepitu: (sic Guilielmus quoque Budæus singulare ornamentum Galliæ, Parisiis, anno Domini 1546. mense Augusto moriturus, suis mandavit, ut absque magnifico apparatu eum sepelirent) Maritus, qui conjugis memoriam deligeret, morem ei gessit, & Franciscanis, quorum in templo sepulta fuit juxta patrem & avum, muneris loco dabat sex tantùm aureos, quum illi multò sperassent majorem prædam. Et quum deinde sylvam cæderet atque divenderet, parentibus illis ligna sibi dari gratis

gratis, denegabat. Tulerunt hoc valde graviter, & quum antea minus illum probarent, ulciscendi rationem hanc excogitabant, ut dicerent ipsius uxorem in sempiternum esse damnatam. Architecti erant hujus Tragœdiæ Colimannus & Stephanus Atrebatensis, ambo Theologi doctores, & ille quidem erat exorcista, totumque suum apparatus, in ejusmodi rebus adhiberi solitum, habebat in promptu: rem verò sic administrant. Novicium quendam adolescentem supra testudinem templi collocant: is intempesta nocte, quum ad demurmurandas preces illi more consueto venirent, magnum excitat strepitum: adhibentur adjurationes & exorcismi: sed nihil ille proloquitur: jussus edere signum, quo declarat num sit mutus spiritus, denuò tumultuatur & perstrepat: id erat loco signi.

Eo jacto fundamento, cives aliquot & celebres quidem ac ipsorum studiosos adeunt: narrant sibi triste quiddam accidisse domi, neque tamen quid rei sit exponunt: sed rogant ne graventur adesse nocturnis precibus. Quum hi venissent, & precationum factum esset initium, ille de superiori loco turbam excitat: rogatus quid veller, & quis esset, significat sibi non licere loqui: jubetur ergo per signa respondere ad interrogata. Foramen autem erat factum, per quod admoris auribus, exorcistæ vocem haurire poterant & intelligere: deinde tabulam habebat ad manum, quam interrogatus feriebat,

riebat, sic ut infra posset exaudiri. Primum itaque rogatur, num sit ex eorum numero qui sint ibi sepulci? Postea multis ordine recitatis nominatim, quorum erant ibi corpora condita, venit tandem ad uxorem Prætoris: ibi dato signo, se spiritum ejus esse demonstrat. An sit damnatus, & quonam suo merito seu delicto? num propter avaritiam, aut libidinem, aut superbiam, aut non præstitam charitatem, an verò propter nuper natam hæresin & Lutheranismum? deinde quid sibi velit illo strepitu & inquietudine? num ut corpus loco sacro sepulcrum effodiatur, alioque transportetur?

Ad hæc omnia sic ut jussus erat, per signa respondet, quibus aliquid affirmabat vel negabat, pro ut bis aut ter tabulam feriret. Quum autem & suæ damnationis causam esse Lutheranam hæresin, & effodiendum corpus esse significaret, Monachi petunt à civibus quos adhibuerant, ut iis quæ coram vidissent, dent testimonium, & actis, quæ jam erant confecta superioribus diebus, subscribant. Hi, re deliberata, ne Prætorem offenderent, aut molestiam sibi crearent, id facere recusant: illi nihilominus panem azimum, quem vocant hostiam & corpus Domini cum reliquiis omnibus divorum alio transferunt, & missas ibi suas peragunt. Episcopi autem vicarius judex (Officialem vocant) ea re cognita, ut propius omnia cognosceret, venit eò, comitatus honestis aliquot viris, & exorcis-

mos

mos fieri se præsente jubet, ac deligi nonnullos perit, qui supra testudinem ascendunt, & videant num Spectrum aliquod appareat. ibi Stephanus Atrebatensis admodum repugnat, & valde dehorratus ne fieret, aiebat non esse turbandum spiritum. Et quanquam vicarius multum instabat ut adjurationes fierent, tamen impetrare nihil potuit.

Interea Prætor, ubi reliquos judices urbanos, quid fieri vellet, docuisset, ad Regem profectus, rem omnem commemorat. Et quia suis legibus & immunitatibus freti, judicium Monachi declinabant, Rex è Senatu Parisino deligit, qui de causa cognoscant, illisque plenam potestatem attribuit: facit idem Cancellarius, Antonius Prætenfis, Cardinalis & Legatus Pontificius per Galliam. Itaque, quum nullam haberent exceptionem rei traducti Lutetiam coacti sunt respondere: sed nulla potuit ab eis exprimi confessio. Postea singulis erant custodiæ separati, & novitius quidem tenebatur in ædibus Fumæi Senatoris, ac sæpe sollicitatus nihil voluit fateri, metuens, ne post interficeretur ab illis, ob inustam ordini maculam & factam ignominiam: sed quum judices & impunitatem ei promitterent, & fore dicerent ut in ipsorum potestatem minimè rediret, totam actionem ordine recenset, & adductus ad illos, idem affirmat. Illi, quanquam erant convicti, & in ipso propè maleficio deprehensi, recusabant tamen judices ac privilegia

legia sua jactabant : verum id frustra fuit : & de communi consilio lata sententia damnati sunt, ut Aureliam reducti & in carcerem conditi, publicè denique producerentur ad primarium templum, & ad eum urbis locum, ubi supplicia sumuntur de maleficis, atque ibi suum scelus ipsi profiterentur. Sed his ipsis diebus incidit in Luteranos persecutio : quæ res in causa fuit quominus ea sententia, licet admodum lenis pro tanto flagitio, veniret in executionem. Nam quia Luteranorum nomen erat odiosissimum, metus erat, ne si quid gravius fieret, non tam illis debita persoluta pœna, quam Ordini facta putaretur injuria : & quicquid eis accideret, Lutheranis id jucundissimum fore spectaculum plerique judicabant. Franciscanorum autem ordo magnam habet ad vulgus opinionem sanctimonix : & quum illi jam damnati Luetia deportarentur Aureliam, sceminæ quædam, impulsæ misericordia, multis cum lachrymis atque suspiriis, ad portam eos usque sequebantur. ubi venissent Aureliam, in singulos carceres abducti, rursus immunitatem atque privilegia sua jactabant, & tandem post diuturnam custodiam, nulla graviore pœna mulctati, ac soluti vinculis evaserunt.

Dum essent captivi nihil eis deerat, & tam ad victum, quam ad comparandum patrocinium atque gratiam, abundè subministratum eis fuit, à sceminis præsertim. Nisi persecutiones illæ, quas attigimus,

gimus, & incendia rem impedivissent, constituerat Rex (ut quidem ferebatur) ædificium illorum omne diruere & solo æquare.

Hæc quoque historia ostendit non semper spiritus audire, quando id quidam affirmant.

C A P. IX.

*De quodam Parocho Clavenna qui se di-
viam Virginem, & alio quodam qui se
animam mentitus est: Item de quodam
Iesuita personato.*

UT plenius hanc rem cognoscamus, aliam quoque historiam recitabo de quodam Parocho, quæ annuo spacio superiorem præcessit, & à Iohanne Stumpfio in Chronicis Helvetiorum l. 10. c. 8. breviter quidem sed verè describitur. Multi enim egregii viri hodie quoque hæc de re idem testantur.

Parochus quidam Clavennæ (oppidum est non procul à lacu Lario, ditionis Rhetorum) captus amore formosæ & pudicæ Virginis filiæ civis illius oppidi, sæpe euntem ad horreum patris sui ante oppidum, sequutus est: eamque de stupro sollicitavit: sed semper repulsam passus est. Tandem Parochus ille pannum cærulei coloris stellis ornatum ex templo sustulit, seque eo texit, brachia verò & pedes nudans sanguine conspersit, & ante oppidum se abscondit, iterumque ignotus virgini

virgini occurrit, & tenui lintheolo facie velata, se Mariam Virginem esse murata voce mentitus est. Multis recitavit, quæ mala impenderent oppido propter Lutheranam religionem (nam aliàs quoque in Lutheranos pro concione vehementer invectus fuit) multa mandavit virgini, quæ oppidanis referret de feriis, jejuniis, supplicationibus instituendis, &c.

Inter alia hæc quoque adjecit, sanctum quendam virum in hoc loco aliquid ab ipsa petiisse quod hætenus recusarit, se velle, ut si denuò petat, morem ei gerat, quæ vitæ æternæ consors fiat: hoc ultimum autem dissimulare debere, & tacitè habere.

Mox virgo per oppidum disseminavit quòd diva virgo sibi apparuerit, & mala imminetia oppido denuntiavit. Incolæ re deliberata, metu imminentium malorum, trium dierum ferias indixerunt. Interea illa pessimo illi nebuloni morem gerit, sperans se rem gratam Deo & divæ Virgini facturam. Hic dolus quum paulò post mirabili Dei providentia detectus esset, sceleratus iste primùm decollatus, postea crematus fuit.

Erasmus Roterodamus scribit libr. 22. epistolarum ad Episcopum quendam, seque excusat de capitibus quibusdam quæ ille in hunc finem ei proposuerat, ut cautus esset, & inter alia errantium animarum vel spirituum faciens mentionem, narrat hanc historiam. Parochus quidam fuit, cui convixit æptis, mulier benè

num-

nummata. in hujus eubiculum profunda nocte aliquoties irrepfit, linteo involu- cro umbram mentitus. Emisit voces am- biguas, sperans fore ut mulier exorcistam accerferet, aut ipsa loqueretur. Verum illa nimis masculino animo, clam rogavit amicum quendam, ut unam noctem se- cum esset tectus in cubiculo. Ille verò fuisse armatus pro exorcisinis, ac probè potus, quominus expavesceret, occulitur in lecto. Adest Spectrum solito more, nescio quid triste mugiens. excitatur exorcista: proslit nondum sobrius, aggreditur. ibi Spectrum voce gestuque deterrere parat. At ebrius ille, si tu es, inquit Diabolus, ego sum mater illius: & correptum im- postorem fuisse dolat, occisurus ni muta- ta voce clamasset, Parce, non sum anima: sed sum dominus Ioannes. Ad vocem agnitam mulier exilit è lecto, pugnamque dirimit, &c.

Idem scribit in eadem epistola, hunc ipsum parochum, sub diem parasceves clam immisisse in cœmiterium vivos can- cros, affixis ad latus cereolis ardentibus. Qui cum reperent inter sepulchra, visum est noctu terribile spectaculum, nec quic- quam ausus est propiùs accedere. Hinc rumor atrox: consternatis omnibus, Pa- rochus è suggestu docet populum, has esse defunctorum animas, quæ missis & elemosynis flagitarent è cruciatu libera- ri. Fucus ita proditus est: repenti sunt tan- dem unus & alter cancer inter rudera fa- cem extinctam gestantes, quas Parochus non recollegerat.

Geor-

Georgius Buchananus, Poëtarum nostro seculo princeps, in suo Franciscano, recitat historiam de quodam Lango sacrisifico, qui in campo quodam Scotiae sulphureo, animas miserè torqueri, opemque petere mentitus, subornavit rusticum quem adjuraret. Fraudem rusticus ille, quum mero incaluisset, detexit. Versus ejus recitarem, nisi libri ejus omnium studiosorum manibus tererentur.

Dum hæc scribo, nuntiatur nobis à *Iesuita* viris fide dignis, fuisse hoc anno 1569. *in Dia-* Augusta urbe clarissima Germaniæ in ma- *bolam* gna familia ancillam & famulos, qui le- *trans-* suitarum sectæ parum tribuerunt. *forma-* Quendam igitur illius ordinis promississe hero *tus.* illorum, se illos faciliè in aliam opinionem adducturum. Itaque Diaboli larva inducta, sese in locum quendam domus abdidiſſe. Illuc ut afferret aliquid ancillam vel spontè iviſſe, vel ab hero suo missam fuiſſe, quam protinus Iesuita ille personatus valde perterritus: illam mox uni ex famulis rem indicaviſſe, hortatamque fuiſſe, ut sibi à loco illo caveret. Paulo post illum quoque illuc veniſſe, & arrepto pugione Diabolum personatum in se ruentem transfixiſſe.

Hæc historia Germanicis metris descripta, & typis excusa nunc in omnium manibus versatur.

C A P. X.

Mirum non esse, quòd olim falsa apparitiones factæ sint, neque mirum esse, si hodie quoque fiant.

Alia hujus generis multa exempla adduci possent, sed hæc nobis sufficiunt, ex quibus evidenter apparet, quonam ambitio, avaritia, invidia, odium, pertinacia, ocium & amor, homines adigat.

Ambitio.

Quotidiana experientia discimus, ambitiosos nihil non audere. Si alios quos existimant vel sibi vel suis obfuturos quò minus emergant, delationibus, calumniis, aliisque viis & rationibus impedire possint, non verentur hoc facere. Quid mirum igitur siqui ex Monachis & sacrificis, qui eminere volunt, falsis miraculis & apparitionibus: aliisque id genus rebus, sibi auctoritatem etiam hodierno die conciliare moliantur?

Avaritia.

Omnes norunt quàm pestilens res sit Avaritia. Nam qui paucis non contenti, ditescere volunt, nemini parcent.

Famelici varias vias quærunt, ut saturari possint: pauci famem libenter tolerant. Minime itaque mirum est, si adhuc inter Monachos & sacrificos, qui semper hoc nomine malè audiverunt, quòd avari sint, aliqui reperiantur, qui falsis apparitionibus animarum, suas res agant, peregrinationes religiosas & alia pecuniæ aucupia excogitent. Quid enim non faciunt

homines ociosi & desides, ut opes colligant? An non dicit Paulus illos qui ocio durescere volunt, incidere in laqueum Diaboli?

Quid zelus, pertinacia, invidia, odium, contentio, vincendi studium, efficiant, *Invi-* quid possint, docet experientia, Prædica- *dia.* tores Bernenses quum non aliter se vincere posse sperarent, tradebant se (id quod dictu horribile est) cacodæmoni: & sua cum ipso consilia communicabant. Quis autem negare potest, quin hodie quoque sacrifici ferè morosi, pertinaces & contentiosi existant?

Ocium fomes est omnium malorum, quid igitur boni ab illis expectabis, qui *Ocium.* non solum nullis laboribus à Deo præscriptis sese exercent, neque operam dant bonis literis, sed & dies noctesque heluantur? Dic mihi, quæso, num laboriosus agricola, an ociosus homo, cui excogitandis rebus pestiferis tempus non defuit, machinas bellicas (quas bombardas vocant) invenit?

Quid amor efficiat, multis posset ostendi & explicari. Quoniam vero Monachi & sacrifici in ocio vivunt, omnibus delitiis abundant, interim à sacro conjugio arcentur, quid mirum si hodie quoque fingant varias visiones, ut amoribus melius potiri possint?

De hoc jam nihil dicam, quod metuedum est ne non pauci inter illos tam profligati & perditii sint, qui magicas, & alias prohibitas artes exerceant: cui igitur post-

hac mirum videbitur, si dicantur spiritus fingere & postea dicere, hanc vel illam animam se videndam exhibuisse? Vbi-
cunque enim illa sunt, de quibus jam diximus, nihil non audent homines.

Nulli autem magis rebus illis obnoxii sunt quàm qui in Monasteriis & collegiis degunt: nemini igitur novum & inauditum videri debet, si dicamus olim falsas apparitiones multas factas fuisse, & hodie quoque interdum fieri posse. Mundus enim, ut omnes queruntur, ruit in pejus. Plures nunc sunt impudentes, audaces, avari, impii, quam superioribus annis fuerint.

Ad hæc Clerici hanc quoque prærogativam habent, quòd homines, præsertim supersticiosi, eos summa observantia colunt & diligunt: nemo putat eos rebus malis studere, fraudibus & dolis: omnes expectant ab eis longè alia: possunt igitur si rebus malis operam dent, facile latere, nisi Deus malitiam eorum, ut superioribus aliquot exemplis demonstratum est, mirabili indicio prodat & in lucem protrahat.

*Ipsi Papa
passim
xerunt
appari-
tiones.*

Hanc verò ob causam fortassis sacrificis & Monachis non ita vitio verti debebat, quòd dolis & fraudibus simplices sæpe circumvenerunt, cum aliquot ex ipsis sanctissimis patribus, nempe Romanis Pontificibus, ut ipsorummet Historici commemorant magicarum artium peritissimi fuerint, earumque beneficio ad Papatus culmen ascenderint. Beno (vel potius Bruno

Bruno, ita enim legendum esse arbitror) qui ipse quoque ex Cardinalium numero fuit, vitam Gregorii VII. descripsit, in qua ostendit Pontificem illum superbum, arrogantem, invidum & avarum Monachum & magicarum artium peritissimum fuisse. De Sylvestro II. scribit Bartholomæus Platina (qui Paparum flagitia ubicunque potest excusat & defendit: quippe minister ipsorum) quod se Satanæ dederit, ejusque ope, consilio, artibusque magicis, ad Papatum pervenerit, Putasne illis qui cum hoste generis humani pactum inire audent, difficile esse mentiri spiritus aut animas, vel adjurare dæmonem, ut se animam esse fingat? Putasne eos horrere tale facinus?

Gregorius 7.

Sylvestrus 2.

De Bonifacio VIII. historici referunt, quod prædecessorem suum Celestinum de ceperit voce tanquam cœlitus missa per cannam ad eum facta, ut desereret Pontificatum, & Bonifacium digniorem institueret, nisi vellet cœlorum regno excludi. Simplex ille Papa obtemperans ei, anno à nativitate Domini M. III. XCIII. ambiciosum Bonifacium, qui primus annum iubilæum reduxit, suo loco Papam constituit. De isto Bonifacio vulgo dicebatur, Intravit ut vulpes, regnavit ut lupus, mortuus est ut canis. Si ipse Vicarius Christi qui omnem scientiam in scrinio pectoris sui conclusam habet, potuit decipi, nemo deinceps miretur, simplices & credulos agriculas atque cives deceptos fuisse, dictumque illis esse, hæc Deus di-

Bonifacius 8.

xit, hæc anima opem petiit, & alia quæ vanissima fuerunt. Si iste voces divinas potuit fingere an non mortuorum quoque?

*Laici
sacrifi-
cos ali-
quando
deci-
piunt.*

Priusquam ulterius progrediar, hoc etiam annotandum est, fieri posse ut homines jocosi, etiam ipsos Sacrificos aliquoties deceiverint. Quum enim se iactarunt, quod spiritus adjurare possent, & animas liberare, fieri potest ut involuti linteo prunam vivam in testa sub illo habentes Sacrificis apparuerint, qui crediderint se animas videre liberationem expectantes.

Erasmus in Colloquio cui titulum fecit, Exorcismus vel Spectrum, scribit, quomodo Polus quidam Faustum sacrificulum mirificè deceiverit. Cæterum non est dubitandum, quin sacerdotes semel & iterum à Laicis, ut vocant, decepti falsis animarum apparitionibus joci causa illis vicissim sæpius illuserint. Certissimum est, plerasque spirituum apparitiones ab hominibus ad hunc modum, uti commemoravimus, confictas fuisse.

De hominibus vigilantibus hætenus dixi. paucula jam addam de dormientibus.

*Noctu
ambu-
lantes.*

Sunt quidam qui hoc morbo laborant, ut dormientes ambulent, id quod de Theone Stoico legitur, & servo Periclis, qui dormiens in summa testa ascendit. Audiavi quod fuerint qui in somnis fecerunt quæ vigilantes non potuissent. Si quis noctu talem videat ambulantem sive indu-

indutum vestibus siue nudum, & postea ex illo ipso audiat se domi fuisse in lecto suo. alter ille putabit se vidisse ejus spiritum: item si domi suæ talem audiat.

CAP. XI.

Multas res Physicas vulgò pro Spectris haberi.

Quotidie multa etiam naturaliter fiunt, quæ multi, præcipuè verò homines meticulosi, Spectra esse putant. Ut quum ratti, catti, putorii, *Animalia.* martis, aliorumque animalium vocem audiunt, vel equum in stabulo nocte intempesta, terram pede pulsanter, statim tremunt & sudant, putantes in domo nescio quod Spectrum per noctis silentia vagari. Aliquando auditur Onocrotalus vel ardea stellaris, quæ aves raræ sunt apud nos, aut aliæ aves peregrinæ: ibi multi se nescio quæ audire somniant. Si ligneum parietem teredo vel colus erodat, quidam putant se audire aliquem qui malleolo incudem leviter feriat: aliquando plures sibi audire videntur. Simples quidam & solidi homines, hæc audientes fingunt nescio quos virunculos Terreos esse, *Terres virunculi.* mirabiles suas fabulas de illis recitant, quas ex matribus & aviis suis audiverunt, quod domesticis apparuerint, ministrarint, cunas moverint, quodque faustum sit si in ædibus alicujus morentur. Si revera tales perpusilli conspecti sunt, fuerunt mali spiritus. Legitur enim Gentiles Lares &

Penates suos habuisse, quos coluerunt, eò quòd domos ipsorum curarent & familiam defenderent: mali spiritus forma humana aliquando se illis conspiciendos præbuerunt, ut superstitiones in eis confirmarent.

Olaus Magnus Archiepiscopus Upsalensis scribit in historia sua de gentibus Septentrionalibus, hodie quoque in regionibus illis, spiritus existere, qui humana forma noctu hominibus ministrant, equos & alia jumenta curent. Ventus aliquid in ædibus prostermit, movet tabulam fenestralē noctu, multi statim putant se audire Spectrum, & vix ac ne vix quidem ab hac opinione vana possunt deduci.

Echo.

Hoc quoque naturalē est, ut quum quis in sylvis, convallibus & locis concameratis clamat, vel loquitur, Echo ultimas voces vel syllabas remurmuret, aliquando tam expresse, ut quis putet sibi aliquem ex adverso respondere. Multi perterrescerent præsertim noctu, nisi probè scirent rem esse naturalem.

Cardanus de Subtilitate lib. 18. miram historiam recitat de quodam Comensi, qui intempesta nocte juxta torrentem quum vadum nesciret, exclamavit, quumque Echo responderet, ille hominem esse existimans interrogavit, an hic transire posset. Echo respondit Italica lingua, hic hic. At ibi gurgēs erat & magnus aquarum strepitus, itaque iterum atque iterum interrogat, an ibi torrens vado transiri posset:

set: idem Echo subinde respondit. Tandem periculo liberatus, amicis retulit se ferè dæmonis suasu in torrentem præcipitatum fuisse, ibidem refert, basilicam magnam Ticini voces multiplices reddere, inque ea voces sensim emori, ac desinere velut morientis vocem: ut vix credi possit quòd sit Echo.

Sunt quædam quæ noctu duntaxat lucent, ut quædam gemmæ, oculi quorundam animalium, lampyrides vel cicindulæ, ligna putrida, quibus pueri sodales suos ita interdum terrent, ut sibi videantur malos spiritus aut flammantes viros videre.

Noctua
lucen-
tia.

Hector Boëthius scribit, regem quendam Scotiae certos homines subornasse, quis quamvis fulgentibus induti & putsidis lignis pro baculis armati suis principibus & nobilibus noctu apparuerint, & ad fortiter pugnandum contra hostes eos adhortati sint, eisque victoriam promiserint. Illi existimantes se Angelos vidisse, rem fortiter gerentes victoria potiti sunt.

Aliquando candelæ vel igniculi conspiciuntur, qui noctu videntur hinc inde vagari. Utque in Helvetia adolescentes, qui faculis suis, ad ignes quos nocturno tempore in carnis privio, ut vocant, accendunt, jam sese colligunt, mox iterum dissipantur iterumque conjuncti longo ordine incedunt: ita illi igniculi, nunc videntur in uno loco colligi, mox iterum dispergi & discurrere, tandem evanescere. Plerumque soli ambulant, & iter noctu

Lucerna
nocturna
les.

facientes, valde perterrent. Hæc verò & alia, naturales suas causas habent: non tamen negavero quin dæmones quoque hominibus hoc modo sæpe illudant.

*Exha-
lato-
nes.*

Physici tradunt densas exhalationes prodire ex terra & accendi. Sulphurea materia in latebris & venis terræ; si aer penetret, accenditur & erumpere conatur. Aliquando ignis ex terra ad altitudinem procerae arboris erumpens, subito extinguitur: quod etiam in ardentem materiam exitum quærentem referendum est. De Ætna monte Siciliæ legitur, quòd olim die noctuque arserit, flammæ, cinerem, igneosque lapides ejecerit. Item de Vesuvio monte Campaniæ qui ad milliare Germanicum distat Neapoli. Ille, ut D. Hieronymus scribit, imperante Tito tantum ex se incendii emisit; ut vicinas regiones, & urbes ejusque incolas exureret, camposque vicinos cineribus oppleret. Nostra quoque memoria, hi duo montes magnis ardoribus æstuantes, ingens damnum accolis intulerunt. Similia leguntur de aliis montibus, etiam nostro tempore. In Islandia reperiuntur ignes erumpentes è terra, teste Olao Magno. Quemadmodum autem montes & campi ardere possunt: ita parvus ignis accendi potest in terra, & latè vagari. Qui iter faciunt, aut alioqui hæc vident & naturalium causarum ignari sunt, ex metu fingunt se vidisse viros igneos, vel alia miranda, de quibus aliquando ex aliis audiverunt. Ex metu interdum in periculosos morbos incidunt.

Op.

Optice quoque id facit admirandum, ut in speculis certa ratione factis & positis, variæ se imagines ostentent: aliquando foras exire videantur, & homines nobis notos referre.

Quædam etiam naturalia sunt, licet *Specula* causæ naturales non possint afferri. Interim ineptè faciunt, qui omnia ad causas naturales referre conantur. De his nihil nunc scribam, qui simplicibus & rudibus hominibus facile persuadere possunt, se, vel alios, hæc vel illa miranda vidisse, quæ postea pro certis passim affirmatur, cum tamen omnia sint conficta. Quoties audivimus quædam pro veris narrari: ut quòd aliquis à Diabolo raptus sit animo & corpore, quòd aliquis supplicio capitali affectus sit, & multa alia hujus generis, quæ postea res ipsa ostendit vanissima fuisse?

CAP. XII.

Quòd spiritus vel Spectra interdum appareant, probatur historiis gentilium.

Quæquam autem homines Melancholici, furiosi, timidi & imbecillibus sensibus præditi, multa sibi imaginantur quæ revera non sunt. item ab hominibus & brutis animantibus sæpe decipiantur: res item phsyicas, Spectra & lemures esse fingant, id quod hætenus multis exemplis ostendi: certum tamen est, quòd non omnia quæ hominibus apparent, sint res naturales, aut vana terri-
cula.

culamenta : sed quòd Spectra interdum appareant : & multæ res mirandæ præter naturam subinde accidant. Nam multæ hujus generis apud complures graves historicos leguntur : multi quoque non fluxæ fidei homines affirmant se noctu & interdiu etiam Spectra vidisse.

Aliquot historias de Spectris quæ apparuerunt, ex variis probatisque historicis, ordine annotabimus.

*Julio
Cæsari
appa-
ruit
Triton.*

Suetonius Tranquillus scribit Iulium Cæsarem, cum ex Gallia in Italiam cum exercitu proficisceretur, & ad Rubiconem fluvium (qui Italiam à Gallia citiore determinavit) jam pervenisset, paululum constitisse atque reputasse quantum moliretur : cumque animi dubius esset, transire fluvium vellet nec ne, quendam eximia magnitudine & forma, in proximo sedentem subito apparuisse arundine canentem : (Tritonem vocat Melancton in suis physicis) ad quem audiendum cum præter Pastores plurimi etiam ex stationibus milites concurrissent, interque eos & æneatores, (hoc est tubicines ab æneis tubis sic dicti) rapta ab uno tuba profuissent ad flumen : & ingenti spiritu classicum exorsum tetendisse ad alteram ripam : tum Cæsarem dixisse, Eamus quòd deorum ostenta, & hostium iniquitas nos vocat : læta est alea.

*Theseus
in pugna
Marathonia
vixit.*

Plutarchus scribit in vita Thesei, multos qui in pugna Marathonica contra Medos fuerunt, testatos esse quòd umbram Thesei, qui longo antè tempore ex lapsu

inter-

interierat, armatam vidissent ante aciem
Græcorum, Barbaris irruentum. Quæ cau-
sa Athenienses moverit ut ipsum postea
tandem heroem venerati sint.

Pausanias scribit in Atticis, in campo
Marathonio post commissum prælium
annis quadringentis, singulis noctibus
hinnitus equorum, & concursum mili-
tum pugnantium auditum esse. Et illis
qui ad hoc spectaculum data opera acce-
debant, nihil occurrisse: illos verò qui
fortè fortuna illuc venissent hæc clarissi-
mè audivisse.

In vita Cimonis scribit idem Plutar-
chus, cives Cheronenses Damonem, qui
propter multas cædes urbe cesserat, ver-
bis blandis in urbem revocasse, postea in
balneo eum trucidasse, & ab eo tempore
multa Spectra illo in loco visa & gemitus
exauditos esse, ita ut fores balnei tandem
obstruxerint.

In vita Dionis narrat, Dioni viro ani-
moso & imperterrito magnum & horri-
bile visum oblatum fuisse. Cùm enim in-
clinante jam die (verba sunt Plutarchi
interprete Xilandro) solus fortè in atrio
domus sederet cogitabundus, subito spre-
pitu excitatus, in alteram porticus par-
tem respexit, magnamque contuitus est
mulierem, quæ habitu vultuque nihil à
Tragica Furia distans, domum scopis ver-
reret. Graviter eo Spectro territus atque
consternatus, amicos ad se vocavit, eisque
visum exposuit, & ut secum eam noctem
agerent oravit, omnino metu, quasi ar-
tonius

tonitus timens ne sibi soli rursus id ostentum occurreret: id quod tamen porro non accidit. Paucis post diebus, filius ejus de superiore parte ædium se in caput dejecit, atque obiit: ipse verò confossus interiit.

In vita Decii Bruti idem scribit: Cùm Brutus statuisset copias ex Asia in Europam transportare concubia jam nocte, cùm in tentorio ejus lumen esset haud sanè clarum, & totis castris quies silentiumque esset, animo secum quidpiam deliberans atque reputans, visus est sibi quendam audire ad se intrantem, respiciensque ad hostium, terribilem conspexit & monstruosam inusitatæ staturæ corporis atque metuendæ imaginem, tacite sibi astantis: ausus tamen percontari: Quisnam ait, hominum, deorumve, aut cujus rei causa ad nos venis? Respondit ei imago, Tuus sum, ô Brute, malus genius, apud Philippos me videbis. Tum ille nihil territus, videbo inquit. Cùm id Spectrum evanuisset, famulos vocavit, qui neque vidisse quicquam se, neque ullam vocem audivisse responderunt. noctem eam insomnem Brutus exegit, summo manè ad Cassium se contulit, eique visum illud suum exposuit, Cassius qui hæc omnia contemnebat (Epicureus enim fuit) omnia ad naturales causas referebat. Extat enim de hac re ejus disputatio apud Plutarchum, Postea verò Brutus in campis Philippicis ab Augusto & Antonio prælio victus, ne hostibus suis traderetur manus sibi intulit.

Vale-

Valerius Maximus scribit lib. 1. cap. 6. C. Cassius in pugna Philippica Iulium Cæsarem vidisse, augustione forma quàm hominis, atroci & minaci vultu, concitato equo in se impetum facientem, quo aspectu illum territum tergum hosti dedisse. Postea sibi ipsi manus intulit.

Dio Cassius Nicæus Romanæ historiæ lib. 55. ab initio scribit de Druso quòd longè lateque omnia in Germania populo ad Albim usque fluvium perrexerit hunc cum frustra conatus esset transire, trophæis constitutis recesserit. Etenim mulierem quandam humana forma majorem, cum ei obviam venisset dixisse. Druse, quò tandem nullum cupiditati tuæ modum statuens contendis? non tibi fatis concessum hæc omnia videre quoniam tu abi, jam enim & operum tuorum & vitæ instat tibi terminus. His auditis Drusus continuò cursum retrò flexit, & in itinere priusquam ad Rhenum perveniret, ex morbo decessit.

Alia quoque prodigia accidisse referant ante mortem ejus, quæ tamen ille contempserit. nam duo juvenes per medias munitiones equis vecti apparuerunt, ejulatusque muliebris auditus fuit & alia id genus, &c.

Plinius secundus Novocomensis lib. 7. epistolarum de Spectris, epistolam habet ad Suram, quam operæ pretium videretur integram hoc loco inserere, & mihi discendi, & tibi docendi, inquit, facultatem ocium præbet. Igitur perquam velim scire,

scire, esse aliquid phantasmata, & habere propriam figuram, numenque aliquod putes, an inanem & variam ex metu nostro imaginem accipere. Ego ut esse credam, in primis eo ducor, quod audio accidisse Curtio Rufo. Tenuis adhuc & obscurus obtinenti Africam comes hæserat. Inclinato die spatiabatur in porticu offertur ei mulieris figura, humana grandior pulchriorque perterrita, Africam se futurorum prænunciam dixit. iturum enim Romam honoresque gesturum, atque etiam cum summo imperio in eandem provinciam reversurum, ibique moriturum. Facta sunt omnia. Præterea accedenti Carthaginem, egredientique navem (nimirum cum ad præfecturam iret) eadem figura in litore occurrisse narratur. Ipse certè implicitus morbo, futura præteritis, adversa secundis auguratus, spem salutis, nullo suorum desperante, projecit. Iam illud nonne & magis terribile, & non minus mirum est? quod exponam ut accepi.

*Spe-
trum
Athe-
niense.*

Erat Athenis speciosa & capax domus, sed infamis & pestilens: per silentium noctis sonus ferri & si attenderes acius, strepitus vinculorum longius primo, deinde proximo reddebatur: mox apparebat idolon, senex macie & squalore confectus, promissa barba, horrenti capillo: cruribus compedes manibus catenas gerebat quatiebatque, inde inhabitantibus tristes diræque noctes per metum vigilabantur, vigiliam, morbus, & crescente formi-

formidine mors sequebatur. Nam interdum quoque quanquam abgesserat imago, memoria imaginis oculis inerrabat longiorque causis timoris timor erat, Deserta inde, & damnata solitudine domus, totaque illi monstro relicta : proscribebatur tamen, seu quis emere, seu quis conducere, ignarus tanti mali, vellet. venit Athenas philosophus, Athenodorus, legit titulum : auditoque pretio, quia suspecta yilitas, percunctatus, omnia docetur, ac nihilominus, imò tantò magis conducit. Vbi cœpit advesperascere, jubet sterni sibi in prima domus parte poscit pugillares, stylum, lumen, suos omnes in interiora dimittit : ipse ad scribendum, animum, oculos, manum intendit, ne vacua mens audita simulachra, & inanes sibi metus fingeret. Initio, quale ubique silentium noctis, deinde concuti ferrum, vincula moveri, ille non tollere oculos, non remittere stylum, sed obfirmare animum, auribusque prætereundum. Tum crebrescere fragor, adventare, & jam in limine, jam ut intra limen audiri : respicit, videt, agnoscitque narratam sibi effigiem. Strabat, innuebatque digito, similis vocanti. Illic contrà, ut paululum expectaret, manu significat, rursusque ceris & stylo incumbit, illa scribentis capiti catenis insonabat. Respicit rursus idem quod prius innuentem. Nec moratus tollit lumen, & sequitur : ibat illa lento gradu, quasi gravis vinculis : postquam deflexit in aream domus, repente dilapsa deserit comitem.

mitem. Desertus herbas & folia concepta signum loco ponit. Postero die adit Magistratus: monet ut illum locum effodi jubeant. Inveniunt ossa inserta catenis & implicita, quæ corpus ævo terraque putrefactum nuda & exesa reliquerat vinculis: collecta publicè sepeliuntur: domus postea ritè conditis manibus caruit. Et hæc quidem affirmantibus credo, illud adfirmare aliis possum.

Est libertus mihi non illiteratus: cum hoc minor frater eodem lecto quiescebat. Is visus est sibi cernere quendam in thoro residentem, admoventemque capiti suo cultros, atque etiam ex ipso vertice amputantem capillos. Vbi illuxit, ipse circa verticem tonsus, capilli jacentes reperiuntur. Exiguum temporis medium, & rursus simile aliud priori fidem fecit. Puer in pædagogio mistus pluribus dormiebat: venerunt per fenestras (ita narrat) in tunicis albis, cubantemque torunderunt, & quâ venerant recesserunt. Hunc quoque tonsum, sparsosque circa capillos diis ostendit. Nihil notabile sequutum, nisi fortè quòd non fuit reus futurus, si Domitianus, sub quo hæc acciderunt, diutius vixisset. Nam in scriniis ejus datus à Caro de me libellus inventus est. Ex quo conjectari potest, quia reis moris est submittere capillum, recisos meorum capillos, depulsi quod imminebat periculi signum fuisse. Proinde rogo, eruditionem tuam intendas. Digna res est, quam diu multumque consideres: ego quidem indignus,

dignus, cui copiam scientiæ tuæ facias. Licet etiam utramque in partem, ut soles, disputes: ex altera tamen fortius, ne me suspensum incertumque dimittas, quum mihi consulendi causa fuerit, ut dubitare desinerem, Vale.

Quid ad hanc epistolam Sura, quem apparet virum doctum fuisse, Plinio responderit, nusquam habetur. Sed quid solidi homo gentilis hac de re disputare potuisset?

Similis historia legitur in collectaneis locorum communium Ioannis Manlii, qui scribit (ex relatione Melanchthonis) Theodorum Gazam prædium habuisse in Campania, ex beneficio Nicolai Pontificis. In illo prædio quum colonus effodisset urnam, in qua fuerunt ossa, apparuisse illi Spectrum, quod iussit eum urnam rursus sepelire: nisi enim id faceret, fore ut filius ipsius moreretur. Quumque id colonus neglexisset, ejus filium paulò post noctu interfectum esse. Interjectis aliquot diebus revertisse Spectrum minitans colono se etiam alterum filium interfecturum, nisi ossa conderet. Colonus admonitus accepto damno, videns etiam alterum filium in morbum incidisse, rem Theodoro refert. Is profectus cum eo in prædium, & in loco ubi colonus urnam eruerat rursus facto sepulchro, urnam cum ossibus sepeliunt. Repositis ossibus in suum locum, filius coloni statim convaluit.

Trajanum scribit Dion à Spectro educum.

stum in locum tutiorem ex ea domo Antiochiæ in qua diverterat in terræ motu.

Iulius Capitolinus qui aliquot Imperatorum Romanorum vitas descripsit, refert Pertinacem tribus diebus antea quàm confossus interiret, in aqua piscinæ suæ umbram conspexisse, quæ stricto gladio mortem ei minitata sit, eumque inquietarit.

Flavius Vopiscus, Tacito scribit mortis omina fuisse, quòd paternum sepulchrum disruptis januis se aperuerit: matris umbra se per diem & Tacito & Floriano, veluti viventis obtulerit.

Ammianus Marcellinus lib. 21. De signis mortis Constantii tradit, quòd nocturnis temporibus imaginibus territus fuerit.

Idem lib. 25. De Iuliano, quòd paulò ante obitum, quum ad imitationem Iulii Cæsaris sub pellibus scribere, viderit squalidius speciem genii publici (qui cum cornu Amalthææ pingi solebat) quàm quum ad angustum culmen surgeret, discedentem.

Lucanus non tam Poëta quàm Historicus, lib. 1. Pharsaliæ, multa recenset prodigia quæ bellum civile Iulii Cæsaris & Pompeii præcesserint, & inter alia dicit:

*Ma-
rius ap-
paruit.*

Insonnere tuba & quanto clamore cohortes

Miscentur, tantum nox atra silentibus umbris

*Edidit: & medio visi consurgere campo,
Tristia Syllani cecinere oracula manes.*

Tollen-

*Tollentemque caput gelidas Anienis ad
undas,*

*Agricola fracto Mariam videre sepul-
chro, &c.*

CAP. XIII.

*Ex historia veteris Ecclesie, & scriptis san-
ctorum Patrum probatur esse Spectra.*

SI evolvamus historias Ecclesiasticas
quædam nobis hujus generis occur-
runt.

Sozomenus scribit in sua historia Ecclesia-
stica, lib. 6. cap. 28. de Apelle fabro ferra-
rio (cujus nomen per Ægyptum celebre
fuit, propter donum edendorum miracu-
lorum, quo ornatus fuit) quod quum no-
ctu arti suæ insisteret, Spectrum dæmonis,
specie mulieris ornatae de castitate eum
tentarit. Ille ferro in quo operabatur, ex
igne rapto, faciem dæmonii combussit,
quod mox stridens ac lamentans aufugit.

Postea lib. 7. cap. 23. scribens de sedi-
tione quæ mota fuit Antiochiæ propter
immodicam exactionem, quam Theodo-
sius Imperator belli temporibus urbi im-
peraverat, qua populus offensus, Impera-
toris & conjugis ejus statuas dejecit, &
fune injecto traxit, contumeliosasque vo-
ces sparsit. Nocte autem, inquit, præce-
dente, postquam statim octo die mota
fuit seditio: fertur visum esse Spectrum
mulieris magnitudine immensum & aspe-
ctu horrendum, in sublimi per plateas ci-
vitatis circumcursans, & aërem flagello
horri-

horrissono verberans: ut quemadmodum bestias ad iram incitare solent, qui ad ejusmodi spectacula serviunt: sic in festus quidam genius dæmonum insidiis seditio- nem eam movisse apparet.

Theodorus lector scribit in collectaneis suis ex Ecclesiastica historia libro primo, Gennadio Patriarchæ Constantinopolita- no noctu ad altare orandi gratiâ descen- denti, oblatum esse visum vel Spectrum quoddam, horribili specie, quod quum ille increpasset, audivisse vocem claman- tem: ipso quidem vivente, se cessare, sed post mortem ejus Ecclesiam vastaturum. Quo audito, oravit pro Ecclesiæ salute: & paulò post è vivis excessit.

*Nice-
phorus.*

Apud Gregorium Nicephorum, qui res Ecclesiasticas fusè descripsit, & Abdiam de vitis Apostolorum, multa extant de visionibus, somniis, miraculis sanctorum, item de Spectris, diligentius enim illa de- scripsisse doctis videntur, quàm alia quæ plus ad propositum fecissent, & majore cum fructu à lectoribus cognosci potuif- sent.

*Chroni-
ca Mo-
nacho-
rum.*

Evolventi historias quæ posteris tem- poribus, præsertim à Monachis descriptæ sunt, innumera hujus generis occurrunt. Hoc tamen dissimulare non possum, mul- ta ab eis ita describi, ut lectoribus non im- meritò suspecti sint.

Ludovicus lives, Beatus Rhenanus & alii viri docti nostra ætate, in descriptio- ne aliarum quoque rerum, de Monacho- rum Chronicis queruntur, quòd ab ho- minibus

minibus indoctis absque iudicio collecta sunt. Quisque tamen eis tribuat quantum voluerit. Etsi verò multa in illis sint inepta & ridicula, tamen credendum est quædam saltem ita se habere, ut illi literis mandarunt.

In scriptis veterum Patrum etiam de *Patres* illis apparitionibus, vel Spectris, loci hinc inde occurrunt. D. Ambrosius scribit sermone 90. de nobili Virgine Agnete, quæ propter Christianam religionem martyrio coronata est, parentes quum ad sepulchrum ipsius excubassent, intempesta nocte chorum Virgineum vidisse aureis cyclobus amictum, inter quas filia ipsorum Agnes similiter vestita fuerit, quæ iusserit reliquas Virgines parumper consistere: mox conversam ad parentes suos mandasse, ne eam tanquam mortuam lugeant, sed potius ipsi congratularentur, quòd à Deo vitam æternam adeptæ sit: quumque hæc dixisset statim disparuisse.

D. Augustinus narrat in libro suo de *Nola* cura pro mortuis gerenda, Felicem Marti-
tyrem, à civibus *Nolæ*, quum urbs à *Bar-*
baris obsideretur & oppugnaretur, con-
spectum esse. *Felix.*

De D. Gregorio, qui in suis dialogis multa hujus generis recenset, infra suo loco dicam.

In omnibus ferè vitis Patrum, his de rebus non pauca legentibus occurrunt, quæ non omnia rejicienda sunt ut fabulosa & commentitia: quædam enim à magnis & gravibus viris descriptæ sunt.

Brevi-

Brevitatis causa aliis omissis unicam historiam hoc loco recitabo.

*Basiliscus
martyr
Chrysostomus
apparet*

In vita Ioannis Chrysostomi legitur Basiliscum Episcopum urbis Comanæ (is cum Luciano Presbytero Antiochiæ, sub Maximiniano Imperatore martyrio coronatus fuerat) sancto Chrysostomo, jam pulso in exilium apparuisse, & dixisse: Frater Ioannes esto bono & forti animo, eras, enim simul erimus. Prius ejus templi Presbytero apparuisse, dixisseque, Præpara locum fratri Ioanni, mox enim venturus est. Vera hæc fuisse postea eventus comprobavit.

C A P. XIV.

In libris Monachorum multa ridicula & fabulosa apparitiones continentur.

DE Chronicis Monachorum paulò antè diximus. Quod verò legendas sanctorum, ut vocant, promptuaria exemplorum & vitas patrum attinet, in quibus multæ apparitiones spirituum continentur, non multum illis tribuere possumus. Pleraque enim quæ in illis extant, parum sunt verisimilia: fortassis religionem & timorem hominibus fictis illis narrationibus injicere voluerunt. Sed de his nunc non est dicendi locus.

Idem dici potest de multis Pontificiis scriptoribus superstitiosis, qui hos sequuti, pleraque ex relatione aliorum scripserunt. Cæterum ne quis putet me hæc invidiæ & odii impulsu scribere, unicam adduc

adducam historiam, vel potius fabulam, ex tam multis, ut specimen habeas illius quod modò dixi.

Petrus Damianus, qui initio monachus fuit ordinis Benedicti, postea episcopus Hostiensis, cujus magna est in Papatu, propter doctrinæ & pietatis opinionem, auctoritas: narrat quendam clericum Co-*S. Severi* loniensem, quodam tempore equo flu-*rinus e-* vium transeuntem, sanctum Severinum *piscopus* episcopum Coloniensem qui non multo Coloni-
antè è vivis excesserat, & sepulchro con-*ensis.* ditus multis miraculis claruerat) in illo
vidisse. Hunc apprehendisse frenum Clericè
ne ulterius progredetur. Clericum obstu-
puisse. & cur illic tantus vir detineretur,
inquisivisse, Episcopum petiisse ut manum ei
præberet, ut sentiret quomodo haberet. Quum-
que manum clerici aqua impressisset, mēmen-
to propter ingentem calorem carnes resolutas
diffuxisse, ut nuda ossa tantum apparerent.
Ad quem Clericus, Quum sis tam celebris in
ecclesia, qui fit ut ita crucieris. Respondit
Severinus, Hanc solum ob causam, quod ho-
ras canonicas per dictincta horarum spatia
non absolvi, fui enim in aula Imperatoris, con-
silius ejus occupatus. Manè omnibus coacer-
vatis, toto die negotiis aliis fui implicatus:
ideo hujus ardoris fero supplicium. Sed om-
nipotentis Dei auxilium uterque imploremus,
ut manum tuam restituat: quod statim fa-
ctum est, Et dixit ad Clericum: Vade fili,
obsecra fratres ecclesiæ nostræ, & alios Cleri-
cos, ut pro me preces fundant, & indigenti-
bus eleemosynas distribuant, sacrificiorumque

votis insistant. His enim peractis, ego mox ex tormentis illis liberabor: & expectantibus me beatorum civium choris latus adjungar.

Ex hac narratione ita argumentati sunt, si bonus ille sanctus Episcopus, qui obrutus mole negotiorum Imperatoris, ad Reipublicæ utilitatem spectantium, non statutis horis pensum suum absolvit, tam miserè excarnificatus est, quid de illis fiet, qui nullis negotiis necessariis impediti, frigide horas canonicas simul absolunt, vel prorsus omittunt, ut voluptatibus suis & vanis rebus possint indulgere. Hinc omissionis rerum nobis à Deo præceptorum, nulla fit mentio. Sin verò Episcopi Pontificii hanc narrationem veram esse credunt, cogitent quæso quæ modo se excusaturi sint in Dei judicio, quod sinunt se Episcopos creari Ecclesiarum, quarum tamen nullam prorsus rationem habent: sed negotiis duntaxat secularibus sese immiscant, vel si res Ecclesiasticas tractent, huc omnia eorum consilia tendunt, ut Verbi Dei sinceram prædicationem impendant, illosque opprimant, qui de promovenda glória divina dies noctesque cogitant. Hujus sunt pleraque alia quibus Monachi libros suos referserunt.

CAP. XV.

Probatum ex aliis scriptoribus idoneis, Spectra interdum apparere.

QUOD ad alios insignes scriptores attinet, faciunt & illi spectrorum quæ interdum appareant, mentionem. Alexander ab Alexandro Neapolitanus, celebris jureconsultus lib. 2. gentilium dierum, cap. 9. scribit de quodam familiari suo non fluxæ fidei homine, 'quod amici funus curarit, & quum inde Romam reverteretur, nocte instante indivorium viæ proximum diverterit, & ibi se quieti dederit. Quumque solus degeret & adhuc vigilaret repente amici nuper defuncti imago summo pallore & macie, ac eo ferè habitu oris, quali illum quum ægrotaret dimiserat, ad se accesserit: quem quum fuisset intuitus, & præ timore nec animo nec mente satis constaret, quisnam esset interrogavit. Illum autem, quum nihil respondisset, exutis vestibus, in eodem cui ipse incumbibat lectulo se collocavisse, ac propè accessisse quasi eum amplexurus. Alterum verò ad lectuli spondam secessisse, illumque propius accedentem abegisse, & pedem illius usque adtò gelidum contrectavisse, ut nulla glacies huic frigori potuerit comparari. Istum alterum torvè inspicientem resumptis mox vestibus è lectulo surrexisse, nusquam postea apparuisse.

Alias quoque hujus generis historias

ibidem recitat, quæ sua ætate contigerint. Vixit autem ante annos 80. aut circiter.

Babstista Fùlgosus Genuæ dux, in opere suo de dictis & factis memorabilibus Imperatorum, Principum, Ducum, &c. quod urbe pulsus ne ocio mœrereque contabesceret, conscripsit, lib. .i. cap. 8. De prodigiis scribit, In area ædium Matthæi Vicecomitis, qui magnus dictus est, post occasum solis quum jam vesperasceret, visum esse virum armatum in equo longè humana specie maiorem: qui ubi à multis conspectus fuisse per horæ spaciū, postea evanuerit, magno eorum qui rem viderant, horrore. Triduo quoque post tertia noctis hora, eodem in loco duo equites pari specie diu inter se dimicantes conspecti fuere: qui postea, ut antea alter solus, evanuerunt. Non multo post tempore Henricus VII. Imperator ex hac vita decessit, non sine clade Vicecomitum. Huic historię statim aliam subiungit superiore memorabiliorem Ludovici Aloisii pater, qui Immolæ rerum potitus est, hanc diu posteaquam dicefferat homini à secretis, quem filius Ludovicus Ferrariam mittebat, in itinere equo insidens cum accipitre (ut in aucupio mos ei fuerat tenere) apparuit. Huicque quanquam magna capto formidine dixit: Vt filium iuberet postero die in eum ipsum locum venire quoniam magni momenti res ei prædicturus esset. Ea re audita, Ludovicus, tum quia non credebat, tum quod insidias metueret, alium suo loco misit, Ei illa

illa ipsa umbra quæ ante appruerat obviam facta, vehementer indoluit quòd filius non venisset: longè enim plura se dicturam ei fuisse affirmabat. Sed tunc illud tantum referri iussit, quod transacto secundo & vicesimo anno, ac præterea uno mense, diè quoque addita, urbis imperium quod obtinebat, esset amissurus. Ut tempus quod umbra prædixerat, advenit: adhibita magna cura ea ipsa nocte, milites duéis Philippi Mediolanensis (cui is tædere junctus erat, & propterea ab eo non metuebat) glacie magna constrictis fossis, ad muros penetrarunt. admotisque scalis urbem cum ipso Principe ceperunt.

Philippus Melancthon scribit in lib. suo de anima, quod ipse quædam Spectra viderit, & multos fide dignos homines norit, qui affirmarint quod non tantum viderint Spectra, sed etiam diu cum eis colloquuti sint. In lib. suo quem inscribit *Examen Theologicum*, hujusmodi recitat historiam: se habuisse amitam, quæ ubi mortuo marito assideret foco tristior, duo domum ejus ingressi sint: quorum hic in mariti specie, se maritum esse mulieris defunctum dicebat: alter procerus Franciscani Monachi formam induerat, Hic maritus ad focum accedens mœstam salutar uxorem, eamque sine meru esse jubet, asseritque se venisse ut quædam ei manderet: hinc longum Monachum tantisper in hypocaustum secedere jubet: inde sermonem exorsus, sacrificulos tandem conducit, qui missas recitent, maximo pere-

orat, obsecrat & obtestatur impense: atque discessurus sibi dexteram porrigi jubet: perterrefactæ autem exhorrescentique, quum se nihil damni daturum promitteret, dexteram illa dat: quæ etiam si non læderetur, tamen usque adedè uri videbatur, ut semper manserit nigra. Postea evocat Franciscanum, & simul egressi incunctanter evanescunt. De Spectris aliis quæ ipse & alii viderunt, scribit Ioh. Manlius in locorû communium collectaneis, tomo primo, in cap. de malis spiritibus & ipsorum operibus: item de Satisfactione.

Ludovicus Vives lib. 1. De veritate Fidei tradit, in novo orbe recens invento, nihil esse tritius, aut vulgarius, quam non de nocte solùm, sed medio die ac luce occurrere manifestò spiritus in urbibus & agris qui aliquid loquantur, jubeant, ventent, infestent, terreant, feriant. Eadem etiam alii recitant, qui navigationes illas Oceani descripserunt.

Aliquot hujus generis apparitiones Hieronymus Cardanus Mediolanensis, insignis Philosophus & Medicus, in libris suis de Subtilitate & varietate rerum, recenset: quas qui volunt cognoscere, libros illos consulant: ego enim brevitati studeo.

Olaus Magnus Archiepiscopus Upsalensis in historia sua de gentibus Septentrionalibus, lib. 2. cap. 3. tradit in Islandia Spectra apparere forma hominum ipsi notorum, quibus incolæ dexteram dant, prius quam de obitu illorum, quorum hæc

hæc formam assumunt, quicquam audiverunt, nec antè dolum intelligi, quàm illa evenescant.

Hæc ex veteribus & recentioribus historicis, & aliis scriptoribus proferre volui, ut intelligatur Spectra interdum apparere.

CAP. XVI.

Spectra apparere docet quotidiana experientia.

HIs omnibus accidit, quòd nemo inficiari potest, quin multi honesti, & fide digni homines utriusque sexus, quorum multi adhuc vivunt, quidam ex hac vita migrarunt, affirmarunt & adhuc affirmant, quòd aliquando noctu, aliquando interdiu Spectra viderint & audiverint. Aliquis ambulat in suis ædibus, Spectrum adest, canes etiam, interdum animadvertunt, applicant se pedibus dominorum, nolunt ab eis discedere, nam & ipsi sibi metunt. Aliquis it cubitum, & se ad quietem componit, aliquid adest, stragulam vellit, aut detrahit: aliquando ei insidet vel in lectum quoque se componit: aliquando in cubiculo spatiat. Visi sunt homines pedibus ambulantes, aut in equis, ignea interdum forma, noti multis, multò antè aut recens defuncti. Factum etiam est ut quidam qui in præliis cæsi, aut naturali morte sublati sunt, suos vocarint, & ex voce agniti sint.

Spiri-
tus
opens
petunt.

Sæpe noctu auditi sunt spiritus quidam lento gradu incedere, screeare, gemere: in-

interrogati quinam essent, responderunt, se huius vel illius animam esse, & maximos cruciatus perpeti. Si quis interrogavit, quomodo ex tam diris cruciatibus liberari possint responderunt, Si certus Misarum numerus celebretur, peregrinationes ad divos instituantur, & alia huius generis opera in eorum gratiam fiant, se liberandas. Postea multa luce & gloria apparentes, dixerunt se liberatas esse, suisque benefactoribus ingentes gratias egerunt: promiserunt se quoque apud Deum & divinam Virginem pro illis intercessuras esse. Non autem semper sacrificos aut alios audaces & impios homines fuisse qui se animas esse mentiti sint, ut supra de multis dictum est, hinc potest intelligi, quòd etiam in illorum cubiculis clausis apparuerunt, qui quum irent cubitum diligenter adhibita lucerna inquisiverunt, num quis ibi lateret. Solent hodie quoque multi prius quàm in lectum se cõponant, omnes Angulos perlustrare, ut securius dormire possint: tamen nonnunquã audiunt quosdam ejulantes, &c.

Sæpiissime hoc est factum, ut qui fuerunt in domo aliqua putarint aliquem ollas, patinas, orbes, mensas subvertere, & per scalas deicere: postquam dies illuxit, viderunt omnia suis locis fuisse collocata.

De quibusdam verò spiritibus fertur, quod januam ex cardinibus evulsam abjecerint, omnia in domo turbarint & everterint, sed postea suo in loco non reposuerint, quodque tumultuando homines vehementer perturbarint. Noctu

Noctu in Monasteriis, & locis solitariis aliquando auditur strepitus, non secus quam si victores vasa vinaria religent stipentque, aut alii opifices sua opificia exerceant, cum omnes certum sit cubitum ivisse seque somno dedisse.

Quando extruuntur domus, vicini noctu audiunt fabros lignarios, cementarios, & alios artifices non aliter omnia tractare, quam si labori diurno intenti essent: hoc ostentum ut faustum plausu spiritus excipitur. *Adificantes noctu audiunt spiritus.*

Sunt qui Physica ratione fieri putent: ut quæ interdum audivimus, noctu nos quoque audire putemus: quam quaestionem doctioribus discutiendam relinquo.

Metallici testantur in aliquibus fodinis Spectra vel spiritus videri, qui more aliorum metallicorum induci sint. Hi in puteis & cuniculis oberrant, videnturque in omni laborum genere se exercere, quum tamen nihil agant, fodere venas, quod effossum est congerere, in vasa infundere, machinam versoriam tractare: Rarissime metallicos dicuntur lædere, nisi cachinnis aut maledictis ab eis laceffiti: tunc glareis eos petunt, aut aliàs eos lædunt. Præcipuè vero in illis fodinis versari dicunt, quæ metallis abundant. *In fodinis damones sunt.*

Scripsit ad me vir pius & doctus, Davosii in Alpibus Rheticis argenti fodinam esse, in quam Consul illius loci (Londamnum vocant) Petrus Buol, vir egregius. superioribus annis sumptus fecit, & ex qua opes non exiguas collegit. In illa spi-

ritus vel dæmon montanus fuit, qui quum metallici res fossiles infunderent vasis, plerunque diebus Veneris, valde negotiosus esse visus fuërit, metalla suo arbitratu ex uno vase in alterum infundens. Quod Consul ille non indignè tulit: quoties in fodinam descendere voluit, vel ascendere, cruce se muniens nunquam læsus est. Accidit autem ut quum spiritus ille die quodam valde importunus esset, id metallicus quidam molestè ferens, convitiis eum incesse- rit; jussèritque eum abire in malam rem additis diris & execrationibus. Spiritus ille, operarii caput apprehendens, ita eum torfit: ut facies in tergum verteretur, non tamen extinctus fuit: sed diu postea obtorto vel inverso collo superstes, multis qui etiamnum vivunt familiariter notus fuit, & intra paucos demum annos è vivis excessit.

Georgius Agricola, ejus doctissimi libri de rebus metallicis publicè extant, in fine libelli sui de animantibus subterraneis, duplex genus facit illorum dæmonum qui in quibusdam fodinis versantur. Dicit enim quosdam truculentos esse, terribiles aspectu, qui plerunque metallicis infesti atque inimici sint. Talem fuisse Annebergium quendam, qui operarios duodecim amplius, flatu interfecerit, in specu qui *Corona rosacea* appellatur. Flatum verò emisisse ex rictu, equi enim specie visum esse. Ejusmodi etiam fuisse Snebergium, nigro cucullo indurum, qui in fodina Georgiana operarium è solo sublatum in supe-

superiori loco maximæ cujusdam concaviratis, quondam feracis argenti, collocavit, non sine corporis attritu.

Deinde dicit quosdam mites esse, quos Germanorum aliqui ut etiam Græci vocant *Cobales*, quod hominum sint imitatores. Nam quasi lætitia gestientes ridere: & videri quod multa faciant, quum prorsus nihil faciant; ab aliis nominari virunculos montanos, significantibus parvam eorum staturam qua plerumque conspiciuntur. Videri autem seneciones & vestitos more metallicorum, id est, vittato indusio, & corio circum lumbos dependente induti. Hos damnum non dare metallicis nisi lacessitos: sed eos imitari. Non diffimiles esse scribit illis quos Germani *Gutelos* vocant, eo quod generi humano amici esse videantur: curant enim jumenta & alia faciunt. Item illis qui *Trulli* vocantur, quos sexu tam mulieris quàm viri ementito, quum apud alias nationes, tum maxime apud Sijonas in famularu fuisse dicant.

De his Spectris metallicis leguntur etiam quædam apud Olausum Magnum de gentibus Septentrionalibus cap. 10. lib. 6.

Qui in Oceano navigant referunt in quibusdam locis quos Antropophagi incolunt, multa Spectra versari, & gentes illas multis malis afficere.

Hoc loco miranda possent proferri de visionibus quæ hominibus per quietem oblatæ sunt. Item de illis, qui extra se rapti, diutius in motu jacuerunt,

runt, mortuis similes: postea sibi restituti, multa retulerunt quæ interea viderint.

Cicero mira scribit in libro suo de divinatione. Item alii. Ipse quoque August. hincinde in suis libris recitat, quod quidam defuncti alios de multis rebus admonuerint, res arcanas & futuras quoque eis patefecerint, remedia ægrotis ostenderint, aliaque hujus generis fecerint.

Avenzoar Albumaron medicus Arabs, scribit se à medico nuper defuncto per somnum accepisse optimum oculo suo ægrotanti remedium: teste Marsilio Ficino de immortalitate animorum lib. 16. cap. 5.

Sacræ quoque literæ nos docent, Deum hominibus per insomnia multa revelasse. Mat. 1. & 2. capite scribit Angelum aliquoties Iosepho Christi servatoris nostri nutritio somniis apparuisse, eique jussisse ut sibi ab insidiis quæ Christo parabantur, caveret.

De D. Petro legimus in Actis Apostolorum 10. cap. quod in ecstasi incidit, videritque cælum apertum, ac descendens ad se vas quoddam velut linteum magnum quatuor initiis alligatum summitti e cælo in terram, in quo fuerint omnia quadrupedia terræ bestięque & reptilia & volatilia cæli. Et facta est vox ad eum: Surge Petre macta & vescere.

Cap. 16. D. Paulo quum adhuc in Asia degeret, & Troadem descendisset, hæc visio per noctem oblata fuit. Vir quidam Macedo stetit & deprecatus cum dixit, Profectus

fectus in Macedonia succurre nobis. Hinc Paulus colligebat, hoc esse Dei consilium, ut mare trajiceret, & in Macedonia Euangelium annuntiaret.

Sed de visionibus & Spectris, quæ dormientibus offeruntur, non statui scribere, ne liber nimis excresecat, sed de illis tantum quæ vigilantes sensibus nostris percipimus.

CAP. XVII.

Obitum hominum, prælia, & insignes mutationes, præcedunt aliqua ostenta & præsagia: audiuntur subiti fragores, aut alia id genus.

Sæpe fit ut hominibus lethalimorbo decumbentibus, aliquid audiamus incedere, non aliter quàm illi solebant, quum bene haberent: quin ægroti ipsi hæc sæpe audiunt, & quid futurum sit statim præsagiunt. Aliquando prius quàm ex hac vita decedant, aliquando mox post eorum obitum, aut multò post, imagines eorum, vel aliæ humanæ formæ cernuntur. Non rarò etiam accidit, ut quum morituri sunt nostri, etsi multis miliaribus à nobis sejuncti sint, tamen aliqui exaudiantur fragores & strepitus. Putamus aliquando domum ruituram, vel ponderosum aliquid per totam domum decidere, & inconditum sonitum edere: post aliquot menses tandem intelligimus, hæc illa ipsa hora accidisse, qua nostri ex hac vita migrarunt. Sunt homines ex quorum

cogna-

cognitione nullus moritur, quin præ-
sagia & signa quædam præcedentia obser-
vent: ut quod audiunt fores vel fenestras
aperiri & rursus claudî, aliquid ascendere
per scalas, in domo vagari, aliaque huius
generis fieri.

Hoc tamen loco non est dissimulandum
quòd multi superstitiosi homines sibi ipsis
persuadent, hunc vel illum cognatum aut
amicum brevi moriturum. Signo enim
aliquo id ipsis significasse, tandem res ipsa
ostendit fuisse vanam & stultam persua-
sionem. Cardanus scribit, in libris suis de
varietate rerum, de nobili quadam fami-
lia Parmensi, ex qua quoties quis est mo-
riturus, conspicitur sub camino vetula
quædam. Tempore quodam illa apparuit,
quum puella quædam illius familie de-
cumberet: ideo desperabant de ejus vita,
sed ex morbo recreata fuit: interea alius
quidam incolumis illius familie subito
expiravit.

Fuit mihi notus Paroehus quidam, vir
honestus & pius, qui, grassante peste, præ-
scivit si quis in parocchia sua moriturus esset
ex peste. Noctu enim supra suum lectum
sonitum audivit, ac si quis saccum fru-
mento plenum ex humeris super tabula-
tum deponeret; hæc audiens dicebat. Ite-
rum quidam mihi valedixit. Postquam il-
luxit, interrogavit quidam illa nocte obiis-
sent, aut peste correpti essent, ut eos con-
solarerur & erigeret, prout bonum pasto-
rem decet.

Sæpe etiam in Curiis observatum est, si
Sena-

Senator aliquis vicinus fuit morti, fragorem juxta sedile ejus, vel aliud signum futuræ mortis exauditum esse. Idem fit juxta sedilia in templis, & aliis in locis, in quibus homines sæpe versati sunt, vel artificia sua exercuerunt.

In cœnobiis, monachi, servi & alii inciderunt in lethalem morbum: noctu audiverunt multi parari ipsis locutum, non aliter quàm postea ab arculariis paratum fuit.

In pagis cùm aliquis mortuus est, sub vesperam, vel noctu in cœmeteriis aliquando audiuntur, qui palis sepulchrum effodiunt: postero die non aliter effoditur, quàm autem quidam audierant.

Aliquando noctu, lucente luna, visi sunt qui funus pro more gentis cum pompa deducunt, aut ante ædes consisterent, ac si aliquis efferendus esset. Multi suam imaginem se putant videre, vel, ut dicunt, suam animam: multisque persuasum est, quòd nisi illi qui seipsos ita viderunt, brevi post moriantur, diutissimè victuri sint. Sed hæc superstitiosa sunt: quisque non aliter se parat, quàm si cras sibi moriendum esset, ne securus sibi ipsi malum accersat.

Alia quoque miranda accidunt. Detinentur vineti in carcere, de quibus sumendum est supplicium: noctu, in arcibus, auditur magnus tumultus, ac si aliqui carcerem effractuuri essent, & liberaturi captivos: Accurrentes neminem vident vel audiunt amplius, captivi quoque nihil se audivisse affirmant.

Car.

Carnifices referunt se plerunque scire, num aliquis ipsis tradendus sit quem supplicio afficiant: gladios enim ipsorum moveri. Sunt qui dicant se præscire ipsum genus supplicii quo captivus è medio tollendi sint.

Circa infelices illos homines qui sibi ipsis manus inferunt, miranda accidunt. Avehenda interdum fuerunt eorum cadavera per longum iter, ut in profluentem culco inclusi, projicerentur: bennæ vel carro impositos equi in descensu collium vix trahere potuerunt, in ascensu verò equis non fuit laborandum, cum sponte incitato cursa carrus ferretur.

*Lib. 16.
cap. 5.
de ani-
morum
im-
mortalitate.*

Aliquis à latronibus interceptus fuit, accedentibus latronibus ad cadaver, statim cœpit recentem sanguinem stillare, aut aliis signis præsentiam latronis significare. Plato l. legum i. tradit eorum qui occisi sunt animas, sæpe interfectorum animas hostiliter insequi. Vnde Marsilius Ficinus fortè contingere putat, ut occisi hominis vulnus etiam jacente cadavere in eum qui vulneraverat, si modò ille comminus instet, vulnus ipsum inspiciens, sanguinem rursus ejiciat, quod quidem evenire Lucretius affirmavit, & judices observarint. Dido apud Virg. minatur Aenæ: Et cum frigida mors anima se duxerit artus, Omnibus umbra locis adero, dabis improbe pœnas. Similis locus est apud Horat. & alios Poëtas. Latro assedit mensæ, everso poculo, vinum per solidum lignum mensæ manavit, omnium magna admiratione.

De

De his & aliis mirandis rebus possent multæ historiæ & multi testes produci.

Omnes verò qui hunc librum legerint, & hæc & alia seipsos vidisse, aut ex suis amicis, & noris, fideque dignissimis hominibus audivisse, memoria reperent.

Imminentibus mutationibus imperiorum, bellis, seditionibus, aliisque difficilissimis temporibus, plerumque res mirandæ contra naturæ cursum in aëre, terra animantibus contingunt. Ostenta, portenta, monstra, prodigia vocant. In aëre conspiciuntur gladii, hastæ & innumera alia: audiuntur aut videntur in aëre vel terra exercitus concurrentes, & in fugam compulsi, clamores horribiles armorumque sonitus exauditur. In armamentariis movent se bombardæ, hastæ, bipennes, & alia armorum genera. Cum exeundum est in hostem, & signa militaria non volant, sed signiferorum capita involvunt: si milites sunt consternati, omnino stragem imminere sibi præsagiunt. Ferunt equos quoque mæstos esse, & dominos suos vix sessorum admittere, si infelicitè pugnandum sit: alacres verò & hinnientes victoriam prædicant. Equorum greges quos Iulius Cæsar vagos dimiserat, ubertim flevisse Suetonius tradidit.

Cùm Miltiades expeditionem faceret contra Persas, ante aciem terribiles sonitus auditi sunt, & visa spectra quæ Athenienses postea dixerunt fuisse speciem Panos, qui tantum terrorem Persis incusserit, ut se fugæ traderent, Inde Panici terrores postea

*Equi
eladem
prædi-
cunt.*

*Panici
terro-
res.*

postea dicti sunt, de repentinis & subitis terroribus & consternationibus, quales sunt lymphatici metus, quibus correpti etiam mente carent, &c.

Præquam Lacedæmonii in Leuctrica pugna vincerentur, arma in templo Hectoris sonuerunt. Eodem tempore, Thebis in templo Herculis valvæ clausæ repagulis, subito se ipsæ aperuerunt, armaque quæ fixa in parietibus fuerant, ea humi sunt inventa. Hæc leguntur apud Cic. lib. de Divinatione.

*Roma-
na hi-
storia.*

Bello punico secundo, signifer primi hastati signum non potuit movere loco: nec quicquam profecerunt plures cum accederent: Hæc & alia rerum futurarum signa C. Flaminius Consul neglexit, mox concisus exercitus atque ipse interfectus est. qua de re T. Livius prolixè scribit. Initio belli Marfici ex occulto auditz sunt voces, & armorum sonitus, quæ pericula belli denuntiarent.

Plinius scribit 2. lib. cap. 56. armorum erepitus & tubæ sonitus auditos esse è cælo, bellis Cymbricis, crebroque prius.

Appianus annorat, quæ portenta & prodigia bellum civile antecesserint: hominum immanes voces, armorum strepitus, equorum cursus inspectante nemine auditos fuisse.

Val. Max. tradit l. r. c. 6. de prodigiis, C. Pompejum præmonitum fuisse, ne prælium committeret cum Iulio nam cum Dirrachio solverent, milites ipsius, subito consternati sunt: noctu quoque subito animi eorum

eorum conciderunt. Postea addit id quod Cæsar ipse 3. libro de civili bello, memoriæ prodidit, quo die prælium secundum fecit Cæsar, Antiochiæ in Syria bis tantum exercitus clamorem, & signorum sonum exauditum esse, ut in muris armata civitas discurreret. Hoc idem Ptolemaide accidisse refert. Pergami in occultis & remotis templis quo præter sacerdotes adire fas non est, quæ Græci *ἀδύτα* appellant, tympana sonuisse.

De Castore & Polluce historici memo- *Castor*
riæ prodiderunt, non semel in præliis: in *Pollux,*
equis albis visos esse contra hostiles exercitus fortiter pugnare. Plutarchus scribit in vita Coriolani, eos in pugna contra Tarquinium conspectos esse, & statim victoriam Romæ nuntiasse, Idem scribit Livius lib. 8. decadis 1.

In historia obsidionis Magdeburgi amplissimæ urbis in Saxonia, legitur, hostes qui urbem illam obsidione premebant, putasse, quoties cives eruptione ex urbe facta, velitares pugnæ commiserunt quod quidam in equo albo aciem civium præcederet, cum tamen cives neminem conspexerint.

Quàm miranda signa urbis Hierosolymorum eversionem præcellerint, recitat Iosephus in libris suis de bello Iudaico: nempe æneam portam elausam repagulis, noctu seipsa aperuisse, Ante solis occasum, quadrigas in aëre conspectas, & exercitus armis bene instructos urbem circumdedisse. Die Pentecostes cum sacerdotes templum

plum ingrederentur, ut cultibus divinis vacarent audivisse strepitum, mox vocem, Migremus hinc. Alia quoque id genus recenser, quæ non est necesse hoc loco repetere. Ea nocte qua Leo Constantinopolitanus in templo fuit interfectus, navigantes in mari vocem audiverunt in aëre, quæ dixit *ὁ πὸ Λέων τῆς ἐκ Ἀγνεράωνης.*

Felix Maleolus utriusque juris doctor, Præpositus, Salodorensis, & Canonicus Tigurinus vir multæ lectionis, uti ex scriptis ipsius, quæ adhuc extant, facile apparet: (vixit autem circa tempora concilii Basiliensis) scribit in libro suo de Nobilitate cap. 30. in historia Rodolphi regis Romanorum extare quod Rodolphus quum prælio Othocarum regem Bohemiæ vicisset in campo ubi prælium commissum fuerat, pernoctarit, quodque intempesta nocte lemures exercitum horribili clamore & tumultu turbarint.

Quod autem lemures fuerint, hinc apparuisse, quod fumi instar disparuerint. Idem cap. 26. scribit anno Domini 1280. prædicante ad populum Plebano (ut vocant) ecclesiæ Tigurinæ, apud tumbas vel sepulchrum Martyrum Felicis & Regulæ, ibidem patronorum lapidem violenter nullo movente confractum, instar tonitruï horribilem sonitum edidisse, ut toti populo non aliter terrorem incuteret quàm si testudo templi corruisset: eodem anno 3. die Octobris maximam partem oppidi Tigurini conflagrassè: & motus quoque propter censuras Ecclesiasticas & banum,

banum, ut vocant, imperialem, inter cives fuisse exortos. Anno Domini 1440. die 12. mensis Decembris, in templi dicti dedicatione, * intempesta nocte, similem fragorem esse exauditum mox verò secutum est bellum civile, quod Tigurini contra reliquos Helvetios per septem & amplius annos varia fortuna gesserunt.

Idem author c. 33. scribit, iisdem temporibus, anno domini 1444. ante fortissimam illam pugnam quam pauci Helvetii contra ingentes Ludovici Delphini Franciæ copias prope mœnia urbis Basiliensis, tempore consilii commiserunt, aliquot noctibus circa illa loca auditos esse militum clamores, armorum sonitus, pugnantium strepitus & c. Alia hujus generis plurima dedita opera prætermitto. Extant enim de prodigiis veterum & recentiorum libri, ex quibus hæc peti possunt.

C A P. XVIII.

Spectra interdum videri & audiri, & alias res mirandas accidere, confirmatur testimoniis sacrarum literarum.

Objicitur nobis non proferri testimonia sacrarum literarum de his rebus: præcipuè quòd spectra interdum hominibus offerantur. Respondeo, Verum quidem esse, quòd pauca de eis in sacris literis obvia sint, tamen quædam extant. Matt. 14. cap. legitur de discipulis, quod in lacu noctu, cum propter ventum ad-
versum

sum in magno periculo constituti essent, & Dominus die mœx illucescente aquis inambulare, perterriti clamarint, putantes se spectrum videre. Inde colligimus ipsos non latuisse quòd spectra in aquis & terris hominibus apparuerint. Item quum Dominus rediivus discipulis suis appareret, eosque veræ suæ resurrectionis certos reddere vellet, putabant se spectrum videre ubi Dominus non negat spiritus & spectra esse, & interdum conspici, sed confirmat potius, inter se & spiritus vel spectra discernens. Sed de his duobus testimoniis suo loco plura dicemus.

Historia memorabilis est quæ legitur in 2. lib. Samuelis de Saule, qui cùm à Palæstinis bellum ei inferretur, & in maximo esset periculo, mulierem Pytonissam accessit, eamque rogavit ut Samuelem è mortuis suscitaret, ut eum de eventu belli consuleret. Ipsa excitabat quendam, quem Saul quidem Samuelem verum esse putabat, qui ei exponebat quisnam belli exitus futurus esset. An autem verus an ficticius Samuel fuerit, suo loco plenius disputabimus.

Quòd ad alias res mirandas, etiam quædam in sacris literis occurrunt. 2. Samuelis 5. & 1. Paralip. 14. habemus Palæstinos ascendisse secundo in Iudæam, ut Davidi bellum inferrent. Is rem ad Dominum retulit, qui præcepit ei, ut cum suo exercitu se abderet post nemus, & ubi audiret strepitum vel sonitum in cacuminibus arborum excitari, eos adoriretur. Volunt au-

sem

rem hunc sonitum portentosum fuisse. 2. Reg. 6. & 7. c. scribitur Deum urbem Samariam quæ premebatur obsidione à Benhadado Syrorum rege, maxima annonæ difficultate liberasse. Noctu enim hostes strepitum curruum, hinnitum equorum, & fremitum ingentis exercitus in suis castris audiverant : putantes igitur regem Israelis pedestres & equestres copias collegisse, fuga salutem quærebant, commeatum & alia in castris relinquentes. 1 Sam. 7. c. Deus sonare fecit vocem magnam super Philistæos, & contrivit eos. Intelligo insolito sonitu perterrefactos ; ut facile vincerentur.

Danielis 5. cap. legis Balthasarem regem in luxurioso convivio, è regione candelabri vidisse manum quæ in pariete scribebat, quisnam ipsius futurus esset exitus.

2 Machab. 3. cap. legitur Heliodoro Seleuci regis Asiæ ministro, spoliaturo templum Hierosolymitanum, equum apparuisse, in illo equitem formidabilem, qui impetum in ipsum facturus videbatur. Huic latus claudebant duo adolescentes liberali forma, qui flagellabant Heliodorum. 2. Machabæorum 10. Iudas Machabæus præliatus est cum hostibus, quumque prælium vehemens esset, apparuerunt hostibus de cælo viri quinque in equis frænis aureis insignibus, qui Iudeos ducebant : duo verò Machabæum protegebant. Machabæo item eques apparuit, splendente veste, armis aureis, hastam suam concutiens :

inſigni & præclara victoria, 2 Machab. II. cap.

Hæc non propterea adduco, quòd eodem loco libros Machabæorum habeam cum libris Canonicis veteris & novi fœderis : ſed quòd coniuncti ſint illis, & à quovis legi poſſint. A veteribus quoque ſemper lecti fuerunt. Etſi enim dogmata ex illis non probarunt, tamen magnæ apud eos fuerunt authoritatis.

C A P. XIX.

Quibus, quando, ubi, quomodo, Spectra appareant, & quidnam efficiant.

EX his omnibus perſpicuè intelligimus, quòd multa miranda hominibus offerantur, quòdque interdum Spectra cernantur, & audiantur, non ſolum (ut quidam opinati ſunt, teſte Plutarcho in vita Dionis à pueris, mulieribus, morbis confeſtis, deliris, vel alioqui ſimplicibus hominibus : ſed etiam fortibus, & illis qui mentis compotes ſunt. Negari tamen non debet, quin quibuſdam plura occurrant quàm aliis veluti iter facientibus, vigilibus, venatoribus, aurigis, nautis, qui non ſolum interdium, ſed noctu quoque in itineribus, aquis, ſylvis, montibus & vallibus degunt. Reperies aliquem qui per totam vitam nihil harum rerum vidit vel audivit : è contrà ſunt qui multa viderunt & audierunt. Sic ſunt qui rariffimè in ſerpentes incidunt, è diverſo quibus in itinere ſubinde multi occurrunt. Vulgò dicitur,
illis

illis quorum natalis in angarias incidit. (ita vocant quatuor anni tempora) plura Spectra apparere, quàm alio tempore in lucem editis: sed meræ nugæ sunt. Qui constantes sunt in vera fide, rarius hæc vident vel audiunt, quàm superstitiosi, ut in aliis quoque rebus. Superstitiosus aliquis utitur benedictione aliqua, ut vocant, ad sanandum morbum equi, & succedit: incantat serpentem, & non movetur loco: benedictione utitur ad sistendum sanguinem, & statim consistit: virgulam habet divinam, vel furcatam & incantatam, quæ movetur ubi metalla latent: vera fide præditus qui hæc contemnit (sic enim legibus divinis, imò Pontificiis quoque adversari) etiam si illa adhibeat, nihil tamen efficit. Ita ipsi quoque rarius Spectra apparent, quàm superstitiosis. Scit enim quid de illis sentire & judicare debeat. Sunt homines qui putant sibi honorificum esse, si multa hujus generis ipsis appareant.

Apud nos quum superstitionibus dediti essemus multò plures fuerunt hujus generis apparitiones & miracula: quàm ex illo tempore quo Evangelium purè prædicetur, causam inferius assignabo.

Sæpe etiam fit ut aliquis clarissimè aliquid vel videat vel audiat, aliter qui ei adstat, vel cum comitatur, nihil videat, nihil audiat.

Quid vident & audiunt aliquid, alii non.

In historia Helisei legimus ipsum vidisse currus igneos, & equites in monte puerum ipsius nihil vidisse donec propheta orabat ut ad confirmationem & consolationem

Dominus oculos ejus aperire dignaretur quo ingens hoc miraculum ipse quoque videre posset. Ita in Actis Apostolorum 9. cap. legitur quod Christus Paulum ante Damascum prostraverit, eique loquutus sit, & comites ipsius vocem audiverint. Postea 44. cap. Paulus ipse Hierosolymis in castris præsente Lysia toti populo narrans quid cum eis gestum sit, dicit eos vocem secum loquentis non audivisse: quæ non pugnant invicem. Nam sensus est, Eos vocem vel sonitum audivisse quidem sed non intellexisse quid Dominus ipsi loquutus sit.

*Quæstio
solvi-
tur.*

*Socra-
tis de-
moniu.*

Plato scribit in Theagem, Socratem habuisse familiarem spiritum; à quo solitus fuit admoneri, ut desisteret ab agendo, quando id quod facturum erat, non feliciter casurum esset: hunc ipse non vidit, alii eum non audiverunt. Aliquando pueros quædam cernere dicunt, quæ alii non cernunt; peculiari quadam naturæ vi etiam quidam vident, quod alii non.

*Quo tē-
pore spe-
ctra ap-
pare-
ant.*

Quò ad tempus quando appareant Spectra, legimus in historiis post mille annos fatales, quibus D. Ioannes in Apocalypsi, prædixit Satanam ex vinculis liberandum, hoc est, errores, superstitiones, scelera in mundo grassatura esse, multa Spectra passim apparuerunt. Plus enim homines ferè illis tribuerunt, quam ipsis Scripturis. Spiritus apparuit vel auditus est, qui dixit, Si hæc vel illa instituantur, puta peregrinatio votiva, facellum, & Deo gratissimum fore cultum, Episcopi & parochi non ex-
pen.

penderunt num illa sacris literis convenirent nec ne, &c. Spectra olim apparuerunt, adhuc die noctuque apparent, præcipue verò noctu: & ante intempestam noctem primo somno. Item diebus Veneris, Saturni, & diebus jejuniorum, ut confirmant superstitiones. Non autem mirari debemus hæc noctu sæpius quàm interdiu audiri. Ille enim quo authore hæc ferè sunt, in sacris literis princeps tenebrarum vocatur, & lucem Verbi divini refugit.

Et si verò omnibus in locis hæc audiuntur & videntur, præcipue tamen in campis illis in quibus prælia commissa, vel in locis *Quibus in locis.* ubi supplicia de fontibus sumuntur: in sylvis in quas olim adjurarunt dæmonas expulsos ex hominibus: in templis, monasteriis, circa sepulchra & limites regionum, atque agrorum in carceribus, domibus, arcibus aliquando in ruinis & ruderibus arcium.

Deus comminatur Esaia 13. cap. Baby- *Mon-*loniis, illis in locis, ubi magnifica sua pala- *stra de-*stra habuerunt & choreas duxerunt, Fa- *serti.*nos & Satyros saltaturos Cap. 14. ubi omnibus gentibus & hostibus Dei exitium minatur, dicit, In dirutis & everfis palatiis, arcibus & domibus, occurrent spiritus horrendi ululis, & Satyrus ad comparem suum clamabit quin & Lamia istic requiem suam quæret. Dei enim permissu, mali dæmones illis in locis, in quibus superbiam, & tyrannidem homines exercuerunt, res miras agunt.

*Quo-
modo &
quibus
formis
appa-
reant.*

Modus autem apparitionis spirituum, ut ex illis quæ supra protulimus exemplis liquet, varius est & multiplex. Variis enim formis se offerunt: aliquando forma hominis nobis noti, qui in vivis est. vel jam pridem vita defuncti, aliquando forma hominis nobis ignoti.

Audivi ex viro gravi & prudente, ditionis Tigurinae præfecto, qui asseverabat se ætate summo manere cum servo suo iter facientem per pascua, vidisse quendam sibi optimè notum qui equæ sese nefariè commisceret: se obtupefactum reflexisse iter, pulsavisse aedes illius quem purabant se vidisse, atque cerò comperisse, quod ille cubiculo suo nunquam egressus esset. Et nisi omnia diligenter explorasset, bonus & honestus vir in carcerem detrusus & tormentis subiectus fuisset, &c.

Hanc historiam ideo recito, ut iudices in huiusmodi casibus cauti sint. Diabolus enim hac via sæpè innocentibus insidiatur. Vxor Henrici secundi imperatoris, Chune-gunda, suspecta fuit de adulterio, rumoresque sparsi, quod nobili quodam juvene in aula nimis familiariter uteretur. Diabolica enim illius juvenis species è cubiculo Augustæ egrediens sæpe conspecta fuit. illa postea calcando ignitos vomeres (ut illis temporibus fieri consuevit absque ullo pedum detrimento, suam innocentiam declaravit. Albertus Cranzius libro quarto capite quinto Metropoleos. Eremitis & monachis multi spiritus habitu & forma muliebri apparuisse legitur, qui ad res

venæ

venereas eos allexerunt, apparent etiam forma brutorum animantium, nunc quadrupedum, ut canis, porci, equi, hirci, catti, leporis, nunc volatiliū vel serpentium, ut forma corvi, noctuæ, bubonis, anguis, draconis, quorum gentiles multos in templis & etiam domi suæ habuerunt & nutritiverunt, ut passim videre est apud Poetas. Aliquando spiritus forma grata & jucunda, aliquando horribili apparuerunt. Nunc visus est aliquis equo vehi, nunc pedibus incedere, vel brachiis & pedibus niti. Nunc visus est vir igneus, nunc sanguinolentus, nunc ventre dissecto viscera propendere visa sunt. Interdum umbra solum apparuit, aliquando manus, aliquando instrumentum aliquod, puta baculus gladius aut simile aliquid, quod spectrum in manibus habuit. Aliquando apparuit instar ardentis fasciculi straminis aliquando vox tantum rauca audita est, aliquando in conclavi auditum est Spectrum in ambulare, solia in libro aliquo vertere, pecuniam numerare, alea ludere, vel parietem pulsare. Aliquando auditur mirabilis sonus vel strepitus, ac si eminus bombardæ exonerarentur, Spectra etiam brachio aliquando arreptum, vel capillis, comitata sunt.

Olaus Magnus scribit lib. 3. cap. 11. de gentibus Septentrionalibus, nostra quoque ætate monstra quædam, vel spiritus formam aliquam assumentes, multis in locis regionum Septentrionalium, noctu præsertim, choreas ducere ad concentum instrumentorum musicorum varii generis.

*Choreæ
spirituum.*

Incolas vocare choream Elvarum. Hac de re etiam apud Saxonem Grammaticum in historia Danica quædam leguntur. His non dissimilia sunt quæ Pomponius Mela, libro tertio in descriptione Æthiopiz tradit, ultra Atlantem Mauritaniz montem, noctu per sæpe visa lumina, & crepitus tymbalorum, ac fistularum cantus auditos: nec die repertum quenquam. Solinus cap. 38. & 4. scribit, in hoc ipso monte Agipanes suos choros passim habere, horum etiam Plinius libro 5. capite 1. meminit. Sentiunt Panes, Faunos ac Satyros esse, de quibus multa apud veteres extant.

Panes.
Fauni.
Satyri.

D. Hieronymus scribit in vita Pauli Eremitæ, Antonio Hippocentaurum apparuisse qualem Poetæ esse perhibent. Inter Saxosam vallem, dicit, haud grandem homunculum videt, ad uncis naribus, fronte cornibus asperata, cujus extrema pars corporis in caprarum pedes desinebat. Infra ususque & hoc Antonius Spectaculo, scutum Fidei & loricam Spei, ut bonus præliator arripuit. Nihilominus memoratum animal palmarum fructus eidem ad viaticum quasi pacis obsides afferebat. Quo cognito gradum pressit Antonius, & quissnam esset interrogans, hoc ab eo responsum accepit: Mortalis ego sum, & unus ex accolis Eremitæ, quos vario delusa errore, gentilitas, Faunos, Satyrosque & Incubos vocans, colit: Legatione fungor gregis mei: Precamur ut pro nobis communem Deum depreceris, quem pro salute mundi venisse cognovimus, &c.

Hec

Hoc loco à nobis silentio prætereunda non erit memorabilis illa historia quam Plutarchus in suo libello de defectu oraculorum interprete doctissimo viro Adriano Turnebo, his verbis recitat. De dæmonum obitu narrationem quandam de homine nec stulto nec vano accepi: nam Æmiliani Rhetoris, ex quo nonnulli etiam vestrum hoc audiverunt, Epitherses pater fuit, municeps meus, Grammaticæ professor: is narrabat quum aliquando Italiam cogitans navigium conscendisset, quod non solum merciam magnam vim, sed vectorum etiam magnam turbam ferret, sub vesperam ad Echinadas insulas penitus flatum siluisse, navique in salo fluitante, & tandem ad Paxas delata, pluribus tum vigilantibus, multis etiam post cœnam compotantibus, è Paxi repente vocem auditam esse cujusdam, Thamum inelamantis, ita ut admirarentur. Erat autem Thamus Ægyptius gubernator, multis, qui in navi erant, nomine ignotus. Bis igitur inelamatum siluisse, tertium vocanti, paruisse: illum majore vocis contentione imperasse, ut quum ad Palodes pervectus esset, Pana magnum mortuum esse nunciaret. Hoc audito Epitherses consternatos omnes stupore dicebat: quumque deliberarent, quod imperatum erat faciendum esset, nec ne, hac de re sic Thamum censuisse, Si flatus spiraret silentio prætervehendum esse: sin à ventis esset eo in loco quies & tranquillitas, quod audierat esse prædicandum. Igitur ad Palodes per-

latis, quum aura nulla esset, nec unda, prospectantem è puppi Thamum in terram, exclamasse ut audierat, Pana magnum esse mortuum: continuoque quum vixdum finiisset, sequutum esse ingentem non unius, sed multorum gemitum, admiratione mixtum: & quòd multi affuissent, narrabat rei famam celerimè dissipatam esse Romæ, Thamumque à Tyberio Cæsare accersitum: Tyberium verò usque adeò huius rei adjunxisse, ut quis ille Pan esset, interrogaret & quæreret. Doctos autem homines, quos circum se frequentes habebat, censuisse: Pana eum esse, qui ex Mercurio & Penelope natus esset, &c.

*De pra-
parat.
Evang.
lib. 5.
cap. 9.*

Hæc & similia Eusebius, qui hanc historiam etiam recitat, accidisse refert ad illum Tyberii tempus, quo Christus cum hominibus conversatus, omne dæmonum genus ab humana vita depulit. Alii religionis nostræ sanctissimi viri asserunt, ut Paulus Marfus in suis annotationibus in lib. 1. Fastorum Ovidii annotavit, eam vocem auditam è Paxi ea nocte, quæ sequuta est passionis Dominicæ diem, decimo nono anno Tyberii, quo quidem Christus passus est: qua voce miraculo quodam ex solitudine desertorum scopulorum edita, nunciatum illud sit, Dominum & Deum nostrum passum. Pan enim totum significat: totius autem & universæ naturæ dominus passus erat.

Addit etiam Theodosium dicere, hunc Deum Arcades colere, appellantes τῶν τῆς ὕλης κυρίου, non sylvarum, sed universæ
sub.

substantiæ materialis dominatorem significare volentes. Cujus naturæ vis universorum corporum, sive illa divina sive terrena sint, componat essentiam. Licet autem ad Solem referat, tamen si quis diligenter advertat, altius myſteria tendere; &c.

Huc pertinent quæ de venatione dæmonum referunt, item de mortuorum choris, quæ etiam non sunt unius generis. Audiſi de quibusdam qui se illas conſpexiſſe affirmarent. Omnes formas quibus apparuerunt ſpiritus, nemo poteſt recenſere. Etenim cacodæmon, qui plerumque harum rerum author exiſtit, poteſt ſe, ut Poetæ de Proteo fabulantur, in omnes formas convertere.

*Venationes
diabolicæ.*

Hæc Spectra aliquando iter facientibus viam intercludunt, abducunt eos à recta via, terrent eos, ut una nocte aliquando canescant. Memini me talem hiftoriam audire à pio & docto viro Ioanne VVillingo, vetere meo amico, de quodam qui ante paucos annos in comitatu Hanaviensi, noctu in Spectrum quoddam incidens, tantum fuit mutatus, ut quum domum rediret, à ſuis filiabus agnitus non fuerit.

*Quid efficiant
illa Spectra.*

Spectra sæpe ſomnum hominibus rumpunt, efficiunt etiam ut domos ſuas multi relinquere cogantur, neque aliis eas elocare poſſint. Aliquid interdum evertunt, homines concutiunt, petunt eos ſaxis, atque ita eos lædunt in fortunis, corpore: vitam aliquando, Deo permittente, eis eripiunt. Sæpenumero accidit, ut illis qui

E 5

Spe-

Spec̃tra viderunt, audiverunt, vel ab illis afflati sunt, os & facies tota intumescat: aliquo furore corripuntur, id quod experientia notum est.

Factum etiam memini, ut quidam putantes se videre armatos à quibus capiendi essent, sibi manus inferri conati sint: quod Satanæ artificio fieri potest. Spec̃tra etiam pecora in pascuis noctu interdum conturbant.

Hæc de prima hujus opusculi parte, in qua spero me planum fecisse atque probasse, quod etsi complures sint, qui sibi ipsis falsò persuadent se Spec̃tra vidisse, vel unum pro alio intuiti sunt: nihilominus tamen Spec̃tra existere, & alias quoque res mirandas interdum accidere.

Adjeci, quibus præcipuè, ubi, quando, quomodo, vel quibus formis appareant, & quid interdum efficiant vel operentur.

Qui multiplicia hæc & consentientia testimonia veterum & recentiorum prorsus negare audet, indignus (meo quidem judicio) videtur, cui affirmanti aliquid credamus. Nam ut magnæ levitatis est iudicium, si quis promiscuè omnibus, qui affirmant se Spec̃tra vidisse statim credat: ita ex opposito, maxima est impudentia, si quis omnia quæ à tot, & fide dignis historicis, Patribus, & aliis magnæ authoritatis & gravibus viris affirmantur, temerè & impudenter rejicit.



SECUNDA PARS
HUIUS LIBRI
OSTENDIT
SPECTRA

Illæ & alias res mirandas, non
esse animas hominum: sed
vel bonos vel malos ange-
los, aut alioqui arcanas
quasdam operationes.

CAP. I.

*Gentilium, Iudæorum & Turcarum doctrina
vel fides, de animabus separatis à
corporibus.*

IN secunda parte huius libri,
considerandum est quidnam
sint hæ res, quæ, ut supra
ostendimus, die noctuque
audiuntur & cernuntur: an
sint animæ mortuorum, nec
ne: quid veteres de illis senserint, & quid
nos Sacræ literæ de his doceant.

Plato

Plato.

Plato existimat excellentes & heroicæ animas, tanquam puriores sursum evadere: cæteras ignavas & voluptatibus corporum contaminatas, humi vagari circa sepulchra, & has judicat esse Spectra quæ sæpe cernuntur.

Alii quoque scriptores ethnici ajunt se eo moveri, ut existiment animas hominum post mortem superstites esse, quia certissimum sit multa Spectra passim vagari, & sæpe audiri & conspici: sæpe etiam colloqui cum hominibus, putant enim pleraque animas esse. Vetusissimus scriptor Tertullianus in libro suo de Anima, scribit sapientes gentilium qui statuerunt animam esse immortalem (quidam enim ut Epicurei, putarunt animas cum corporibus interire) docuisse animas sapientum si à corpore discedant, sedes suas habere in sublimi, aliorum ad inferos dejici.

Ad hæc gentiles sentiunt animabus, nisi corpora à quibus per mortem abjuncta sunt, legitimè sepeliantur, errandum esse, priusquam quietem inveniant. Quapropter horribile fuit aliquem inhumatum abjicere: id quod videre est passim apud Poetas. Hector apud Homerum rogat Achillem, ne cadaver suum canibus & alitibus projiciat, sed patri suo seni Priamo, & matri suæ Hecubæ sepeliendum tradat. Patroclæ in somnis apparet Achilli petitque ut ei iusta persolvat; alioqui eum portas inferni adire non posse, animabus sepulcrorum eum longè repellentibus, quod exemplum Tertullianus adducit, simulque

vanam

vanam hanc gentilium opinionem refellit. Palinurus rogat Æneam apud Virgilium, ut terram sibi injiciat, hoc est cenotaphium ei erigat: sic autem nominabant sepulchra quibus licet aliquis non inferebatur, tamen in honorem ipsius fiebant, Deiphobi unibram transvectam scribit Virgilius, cui Æneas cenotaphium fecerat: inanem enim & imaginariam sepulturam dicunt etiam valere. Adhæc senserunt Gentiles animas illorum qui ante justum tempus vita defuncti sunt, præsertim qui violenta morte perierunt, quos *βροδαντες* vocant, ut qui laqueo vitam finierunt, qui aquis submersi, qui decollati fuerunt, &c. tam diu errare quam diu vixissent, nisi violenta morte fuissent extincti. quam opinionem Tertullianus etiam impugnatur. Plato scribit de legibus libro 9. animas illorum qui interfecti sunt, sicarios persequi, ut eos lædant: quod nisi metaphoricè intelligas, similiter est repudiandum.

Apud Iudæos catholica fides fuit, ani- *Fides*
mas mortuorum vel quiescere, nempe si in *Iudæo-*
fide promissi Messie obijissent, vel damnari, *rum.*
si absque pœnitentia in peccatis suis è vivis excessissent, non autem redire in has terras: Iobus enim 7. capite dicit. Quemadmodum nubes deficit ac præterit, sic qui descendit ad inferos non ascendet, nec revertetur in domum suam, &c. Si dicas Iobum fuisse, de Davide scriptum est, quod quum in maximis periculis esset, & mors ejus oculis observaretur, precatus sit Psalmo 31. In manus tuas, Domine, commendo spiritum

tum meum, Ecclesiastes, 12. cap. Spiritus revertetur ad Deum qui dedit eum. In libro Sapientiae qui à veteribus Philonitribuitur) 3. cap. scribitur: Animæ justorum sunt in manu Dei, nec tanget eos cruciatus. E contra, animas impiorum descendere in infernum. Psalmo 49. scribitur de opulenti qui propter opes suas à Deo ejusque præceptis deficiunt: Sicut oves in inferno positi sunt: mors depascet eos, & infernus habitatio eorum, &c. Si Iudæi credidissent animas cruciari in purgatorio, procul dubio inter tot species sacrificiorum quæ obtulerunt pro viventium peccatis, saltem unum aliquod genus sacrificii pro redimendis animabus, aut minimum mitigandis cruciatibus habuissent. Animas verò redire, se conspiciendas præbere, & opem petere, in veteri Testamento nusquam invenies, sed contrarium 2. Samuel 12. dicit David de filiolo suo, quòd revocare eum non possit, se velle ire ad illum, illum non reversurum ad se. Siracides 38. cap. Ex morte non est reditus. De apparitione Samuelis mox suo loco dicam.

Posteris verò seculis, longo post Christum exhibitum tempore, aliquot fuisse apud Iudæos, qui senserint animas separatas à corporibus, errare: hinc colligi potest quòd quidam ex Rabinis scribunt, animam Nabothi (qui propterea ab Achabo interfectus fuit, quòd Achabo vineam suam tradere nollit) fuisse spiritum illum, qui suam operam in decipiendo Achabo promittebat, ut qui expeteret ejus interitum.

Turca

Turcæ quoque credunt animas immortales esse, & vel in quietem, vel tormenta à corporibus separatas pervenire. An verò sentiant animas in terras redire & hinc inde vagari, atque apparere hominibus, in Alcorano ipsorum disertè invenire non potui.

C A P. II.

Papistarum doctrina de animabus, earumque apparitione.

PApani superioribus aliquot seculis, publicè docuerunt scripseruntque, Spectra quæ conspiciuntur & audiuntur, aut bonos aut malos angelos esse, vel animas illorum qui in æterna felicitate, in purgatorio aut loco damnatorum versentur. Pleraque verò animas esse quæ opem & liberationem ab hominibus expectant. Cæterum ut hæc ipsorum doctrina, totumque negotium planius intelligatur, paulò uberius ex ipsorum libris à nobis repetenda erit. Iacobus de Clusa Carthusianus Theologiæ doctor, librum scripsit de apparitione animarum separatarum à corporibus: impressus est Burgdorsii in oppido ditionis Bernensis anno à nato Christo 1475. qui multa superstitiosa habet.

Pontificii doctores super 4. librum Sententiarum, quatuor receptacula sive loca Quatuor constituunt, in quæ animæ à corporibus animarum separatae, deferantur. Tria ex illis receptaculis dicunt perpetua esse, unum ad tem- rum receptacula. pus definitum durare.

Pri.

*Cælum
empy-
reum.*

Primum receptaculum, vel primus locus, est cælum empyreum, quod est sedes beatorum, hæc alio nomine in sacris literis paradiscus nominatur. Secundus locus est infernus sub terra, habitaculum dæmonum, infidelium, adulterorum, & perverforum Christianorum in peccato mortali sine pœnitentia hinc exeuntium. Tertius est limbus puerorum tam fidelium quàm infidelium hinc sine baptismatis sacramento exeuntium: quos sine pœna sensibili perpetuo ibi victuros esse dicunt, sed facie Dei privandos. Ideoque corpora ipsorum non debere in cœmeteriis sacratis

*Purga-
torium.*

post obitum sepeliri. Quartus locus est Purgatorium, quod illis paratum sit, qui hinc exierunt absque mortalibus peccatis, aut si commiserunt mortalia peccata, tamen pœnitentiam egerunt, sed non plene satisfecerunt: aut cum venialibus solis hinc exiverunt.

*Parti-
cularia
purga-
toria.*

De hoc loco, nempe purgatorio, Pontificii mira tradunt. Quidam dicunt purgatorium etiam sub terra esse sicut inferos. Alii dicunt quod infernus & purgatorium unus idemque locus sit, licet pœnæ sint differentes, secundum merita animarum. Adhæc super terram plura esse loca pœnarum in quibus animæ defunctorum purgentur. Etenim in hoc vel illo monte, fluvio, valle, hanc vel illam animam conspectam esse, ubi peccatum admisit: & ista esse particularia purgatoria ex speciali causa ipsis à Deo deputata. ante diem judicii: post quem omnia purgatoria, tam generale quàm

quàm particularia cessatura sint. Quidam dicunt pœnam purgatorii eandem esse cum pœna inferni: in hoc tantùm differre, quòd illa terminum habeat, hæc non: & levius esse omnem pœnam hujus mundi, quam omnes homines ab Adamo passi sunt, ferre usque ad diem ultimi judicii, quàm minimam illarum pœnarum uno die sustinere. Item, nostrum ignem, si conferatur cum igne purgatorii, esse instar pici ignis. Consule doctores super quartum librum sententiarum distinctione 20.

Hanc quoque movent quæstionem, Per quos animæ separatæ à corporibus in purgatorio puniantur: varix sunt ipsorum & discrepantes de hac quoque re sententix.

Richardus de media villa Franciscanus *Quin* in Sent. scribit, se credere animas per an- *animas* gelos bonos deportari ad loca tormento- *in pur-* rum: sed eas non punire eò quòd cives eo- *gatorio* rum futuri sint. Neque puniri per dæmo- *cruciet* nes postquam enim homo è vivis excessit, non amplius tentant animas) sed per divi- nam justiciam. Possè tamen fieri, ut dæ- mones præsentès sint, eorumque pœnis latentur. Hæc de purgatorio paulò ver- bosius adducenda existimavi, ut videas do- ctiores ipsos dissentire in doctrina tanti momenti, per quam homines opibus suis spoliarentur, eosque in tantum mœrorem conjecerunt.

Addunt his, spiritus tam bonorum, *Ani-* quàm malorum, ad viventes homines ex *mas re-* inferno venire vel mitti. Secundum Legem *dire in* som- *terras.*

communem iustitiæ, omnes in die iudicii venturos ex inferno ut iudicentur: nequenquam antea ex inferno exire. Ceterum secundum dispensationem divinam concedi, ut aliqui etiam ante diem iudicii de inferno exire possint, non in perpetuum, sed ad tempus, idque propter eruditionem & terrorem viventium. Recitant varias visiones, aliquos scribunt condemnatos clericos & Laicos, utriusque sexus homines, suis pœnitentiariis vel aliis apparuisse, causas suæ damnationis eis aperuisse, quæ omnia hoc loco referre non est operæ pretium. Animas verò quæ sunt in æterno gaudio vel in purgatorio, frequenter apparere, ex homiliis & dialogis D. Gregorii posse perspicui, qui scribit Petrum & Paulum aliosque sanctos, sanctis non solum apparuisse, sed & animas eorum ad cœlestia gaudia deduxisse. Deum autem ex duobus illis locis, animabus redeundi in terras ideo copiam facere, partim ut viventes consolentur & commune faciant, partim ut operi ab eis expectant. Non tamen quodocunque, & quotiescunque vellent eas redire. Magnum profecto est illorum hominum acumen.

*An op-
tandū
sit ut
spiritus
se no-
bu offe-
rant.*

Movent hanc quoque quæstionem doctores, an peccatum sit, postulare ut animæ se vivis conspiciendas præbeant. Hunc canemum ad solvendum illum inexplicabilem locum afferunt. Si non ex levitate aut vanitate fiat, sed pia intentione, ut quis cognoscat statum alicujus amici, vicini, benefactoris, parentum & aliorum, ut

eos citò liberet ex tormentis, non peccare; Animas enim defunctorum sponte se vis ostendere, ut eis subveniatur: nihil igitur ob stare, quo minus hoc à Deo postulemus. In hac sententia est D. Thomas de Aquino.

Quoad locum & tempus, ubi & quando se spiritus exhibeant conspectui nostro, nullam certam regulam dicunt præscribi posse: hoc enim in Dei arbitrio positum esse, qui si statim aliquem liberare velit, mox & in locis ubi audiri possit, sinat eum apparere: spiritus autem non semper apparere visibili forma, sed invisibili: stertationem, screeatum, gemitus & complosionem manuum aliquando tantum audiri &c, qua de re suprâ quædam annotavi, quando in genere de Spectris dixi, quod diversis modis appareant. Vbi- que autem sint, pœnis affici dicunt. Adhæc animas non cuivis apparere, nec cuivis respondere ad interrogata, sed ex multis vix uni. Proinde inquisitionem harum apparitionum præcedere debere jejunia & preces: id quod Daniele fecisse, Dan. 10 & 11. capite exprimat: item confessionem peccatorum: celebrationem Mis- sarum: Adhæc non statim fidem adhibendam audito aliquo signo, sed expectandum donec ter audiamus: sicut de Samuele puero, 1. Sam. 3. cap. legitur. Sata enim sæpe hominibus illudere. His ritè peractis, accersendos esse quatuor aut quinque presbyteros devotos, qui ad locum accedant in quo se spiritus ostendere con-

*Vbi.
quando
quibus
& quo-
modo
anima
appa-
reant.*

*Quo-
pacto se
homi-
nes ge-
rere
debeant
appa-
renti-
bus spi-
ritibus.*

confuevit: illos certis ceremoniis uti debere, accipere candelam in die purificationis benedictam, illamque accendere, aquam lustralem, signum crucis, thuribulum, in ascendendo orare debere septem psalmos (ni fallor) pœnitentiales, aut Euangelium Ioannis. Ingressos locum aspergere debere aqua benedicta, fumigare: stolam quoque sanctam censent non fore inutilem: flexis genibus unum ex illis, hanc debere orationem recitare.

Oratio.

Domine Iesu Christe, omnium secretorum cognitor, qui semper tuis fidelibus & parvulis revelare salubria & utilia consuevisti, quique in hoc loco spiritum quandam se ostendere permisisti: humiliter obsecramus benignissimam tuam misericordiam, per passionem tuam & pretiosissimæ sanguinis tui pro peccatis nostris effusionem, ut digneris præcipere huic spiritui, ut sine terrore ac læsione nostra & omnium hominum se revelet: significans famulis tuis nobis vel aliis peccatoribus, quis sit, & cur venerit, quidque petat, ut ex hoc honorari valeas, & ipse consolationem percipiat, & fideles quoque inde subleventur. In nomine Patris & Filii & Spiritus Sancti Amen.

Liberum tamen esse dicunt, hac vel alia formula uti, item aliis ceremoniis: nam absque illis spiritus sæpe apparuisse, & quid postulent significasse. Postea ad interrogationes ajunt veniendum esse & dicendum obsecramus per Iesum Christum, tu spiritus, ut dicas qui sis: & si aliquis est
inter

inter nos cui velis respondere, ut nomines eum, aut per signum significes. Postea interrogandum. Sit ne hic vel ille: & singulos, quotquot præsentes sunt, nominandos esse. Si ad nominationem alicujus, vocem edat aut pulset, illi committendas reliquas interrogationes, vel quæstiones: nempe, Cujus hominis anima fuerit, propter quam causam venerit, quid postulet. Si petat opem (suffragia vocant Papistæ) An Missis vel eleemosynis liberari possit. Item quot Missis, an tribus, sex, decem, viginti, triginta, &c. Quinam sacerdotes Missas celebrare debeant, religiosine, ut vocant, vel seculares. Si petit jejunia, per quas personas, quandiu, quomodo. Si eleemosynas, quas & quot, quibusque personis: an hospitali leprotorio, aut aliis pauperibus largiendæ sint.

Adhæc, quo signo cognosci possit perfecte liberatum esse: & quare in Purgatorium detrusus sit, nulla tamē curiosa, inutilia aut superstitiosa ab eo investiganda esse, nisi sua sponte revelare atque patefacere voluerit. Satiùs etiã esse, ut hæc inquisitio diebus festis ante prandium à sobriis fiat, aut nocturno tempore, ut fieri solet. Si spiritus illa hora nullum signum edat, rem differendam in aliud tempus donec iterum se manifestet: relinquendam tamen ibi aquam benedictam & crucem, quia occulto Dei judicio, certis horis & personis, non omnibus se revelent. Neque metuendum, ne spiritus ille personam talem in corpore lædat. Nam si talis spiritus
ali-

aliquem læderet, se suspectum faceret, quòd bonus non esset.

Quibus signis boni spiritus Pontificii scriptores insuper quatuor modos tradunt, quibus boni spiritus à malis discerni possint. Primo loco dicunt, Si spiritus bonus sit, aliquid quidem terroris secum à malis afferre, sed statim homines erigere & condiscerni solari. Sic Gabriel divam virginem, quæ possint. ejus salutatione perturbatur, erexit. Alia quoque exempla proferunt. Secundò per speciem visibilem cognosci posse. Si apparent specie leonis, ursi, canis, buffonis, serpentis, catti, aut umbræ nigræ, facile colligi, quòd spiritus malus sit. Bonos spiritus apparere in specie columbæ, hominis, agni, aut in splendore solis & lucis.

Considerandum etiam an vox quæ auditur, sit suavis, humilis, modesta, dolorosa, an terribilis & increpativa: ita enim loquuntur.

Tertiò observandum esse, num spiritus aliquid dicat quod pugnet cum doctrina Apostolorum, & doctorum ab ecclesia approbatorum: item cum fide, bonis moribus, & ritibus Ecclesiæ secundum jura canonica aut conciliorum decreta: & contra Sanctæ Romanæ Ecclesiæ instituta. Quartò diligenter attendendum est, an in verbis, factis, gestibus ejus, præ se ferat humilitatem, cognitionem & confessionem peccatorum & pœnarum: an audiat gemitus, ploratus, querela, an jaçantia, comminatio, detractio, blasphemia. Nam ut mendicus sua mala recitat, ita spiritus opem liberationemque expetentes. Alia quo-

quoque signa habent, quibus bonos angelos à malis discernunt, sed hæc sunt præcipua.

Quod verò attinet suffragia, ut vocant, *Quan-* quibus animæ ex purgatorio evocantur, *do opere* Pontificii doctores etiam quatuor assignant: scilicet immolationem victimæ sa- *ferre* lutaris in sacramento altaris, elemosynas, *possi-* preces, jejunia. His omnia alia includunt: *mus* animabus. ut peregrinationes votivas, visitationem ecclesiarum, subventionem pauperum, & divini cultus augmentationem, &c. Imprimis autem Missam collaudant, quòd ad redimendas infelices animas maximas vires habeat. Recitant multa exempla de ejus vi, aliorumque operum quæ modò nominavimus.

Multas quæstiones de illis movent, quas qui legere volunt, consulant libros ipsorum hac de re scriptos & in lucem editos.

Neque solùm in scriptis suis, sed pro sug- *Ani-* gestu publicè docuerunt, quàm egregium *mas li-* & præclarum hoc opus sit, si quis animam *berare* apparentem & opem postulantem miseri- *egre-* cordia motus, his prædictis operibus ex *giuineis* purgatorii cruciatibus redimat: aut sal- *opus.* tem eos leniat. Animas enim postea ardentè precari pro suis illis benefactoribus & vindicibus. E contra horribile & ingens scelus esse, si quis auxilium petentibus, præsertim parentibus, fratribus & sororibus non succurrat. Nisi enim tot malis possent eripi, non tam obnixè auxilium postulatores esse. Neminem tam *ἀποψύει,* cru-

crudelem & immitem esse debere, ut parvas opes in illorum commodum conferre dedigneretur, à quibus tot ingentia beneficia accepit.

Si non animæ essent mortuorum quæ opem & auxilium implorant, sed Spectra diabolica, non juberent eos orare, jejunare, eleemosynas largiri: diabolos enim hæc omnia odio habere, ut & alia bona opera.

C A P. II.

Quid ex illa Papistarum doctrina de apparitione animarum, sequutum sit.

HIs rebus effectum est, ut vulgò ferè creditum sit, quæ conspecta & audita sunt, animas fuisse mortuorum: & quicquid illæ dicant absque tergiversatione credendum esse. Atque ita vera & simplex doctrina de invocatione Dei per solum Christum, de fiducia in meritum & redemptionem Christi, de veris operibus Christianæ charitatis, magis magisque labefactata atque oppressa fuit. Paulatim relictis & rejectis Scripturis sacris, traditiones & mandata hominum, in magna auctoritate esse ceperunt: imò in majore quàm ipsum Dei verbum. Maximi peccati loco habitum est, si quis mandata hominum violare ausus fuisset illis apparitionibus spirituum, tanquam fundamento purgatorium præcipue nititur: ex illorum sermonibus, Pontifici docuerunt suis aliorumque meritis homines salutem æternam

nam adipisci: id quod ipsos securos atque ignavos reddidit. Nam si quis credat se posse homines pretio conducere, qui hæc vel illa ad liberationem vitæ defuncti facturi sint, vitæ emendationem procrastinat, aut planè intermittit: ideoque idem ei accidit quod quinque fatuis virginibus, de quibus in Evangelio Matt. 25. His apparitionibus, Missæ, simulachra, satisfactiones, peregrinationes, religionis ergò, reliquæ sanctorum, vota monastica, feriæ, auricularis confessio, & alii cultus atque ceremoniæ: breviter omnia quæ ex Scripturis sacris probari non potuerunt, magnam auctoritatem paulatim nacta sunt. Res eò deducta fuit, ut multi pii & simplices homines, genium suum fraudarint, ut haberent quibus ociosos monachos & sacerdotes alerent, & quæ simulacris offerrent. Sacella, altaria, monasteria, perpetuos lychnos, anniversaria, fraternitates & alia fundarunt, ut suos ex tormentis purgatorii redimerent. Hoc enim ut facerent nocturni illi lemures jusserunt: mutanda aliquando illorum hortatu fuerunt testamenta.

His rebus sacerdotes & monachi paræ- *Monachi man-*
 cias, collegia & monasteria annuis rediti- *bus*
 bus valde auxerunt: optima prædia, vi- *gnas*
 neas, agros, prata, vivaria, piscinas, manci- *opes*
 pia, jurisdictiones, magna dominia & jus *collegia-*
 gladii sibi compararunt. Postquam enim *runt.*
 homines firmiter crediderunt animas redire, plerique omnia fecerunt, quæcunque illæ postularunt.

Vt autem planius intelligatur, quanti homines visiones illas, & alia hujus generis, fecerint, novos cultus instituerint, unam & alteram historiam recitabo.

Martinus Polonus archiepiscopus Constantinus, summi Pontificis pœnitentiarius, in suis Chronicis scribit, Clementem IV. Viterbii canonizasse sanctam Eduergiam, quandam ducissam Poloniæ miræ sanctitatis viduam, quæ inter alia memorabilia, quum canonizatio ejus per plures annos differretur, ipsa procuratori in curia Romana super eodem negotio, quum in tristitia esse, per visum apparuerit, ac eum de expeditione negotii & etiam die expeditionis certum fecerit. Canonizatio ab ethnicis, à quibus ortum habet, apothecis dicitur.

*Festum
omnium
sancto-
rum.*

Ioannes Trittenhamius Abbas Spanheimensis vir magna autoritate, scribit in suis Chronicis memoriam omnium animarum fidelium, celebrandam institutam ex eo, quòd quidam monachus Hierosolymis rediens, apud eremitam in Sicilia circa montem Ætnam flammam evomentem, hospitio exceptus sit, & ibi ex eo didicerit multas defunctorum animas torqueri in flammis: sed ex illis liberari per orationem fidelium, quod sibi testimonio spirituum affirmatum asserebat. Hac de re etiam Polydorus Virgil. scribit de inventoribus rerum, libro 6. capite 9. Festum omnium sanctorum, eandem habere originem, invenies apud Petrum de Natalibus libro 10. cap. 1. Vnde colligis ad apparentium spirituum

enim narrationem, festa fuisse instituta. Similis ferè narratio extat apud Damasce- num, qui scribit de Macario, quum secun- dum suam consuetudinem pro defunctis preces funderet, & cuperet scire, nunquid illis prodesse, & consolationem inde perciperent: Deus volens hoc servo suo patefacere, cranio quod exaruerat verbum veritatis inspiravit. prorupit enim cra- nium in hæc verba. Quando pro mortuis oras, consolatiunculam sentimus.

Carthusianorum ordo, qui vulgò san- ctissimus & severissimus habetur, simili ferè de causa (qua de re ipsi monachi hujus familiæ peculiarem librum evulgarunt) initium habuit in Academia Parisiensi (circa annum 1080: ut testatur Polydorus Virgilius,) Celeberrimus quidam Doctor propter eruditionem & vitæ integritatem, è vivis excessit. Is quum sepeliendus esset in quodam templo, horribili voce clama- vit, Iusto Dei judicio accusatus sum phe- retum igitur in templo multis undique confluentibus ad hoc spectaculum per tri- duum reliquerunt. Secunda die clamavit: Iusto Dei judicio judicatus sum: tertia die, Iusto Dei judicio condemnatus sum. Qui- dam, ut Vincentius Bellovacensis, addunt, fortassis de suo, quòd ter in pheretrum sese levarit. Quoniam autem celebrem & in- signem hunc virum, nemo æternum pe- riisse suspicatus fuisset, omnes obstupue- runt.

Bruno itaque magister Theologiæ pa- tria Colonienfis, statim omnia reliquit,

*Origo
Carthu-
siano-
rum.*

*Anima
vel in
calos
vel ad
inferos
colli
guntur.*

& sex piis viris comitatus in locum desertum se contulit, qui Carthusia appellatus fuit, in diœcesi Gratianopolitana, ubi primum monasterium illius ordinis extruxit, qui postea ab hoc loco Chartusianus ordo dictus est. Alia quoque multa cœnobia initiò hanc ob causam, vel ob similes, fundata sunt aut locupletata.

C A P. V.

Testimonia Verbi divini, quòd neque fidelium neque infidelium animæ, postquam sejunctæ fuerint à corporibus, in hac terra oberrent.

QUod autem neque fidelium neque infidelium animæ, postquam à corporibus abscesserunt, in his terris erant, ex sequentibus argumentis potest intelligi. Certum enim est homines vel vera fide præditos, aut fide vacuos esse, quum hinc excedendum est. Qui autem in vera fide hinc excedunt, illorum animæ statim vita æterna potiuntur: qui absque fide hinc migrant, statim æternæ damnationis fiunt consortes.

Animæ non evanescunt, neque inte-
reunt cum corpore, ut Epicurei censent,
neque sunt ubique ut quidam commiscun-
tur. De hoc negotio, firma & multiplicia
testimonia sacrarum literarum audiemus,
ex quibus solis hæc quæstio disceptari po-
test & debet.

Ioan. 3. cap. dicit ipse servator noster
Iesus

Iesus Christus, qui his de rebus arcanis optimè pronuntiare potest: Sic Deus dilexit mundum, ut filium suum unigenitum daret: ut omnis qui credit in eum non pereat, sed habeat vitam æternam. Non enim misit Deus filium suum in mundum, ut condemner mundum: sed ut seruetur mundus per eum. Qui credit in eum non condemnatur. Qui verò non credit, jam condemnatus est: quia non credidit in nomen unigeniti filii Dei. Ioan. 5. c. Amen amen dico vobis, qui sermonem meum audit, & credit ei qui misit me, habet vitam æternam, & in condemnationem, *et exivit* non veniet, sed transiit (nota Dominum propter rei certitudinem præteritis pro futuris uti) à morte in vitam, non dicit expianda demum esse peccata in purgatorio. Capite sexto, Hæc est voluntas eius qui misit me, ut omnis qui videt Filium & credit in eum, habeat vitam æternam, & ego suscitabo eum novissimo die. Item, Amen amen dico vobis, qui credit in me, habet vitam æternam, Ioan. 4. dicit Christus Dominus, quòd nos assumpturus sit ad seipsum, ut ubi ipse est, & nos simus, &c.

Matthæi 16. quum ablegaret suos discipulos ad prædicandum Euangelium, dicebat ad eos: Ite in mundum universum, & prædicare Euangelium omni creaturæ. Qui crediderit, & baptizatus fuerit salvus erit: qui verò non crediderit, condemnabitur.

2. Corint. 5. cap. Scimus quod si terre-

num nostrum domicilium hujus tabernaculi destructum fuerit, ædificationem ex Deo habemus, domicilium non manu factum, æternum in cælis, &c. Ex his locis manifestè concluditur, animas fidelium in cælestia gaudia colligi: infidelium, in æternos cruciatus, postquam à corporibus abscesserint, detrudi.

Anima statim in locum deum de Hæc autem è vestigio fieri intelligitur ex eo, quòd Christus latroni in cruce ad dexteram pendenti, dixit: Hodie mecum eris in paradiso.

putatum colliguntur. In Apocalypsi 14. cap. Et audiui vocem de cælo dicentem mihi: Scribe, Beati mortui qui in Domino moriuntur, ἀπαύρι, amodò (ut vetus versio habet) hoc est, confestim, jamjam, nulla interposita mora. Stephanus jamjam lapidibus obruendus, clamat: Domine Iesu, suscipe spiritum meum. Non enim dubium ei erat, quin confestim anima ipsius deferenda esset in gaudia cælestia.

Neque ex calo, neque ex inferno ante diem novissimum redeunt. Paulus dicit ad Philippenses 1. cap. Cupio dissolvi, vel hinc solvere, & esse cum Christo. Nulla hîc fit mentio Purgatorii in quo animas prius purgari oporteat. Si obiecias illos fuisse viros sanctos & martyres, dicimus etiam latroni resipiscenti paradisum aperiri.

Quòd verò fidelium pariter atque infidelium animæ, neque ex cælis, neque ex inferis, in quos statim ab obitu hominis collectæ sunt, in terras ante diem novissimi judicii reducturæ sint, intelligi potest ex parabola, de Divite purpurato, & Lazaro.

Lucæ

Lucæ cap. 16. Abrahamus enim diviti pos-
tulanti, ut Lazarum ad se mittat ad refri-
gerandam linguam suam : Inter nos &
vos, inquit, hiatus ingens firmatus est, ut
illi qui volunt hinc (ex sinu Abraham) tran-
sire ad vos (ad inferos) non possint, neque
inde huc transcendere. Quumque rogaret
eum, ut Lazarum mitteret in domum pa-
ternam, quo fratres suos quinque admo-
neret, ne & ipsi in locum cruciatus veni-
rent, dixit illi, Habent Mosen & Prophetas,
audiant illos. Item, Si Mosen & Prophetas
non audiunt, ne si quis ex mortuis resurre-
xerit, credent.

CAP. V.

*Testimonia veterum patrum, quod animæ à
corporibus separata, in terris non errent.*

AD hunc modum etiam sancti & ve-
tusti Patres hoc negotium intellexe-
runt.

Nam D. Augustinus in libr. suo de ver-
bis Apostoli, 18. sermone, dicit : Duo sunt *Augu-
stinus.*
habitacula, unum in igne æterno, alterum
in regno æterno.

Lib. 1. de Peccatorum meritis & remis-
sione, contra Pelagianos cap. 28. tomo 7.
Nec est ulli ullus medius locus ut possit
esse nisi cum diabolo, qui non est cum
Christo.

In præclaro illo suo opere de Civit. Dei,
lib. 3. c. 8. dicit : In requie sunt animæ
piorum à corpore separata, impiorum au-
tem pœnas luunt, donec istarum ad vitam

æternam, illarum verò ad æternam mortem, quæ secunda dicitur, corpora reviviscant.

Iustinus Iustinus verustus Pater scribit in responsione ad Orthodoxos, quæst. 75. Animæ post exitum ex corpore, statim fit iustorum & iniustorum discrimen: ducuntur enim ab angelis in loca se digna: videlicet iustorum animæ in paradysum, ubi conspectio est angelorum & archangelorum adde & conspectum servatoris Christi, ut est in illo, Peregrinantes à corpore, & versantes apud Dominum. Iniustorum autem animæ ducuntur in inferni loca quemadmodum de Nabuc. Babylonis rege dictum est, Infernus infra exacerbatus est, occurrens tibi, &c. atque ita custodiuntur in locis se dignis usque ad diem resurrectionis & remunerationis.

Hilarius.

D Hilarius ad . . Psal. in fine scribit. Animas hominum statim præmiorum vel pœnarum participes esse.

Quò ad animas veterum ante nativitatem Christi, sancti Patres, Augustinus, Hieronymus, Nazianzenus: & quidam alii, docent Deum omnes illas quæ in vera fide venturi Messie ex hac vita decesserunt, certis in locis, quæ ipse delegit, absque dolore conservasse, orbatos tamen fuisse conspectu Dei. Hunc locum vocant Sinum Abrahamæ & Inferos. (Inferi enim non semper significant locum tormentorum, sed etiam statum animarum post hanc vitam ingenere,) Illos invisisse Dominum nostrum Iesum Christum, & liberaasse: quumque

que ascendit in cælos secum duxisse. Quamquam quidam ex Patribus, ut Ire- 1. *Petr.*
 næus, Tertullianus, Hilarius &c. opinan- 3. 4.
 tur novissimo demum die ascensuras in
 cælos. Nostro quoque tempore non de- *Dormi-*
 sunt, qui asserant animas dormire usque *tantii.*
 ad diem novissimi judicii, quo corporibus *Calvi-*
 suis iterum conjungendæ sint: sed hæc *nus.*
 opinio caret fundamento sacrarum lite-
 rarum, qua de re cùm alii, tum magnus ille
 Dei servus, Ioannes Calvinus, elegantissi-
 mum librum edidit, in quo argumento
 contrariam sententiam defendentium pul-
 chrè confutat.

Quoniam igitur sacræ Scripturæ tra-
 dunt, sicut Patres etiam eas intelligunt &
 exponunt, animas hominum, quamprimum à corporibus discedunt, vel in cælos
 ascendere, si pii fuerint, vel ad inferos de-
 scendere, si indeles, quodque tertius locus
 nudus sit, in quo animæ tanquam ex car-
 cere liberari queant, quodque animæ ne-
 que ex inferis revocari possint, certè non
 possunt in terris vagari, & opem hominum
 petere. Animæ enim beatæ non indigent
 ope & auxilio aliorum: damnatis verò
 subveniri non potest, id quod etiam D.
 Cyprianus martyr, in sua contra Deme-
 trium oratione apertè testatur: Quando
 istinc, dicens, excessum fuerit, nullus jam
 locus poenitentiae est, nullus satisfactionis
 effectus. Hic vita aut amittitur, aut tene-
 tur, &c.

Et si verò adducta testimonia de hoc ca-
 pite doctrinæ, studiosis & amantibus veri-

Ani-
mas non
ambu-
lare. tatis sufficient, tamen ut cumulus accedat,
alia quoque testimonia ex Patribus profe-
ram, qui manifestè ostendunt aliquot in
locis, animas non redire aut vagari: ut
omnibus qui veritati aures nondum ob-
struxerunt, manifestum fiat, melioribus
illis temporibus longè aliam de his spiriti-
bus, quàm posteris temporibus sub Papatu
doctrinam fuisse propositam.

Tertull. Tertullianus vetustissimus scriptor, in
fine libri sui de anima, scribit, animas sepa-
ratas à suis corporibus, in terris non com-
morari: & postquam ad inferos descen-
derint, neque sua sponte neque aliorum
imperio ac jussu vagari. Dicit spiritus ma-
los hoc dolo uti, ut se animas mortuorum
singant, &c.

Quòd inferi nulli animæ pateant, (nem-
pe ut exire possint) satis Dominum in ar-
gumento illo Pauperis requiescentis, &
Divitis ingemiscantis, ex persona Abrahæ
sanxisse, non posse relegari renunciatorem
dispositionis inferni, &c. Et quanquam
aliquot ejus errores notati sint à veteribus,
nemo tamen unquam hanc ejus senten-
tiam reprehendit.

Atha-
nas. D. Athanasius in lib. de Quæstionibus,
13. quæst. respondens quare Deus non per-
miserit animam alicujus eorum qui è vivis
decesserunt ad nos redire, & enarrare qua-
lisnam rerum apud inferos status, & qualis
ibi sit necessitas, Multi, dicit, apud nos inde
errores orientur. Multi enim dæmones
formas humanas inducere & in hominum
demortuorum figuras transformari po-
tuerunt,

tuisſent, ac dicere à mortuis ſeſe reſurre-
xiſſe, atque inde multas res ementitas, &
falſa dogmata de iis quæ ibi fiunt, ſpargere,
idque ad ſeducendum nos & perdendum.
Expende hæc verba, quæſo.

D. Chryſoſtomus eadem ferè ſcribit, *Chry-
ſoſt.*
homil. 19. in 8. caput Euangelii ſecundum
Matthæum: Mover illam quæſtionem,
curnam dæmoniaci in ſepulchris verſati
ſint nempe, ut confirmarent opinionem
illam falſam, animas illorum qui violenta
morte deceſſerunt, in dæmones verti &
ſervire maleficis atque aruſpicibus. Quam
ſententiam diabolus invexit, ut dejiceret
gloriam martyrum, utque malefici inter-
ficerent homines quorum opera vel mala
uterentur. Hæc aliena eſſe dicit à vero.
Spiritus enim ſanctorum non eſſe ſub pote-
ſtate diaboli, neque vagari probat Scriptu-
ris. Deinde ſi liceret eis oberrare quò vel-
lent, redirent ad ſua corpora. Ad hæc, ſi
obſequerentur ſuis interfectores, illi pro
maleficio mercedem acciperent. Phyſicis
quoque rationibus fieri non poteſt ut cor-
pus hominis vertatur in aliud corpus ho-
minis vertatur in aliud corpus: igitur nec
ſpiritus hominis in diabolum.

Inter alia, quod propriè ad noſtrum in-
ſtitutum pertinet, inquit: Sic clamor au-
diatur, Anima talis ego ſum: hanc ora-
tionem à fraude atque deceptione diabo-
lica eſſe, non enim animam deſuncti eſſe,
quæ iſta dicit, ſed dæmonem, qui hæc ut
audientes decipiat, confingit. Mox vetu-
lerum hæc verba, ignò deſipientium ducen-
da

da sunt, & puerorum ludibria. Nec enim potest anima separata à corpore in his regionibus ambulare. Iustorum enim animæ in manu Dei sunt. Peccatorum verò post hunc exitum continuò abducuntur, quod è Lazaro & Divite planum efficitur: sed alibi quoque Dominus dicit: Hodie animam tuam abs te repetent. Non igitur potest anima quum à corpore abscesserit, apud nos hic errare.

Subjungit, multis è Scripturæ locis comprobari posse, non errare hic post mortem iustorum hominum animas. Nam Stephanum dixisse, Suscipe spiritum meum: & Paulum resolvi vel hinc solvere, & esse cum Christo desiderasse.

De patriarchis quoque Scripturam dicere, Appositus est ad patres suos, adultus in senectute bona. Quòd verò nec peccatorum animæ hic commorari possint, divitem audiendum quid dicat, perpendendumque quid petat & non impetret. Quòd si possent animæ hominum hic conversari, venisset ipse ut cupiebat, & suos de tormentis inferni fecisset certiores. Quo ex loco Scripturæ etiam illud evidenter patet, quòd post exitum è corpore animæ in locum quendam certum deducantur, unde redire sua sponte non possint, sed terribilem illum iudicii diem ibi expectent.

In concione secunda de Lazaro, inter alia dicit: non solum ex his quæ dicta sunt, verum etiam ex proposita parabola liquet, quòd animæ corpus egressæ, non amplius hic commorantur, sed protinus ab-

abducuntur. Accidit enim, inquit, ut moreretur, ac deduceretur ab angelis. Non solum autem animæ justorum, sed & illorum qui malè vixerunt, illuc deducuntur, atque id rursus ex alio divite perspicuum est: illo nempe de quo Lucæ 12. cui Dominus dixit: Stulte, hac nocte repetent animam tuam abste.

Concione quarta de Lazaro, apertè docet, plus credendum sacræ Scripturæ, quàm si quis ex mortuis rediret, vel angelus è caelo. Simul indicat mortuos non tantum non apparere viventibus, sed causas reddit, ob quas non redeant, dicens: Si novisset hoc Deus, quòd mortui excitati viventibus essent profuturi, ne quaquam omisisset, neque tantum lucrum præterisisset, qui cuncta nobis utilia procurat.

Ad hæc, si assiduè erant excitandi mortui, nobisque quæ illic geruntur renunciaturi, & hoc ipsum progressu temporis fuisset contemptum: propterea perversa etiam dogmata diabolus invexisset, idque admodum facile. potuisset enim frequenter ostendere simulachra, aut subornare qui simularent mortem ac sepulturam, mox rursus sese ostenderent, quasi è mortuis excitatos, ac per illos quæcunque vellet persuadere delusis. Etenim si nunc quum tale *Vide* nihil sit, insomnia frequenter dormienti- *quid* bus visa, veluti eorum qui hinc decesserunt, multos deceperunt, perdiderunt, sub- *Chry-* verteruntque, multò magis id accidisset, *sost.* si hoc factum fuisset, atque in mentibus *atque* hominum obtinuisset, videlicet si multi *accid-* *derit.* de-

defunctorum rediissent in vitam, innumera-
rabiles sceleratus iste dæmon dolos te-
xisset, multamque fraudem in vitam ho-
minum induxisset. Eoque Deus occlusit
fores, nec permittit aliquem defunctorum
huc reversum narrare quid illic fiat ne ille
accepta occasione, technas suas omnes in-
vehat. Nam quum essent Prophetæ, pseudo-
prophetas excitabat : quum essent Apo-
stoli, pseudo-apostolos : quum Christus
appareret : pseudo-christos : quum dog-
mata sana inducta fuissent, corrupta indu-
cebat, ubique disseminans zizania. Ita-
que etiamsi illud evenisset, hoc quoque
conatus fuisset fingere per sua organa, non
verè excitatis mortuis, sed maleficiis qui-
busdam ac fraudibus contuentium oculis
deceptis, aut quosdam etiam subornans,
quemadmodum dicere cœperam, qui mor-
tem simularent, sursum deorsum miscuis-
set confudissetque omnia : sed Deus, quem
nihil latet, præcluserit illi viam ad has infi-
dias : nobisque parcens non permisit ut
quisquam unquam illinc huc reversus, de
iis quæ ibi sunt narraret viventibus ho-
minibus : docens nos, ut Scripturis po-
tius credendum existimemus, quàm cæte-
ris omnibus, propterea quòd Deus resurre-
ctionis negotium multò dilucidius nobis
commonstravit. Orbem universum con-
vertit, errorem abegit, veritatem induxit,
per homines piscatores ac viles hæc omnia
peregit : denique abundè magna suæ pro-
videntiæ documenta nobis ubique præ-
buit, &c.

*Atten-
de hac.*

D. Cyrillus scribit lib. 11. c. 36. ad *Cyrium*.
 Euangelium Ioan. Credere debemus, quum
 à corporibus sanctorum animæ abjerint,
 tanquàm in manus charissimi patris, boni-
 tati divinæ commendari: nec, ut quidam
 infidelium crediderunt, in terris conver-
 sari quousque sepulturæ horroribus affectæ
 sint: nec ut peccatorum animæ, ad im-
 mensi cruciatus locum, id est inferos, de-
 ferri, itinere hoc nobis à Christo primùm
 præparato, sed in manus potius patris eve-
 lare, &c.

In iure Pontificio 13. q. 2. Fatendum *Glossa*
 legimus, quòd multi credant aliquos ex *iuri*
 mortuis ad vivos venire: sicut è contra- *Pontifi-*
 rio Paulum est vivis in paradysum raptum *cii.*
 esse divina Scriptura testatur. Ad hæc ver-
 ba Glossa dicit: Credunt & malè, quia
 sunt phantasmata, ut 26. q. 5. Episco-
 pi.

Quid illis qui his cognitis nihilominus
 sentiunt animas errare in his terris, præ-
 terea proferri debeat, non video: tamen
 ut omnia magis in aperto sint, præcipua
 argumenta ipsorum breviter refellam.

C A P. VI.

Argumenta illorum diluuntur qui animas mortuorum apparere dicunt. Primum respondetur ad id quod quidam dicunt, Deum omnipotentem esse, ideoque contra usitatum ordinem posse agere.

*Argumenta
illorum
qui di-
cunt
animas
redire.*

P Rincipio obijciunt nobis nostri adversarii, lege quidem communi. animas piorum in cælis, impiorum in inferno manere usque ad novissimum diem, & non vagari: Deum autem dispensare posse, ut aliquando appareant, ut edoceant & commonefaciant homines. Sic Samuelem post obitum suum apparuisse Sauli regi: Moysen qui ante aliquot secula è vita excesserat, item Heliam qui igneo curru raptus erat, Christo servatori nostro, ejusque tribus discipulis ad hoc delectis in monte Tabor: Lazarum quoque Bethaniensem è quiete sua rediisse in terras: multos etiam alios à Christo, ejus Apostolis & Prophetis ex mortuis suscitatos esse.

Adducunt etiam hoc, quòd Apostoli Christi crediderunt sibi apparere spiritum vel animam sive Christi, ut quidam etiam ex Patribus volunt, sive alterius cujuspiam.

Ad hæc proferunt veterum Patrum loca hac de re, decreta conciliorum & vulgarem famam de illis qui ex mortuis redierint. Ad has rationes omnes Deo auspice, ordine & breviter respondebo.

Quod

Quod primo loco objicitur, Deo omnia *Ani-*
esse possibile, hoc nequaquam diffitemur. *mas con-*
Posset quidem Deus animas è cælo vel in- *tra cõ-*
ferno deducere, earumque opera uti ad *munem*
docendos, consolandos, admonendos, ob- *legem,*
jurgandos homines: sed quia nullus locus, *Dei*
nullum exemplum in Scripturis sacris ex- *omni-*
tat, quòd aliquæ animæ redierunt à mor- *potentia*
tuis, quæ alios ita docuerint vel admonue- *revocari*
rint: vel quòd fideles ex mortuorum ani- *ut ho-*
mabus aliquid didicerint aut inquisierint, *mines*
hoc argumentum non possumus eis con- *doceant,*
cedere. Ex omnipotentia Dei non quid- *&c,*
vis est concludendum. In scholis dicunt
à posse ad esse non valere consequutionem.
Deus enim non agit contra verbum suum
& seipsum. Probandum erat eum velle ut
animæ in has terras redirent. Ita sancti
patres etiam de omnipotentia loquun-
tur.

Tertullianus dicit contra Praxeam: *De om-*
Planè nihil Deo difficile sensi: quidvis de *nipoten-*
Deo confingere poterimus quasi fecerit, *ria Dei*
quia facere potuerit. Non autem quia *quomo-*
omnia potest facere ideo credendum est *do lo-*
illum fecisse, sed an fecerit inquirendum, *quen-*
&c. *dum.*

D. Ambrosius scribit ad Chromatium,
epistolarum lib. 6. epist. 37. Quid ergo ei
impossibile? non quod virtuti arduum,
sed quod naturæ ejus contrarium. Impos-
sibile, inquit, est ei mentiri. Impossibile
illud non infirmitatis est, sed virtutis &
majestatis: quia veritas non recipit men-
dacium, nec Dei virtus levitatis errorem. le-
ge quæ sequuntur.

D. Hic-

D. Hieronymus ad Eustochium de custodia virginitatis, inquit. Audenter loquar: cum omnia possit Deus, suscitare non potest virginem post ruinam.

Augustinus de civitate Dei, libr. 5. c. 10. Deus dicitur omnipotens faciendo quod vult, non, faciendo quod non vult. Item, Potestas Dei non minuitur, cum dicitur mori fallique non posse. Mox, Propterea quidam non potest, quia omnipotens est, &c. Theodoretus quoque dicit: non indefinite enuntiandum esse, Deo omnia esse possibilia. Nam qui hoc absolutè dixit, omnia & quæ bona sunt, & quæ contraria, simul dixit, &c. Infirmum igitur est quod dicunt, Deus potest animas mittere hominibus, ut eos admoneant & doceant: igitur spiritus opem petentes, sunt animæ quæ redierunt ex cælo vel inferno. Interim non negamus (ut quidam impudenter nos calumniantur) Dei potentiam, quam nolumus errorum esse latibulum.

*Non
discen-
dum ex
mortuis
Deus.
18.*

Audi quid Dominus Deus noster dicat Deut. 18. cap. Quum tu veneris in terram quam Dominus Deus dat tibi, ne assuescas facere juxta abominandos ritus gentium istarum. Non inveniatur in te qui traducat filium suum aut filiam suam per ignem, nec divinus qui divinando futura prædicat, nec mathematicus, nec veneficus, nec maleficus, nec incantator, nec consulens Pythonem, nec magus, nec à mortuis suscitans. Abominatur enim Dominus quicumque ista facit, & ob istas abominationes excindit eos Dominus Deus ante te. Sis igitur

igitur integer cum Domino Deo tuo. Mox promittit Prophetam magnum quem audire debeant, &c.

Isaïæ 8. cap. Si dixerint vobis, Sciscitami à Pythonicis divinis, qui mussitant & disserant. An non quæque gens suos deos consulit? Num pro vivis apud mortuos? ad legem & testimonium accedant, quibus lux deest, an non secundum istum sermonem dicant: quam qui neglexerint, indurabitur & esuriet, &c.

Hinc intelligimus Deum expressè veruisse, magna pœna constituta, ne quid à mortuis expiscemur & discamus. Ipse vult sufficiens noster esse doctor. In Evangelio legitur: Mosem habent & Prophetas, illos audiant. His nunc accedunt Apostolica scripta. Deus non mittit animas quæ nos doceant. Usitata & ordinaria via qua Deus nobiscum agere vult, est Verbum suum: hoc contenti esse debemus, non novas revelationes expectare, aut aliquid recipere quod huic non per omnia congruit. Cæterum hæc de re infra plura sequentur suo loco.

C A P. VII.

Verum Samuelem Pythonissa in Endor non apparuisse.

*Samuelem
dicunt
rediisse.*

QUod exempla attinet, quæ ab illis proferuntur, qui sentiunt animas mortuorum redire in terras ad viventes, primo loco dicam de apparitione Samuelis, de qua multa hodie quoque disputantur. Firmis autem argumentis, ut spero, probabo, verum Samuelem anima & corpore non rediisse, neque corpus ipsius, quod fortassis in terra jam consumptum erat, neque animam, sed Spectrum diabolicum à Pythonissa fuisse evocatum.

Primum author libri Samuelis dicit, Saulem consuluisse Dominum, hunc verò non respondisse ei, neque per somnia, neque per Vrim, neque per Prophetas. Quòd si illi quem rejecerat, per prophetas in vivis agentes, vel alias ordinarias & usitatas vias respondere dedignatus est, non difficile est cogitare, eum multò minus prophetam vita defunctum, voluisse revocare, ut ipsi responderet: præsertim cum Lex Dei Deut. 18. minaciter prohibuerit, ut paulò antè diximus, ne discamus à mortuis, aut ab illis veritatem inquiramus. Neque vult ut quisquam Necromantiz, & aliis id genus diabolicis artibus det operam.

Secundò, Si verus Samuel rediit, aut voluntate Dei, aut operatione & effectu artis magicæ factum sit, necesse est. Deus verò non

non voluit ut rediret: nam non vult ut mortui consulantur, necromantiam verbo suo damnat: contraria Spiritum Dei egisse, aut ut sancti facerent permisisse, aut illis affuisse, qui contra id egerunt, concedi non debet. Non autem dicere possumus quòd vi & efficacia magicæ artis hæc facta sint. Malus enim spiritus nullum imperium aut potestatem habet in animas fidelium, quæ in manu Dei sunt, & sinu Abrahamæ, ut eas possit educere quando ipse vult. Non habet imperium vel in immundum & foetentem porcum. Nam cum irruere vellet in porcos, ut Mat. 8. cap. legitur, oportuit eum ante hanc potestatem accipere à Christo: cur igitur imperium haberet in animam pii alicujus hominis? Negari quidem non potest, quin Deus interdum multa diabolo ejusque servis, magis & necromanticis, certas ob causas permittat, ut quòd homines & pecora lædere & delumbare possunt, atque res mirandas efficere. Quòd vero Deus satanæ permittat, ut corpora suscitare, aut animas in terras (præsertim è cælis) ciere, educere vel abigere possit, caret exemplo Scripturæ. Neque potest idonea aliqua causa afferri ob quam Deus contra usitatam & ordinariam viâ, imò contra expressa mandata sua, hæc diabolo voluerit aut debuerit concedere. Nam quòd quidam dicunt, ut Saulem terreret, nimis leviculum & frivolum videtur: nonne aliis viis & rationibus eum terrere potuit? nonne jam antè planè consternatus erat & attonitus?

Ter-

Tertiò, aut volente aut nolente Samuele reductus esset. Quòd ultro & sponte pythoniæ morem gesserit, nemo puro dicet: nam pugnat cum lege Dei, magiam suo exemplo stabilire. Si Samuel cum adhuc in vivis ageret à venefica fuisset vocatus, eam nequaquam accessisset: cur igitur crederemus eum post obitum suum ad eam venisse? Non possumus dicere quòd eum adegerit, ut invitus accederet. Diabolus enim nullum habet jus in animas piorum. Magia verò ex se nullas habet vires.

*Verba
per se
nullam
habent
vim.*

*Iupiter
Elicius.*

Verba à Magis aut aliis peculiari modo recitata, vel characteres, vim arcanam habere, est ethnica superstitio. Gentiles enim crediderunt quòd conceptis verbis Iovem è cælo deducere, aut elicere possint, unde & Elicium nominarunt. Multi superstitiosi homines hodie quoque certis benedictionis formulis & adjurationibus morbos curare nituntur. Aliqui collo appendunt schedas quibus mirificæ voces inscriptæ sunt. An verò verba per se vim aliquam habeant, lege Plinium libro 28. cap. 2. Lud. Cælium lectionum antiquarum lib. 16. cap. 16.

Quartò, si verus Samuel apparuisset, noluiisset à Saule adorari. Nam in Apocalypsi 19. & 22. cap. legitur quòd Ioannes angelum adorare voluerit, qui tanta mysteria ei patefecerat, sed angelus noluit hoc ei concedere. Quidam respondent, Saulem noluisse, Prophetam honore Deo debito afficere, sed externo tantum atque civili, ut honestis & bene de Republica vel Eccle-

si meritis viris solemus. Hebraicam enim vocem Schachah idem significare quod genu flectere, procidere ad pedes alicujus. De Abigaele & de Nathane Propheta legitur quod hoc honoris genere Davidem regem affecerint Paulus quoque docet ad Rom. 12. cap. ut unus alium honore afficiat. Thomas Aquin. scribit de locis illis in Apocalypsi, Ioannem voluisse dulia non latria angelum adorare, hoc est, noluisse Deo debitum honorem illi deferre, sed civilem & externum duntaxat, eò quod angelus esset à Deo missus: angelus tamen hoc ei noluit permittere. In Novo Test. legimus Act. 10. Cornelium obviam ivisse Petro procidisse ante pedes ejus, eumque adorasse, nimirum ut Dei Legatum, non ut Deum: Petrus autem erexit eum dicens, Et ego homo sum. Non dixit, Rectè facis: non ut ejus, si diis placet, vicarius, pedem ei osculandum præbuit. De discipulis Helizæ legis, quod Helizæum successorem ejus adorarint (ubi etiam verbum illud ponitur quod significat genu flectere, procidere) an verò Propheta hunc honorem receperit vel probavit, nec ne, non est expressum. Breviter non est probabile Prophetam passurum fuisse, ut rex ad pedes ipsius se projecisset, &c.

Quintò, si verus fuisset Samuel, proculdubio ad pœnitentiam eum fuisset adhortatus, jussisset eum præstolari divinum auxilium, ipsi confidere, aut aliquam saltem attulisset consolationem, consiliumque ei dedisset, ut contra hostes populi Dei
ant-

animosius pugnaret. Et si enim Prophetæ homines objurgent, tamen eos iterum consolantur & erigunt. Quia verò hic Samuel odium Dei illi instillat, dicens, Deum illi infestum esse, eumque deseruisse, non credendum est verum, sed personatum Samuelem fuisse.

Patrum testimonia. Sextò, veteres quoque Patres scribunt verum Samuelem non conspectum esse.

Tertull. Tertullianus in libro suo De anima dicit, diabolum animam Samuelis effinxisse, Absit, inquit, ut anlmam cujuslibet sancti, nedum Prophetæ à dæmonio credamus extractam, edocti quòd ipse Satanas transfiguretur in angelum lucis, nedum in hominem lucis, etiam Deum se adseveraturus, signaque portentosiora editurus, ad evertendos, si fieri possit, electos, &c.

Aug. D. Augustinus non similiter scribit de hac apparitione. In secundo libro ad Simplicianum Episcopum Mediolan. quæstio. 3. concedit potuisse fieri, ut spiritus sancti Prophetæ, ex aliqua dispensatione divinæ voluntatis, non invitus nec dominante aut subjugante magica potentia, sed volens & obtemperans occultæ dispensationi Dei, consenserit se ostendi aspectui Regis, ex suis sedibus redierit, & loquutus sit: non tamen dissimulat expeditiorem esse solutionem, ut dicamus, spiritum Samuelis non verè excitatum è requie sua, sed aliquod phantasma & imaginariam illusionem diaboli machinationibus factam, quam propterea Scriptura nomine Samuelis appellet, quia soieat imagines rerum earum nominibus

nibus appellare, quarum imagines sunt. Quis enim est, inquit, qui hominem pictum dubitet vocare hominem, quando quidem & singulorum quorumque pictura cum aspiciamus, propria quæque nomina incunctanter adhibemus, velut cum intuentes tabulam aut parietem dicimus, Ille Cicero est, ille Sallustius, ille Achilles, ille Hector, hoc flumen Simois, illa Roma, cum aliud nihil sint, quàm pictæ imagines. Hæc cum ita sint, dicit, non mirum esse, quòd scriptura dicat Samuelem visum, etiam si forte imago Samuelis visa apparuerit, machinamento ejus qui transfigurat se in angelum lucis, & ministros suos velut ministros justitiæ, &c.

In libro suo De octo Dulcitii quæstionibus, quæstione sexta, hæc omnia totidem verbis repetit. In libro suo De cura pro mortuis gerenda scribit, mitti ad vivos aliquos ex mortuis, sicut è contrario Paulus ex vivis in paradisum raptus sit. Subjicit exemplum Samuelis defuncti, qui Sauli prædixerit futura. Addit quòd hic locus aliter intelligi possit, & quòd aliqui fideles senserint, non Samuelem fuisse, sed aliquem spiritum tam malis operibus congruentem qui illius similitudinem figuraret. Aliis in locis, ut postea videbimus, asserit esse tropum in his verbis: imaginem enim tribui nomen illius quem repræsentat: non fuisse Samuelem, sed Spectrum diabolicum, &c.

Alii Patres ecclesiastici, nihil, quod ego sciam, in specie scribunt de hac historia,

sed in genere docent aliquot in locis, bonos spiritus magicis artibus in terram non revocari : De Iustino & Gregorio mox dicam.

Decretum Pontificis.

In ipsis Pontificiis decretis 26. quæst. 5. c. Nec mirum, scribitur non Samuelem sed cacodæmonem fuisse. Indignum omnino facinus esse, si secundum verba historiarum commodetur assensus : quomodo enim, dicit, poterat fieri ut arte magica attraheretur vir à nativitate sanctus & operibus vitæ justus? ac si non attractus est, consensit : quod utrumque de justo credere adversum est. Præstigium hoc Satanæ est, quo ut plurimos fallat, etiam bonos habere se in potestate confingit. Addit Historicus mentem Saulis & statum Samuelis describit, & ea quæ dicta & visa sint exprimens, prætermittens si vera aut falsa sint, &c. si quis vult legat reliqua ibidem.

Lyranus.

Quod autem Nicolaus de Lyra, qui sententiam contrariam defendit in commentario suo in libros Regum, annotat non esse sententiam Ecclesiæ, et si juri Pontificio inserta sit, alioqui illos qui postea sequuti sunt, non aliter scripturos fuisse : id non magni momenti esse apud nos debet. Multa enim de quibus alii postea aliter scripserunt, nihilominus tanquam sententia totius Christianæ ecclesiæ obtrusa fuerunt, quia relata fuerunt in Decreti librum.

CAP. VIII.

Argumenta illorum qui verum Samuelem apparuisse volunt, diluuntur.

IAm deinceps illorum quoque argumenta refellemus, qui sentiunt verum Samuelem apparuisse Pythonissæ. Nam qui adversariorum argumenta rectè confutat, una eademque opera suam causam confirmare creditur.

Præcipuum argumentum quo utuntur qui nostram sententiam oppugnant, desumitur ex 46. cap. Ecclesiastici, ubi hæc verba invenies, Samuel ante obitum suum coram Deo & Vncto ipsius testatus est, se nec pecunias ab ullo mortalium, nec ad calceamenta usque quicquam accepisse: neque verò quisquam est eum criminatus. Etiam post obitum suum vaticinatus est, & regi interitum ipsius indicavit. Vocem suam è terra sustulit, scelera populi delenda vaticinans.

Hoc testimonium D. Augustino aliisque sanctis Patribus nonnihil negotii fecit. Etenim si diabolus, non Samuel, apparuit, quomodo dicitur eum obdormivisse, hoc est, mortuum esse? Diabolus enim neque dormit, neque moritur. Hoc loco possem respondere hunc librum inter canonicos libros veteris Testamenti non numerari, neque controversa dogmata illius auctoritate comprobanda esse (id quod etiam D. Augustinus in libro de cura pro mortuis agenda confitetur) sed quomodocunque

hæc habeant, simpliciter dico, Siracidem tantum voluisse historiam adducere secundum literam, non voluisse disputare, verene Samuel fuerit, nec ne. Loquitur secundum opinionem Saulis & Pythoniæ, qui putarunt ipsum Samuelem fuscitatum esse.

Deinde dicunt illum qui Sauli apparuit, aliquoties disertè & expressè Samuelem appellari. Indignum autem hoc esset, faceretque ad contumeliam tanti prophetæ, si nomen ipsius diabolo tribueretur. Si Samuel non fuisset, inquiunt, sed malus spiritus, Scriptura vel uno verbo indicasset.

Metonymia.

Ad hoc argumentum primum respondeo: Vñtatum esse etiam in quotidiano nostro sermone ut per metonymiam imaginem appellemus nomine illius quem repræsentat. Ita arma vel insignia, Domini nomine cujus illa sunt nominamus. Dicis, Hic est Iulius Cæsar, Nero, vel Divus Petrus, Divus Paulus: vel, Hic vides Tigurum, Argentoratum, ducem Zaringæ, cum tantum sint imagines ipsorum vel arma atque insignia. In comœdia vel Tragœdia, hunc Saulem, illum Samuelem, tertium Davidem nominas, qui personam illorum gerunt vel repræsentant. Virgilius lib. 1. *Æneidos*, dicit:

Mirantur dona *Æneæ*, mirantur Iulum,
Non erat Iulus vel *Ascanius*, sed *Cupido*,
qui simulabat se Iulum esse, vel qui formam ejus præ se ferebat, incessum, vultum, gestum, vocem, ut imprudenti & incauta Regina

Reginæ venenum amoris facilius afflaret. D. Augustinus lib. 2. de Mirabilibus scripturæ, cap. 9 dicit, divinam Scripturam verarum rerum nomina aliquando tribuere rerum similitudinibus. Adducit hoc ipsum exemplum, spiritum immundum vocari Samuelem, eo quod se illum esse mentiebatur. Id non est fraudi Samueli, nec redundat in ejus dedecus: quis enim dicat honesto viro turpe esse, si aliquis nebulo se nomine ejus vocet, & simulet se illum ipsum esse? Diabolus ipse se Deum esse mentitur. Pseudo prophetæ dixerunt se veros vates esse & Dei servos, quin Filium Dei Messiam, &c. Quod verò Scriptura ne verbulo quidem dicit, Samuelem verum non fuisse, sed Spectrum, hoc ideo fieri existimandum est, quod omnes ex Lege scire debuerunt, Magiam & inquisitionem mortuorum Deo displicere. Ipse Saul, hortatore nimirum atque impulsore Samuele, antea Magos quotquot invenire potuit, è medio sustulit. Deus non solet tropicas loquutiones ad hunc modum explanare: pleræque enim ab attentis facile intelliguntur. Supervacaneum esset si quis diceret, hic est Petrus, hoc est imago Petri, quam nomine Petri vulgò appellamus per tropum.

Deinde, Sacræ literæ secundum opinionem & judicium hominum de rebus magis loquuntur, quam secundum rei existentiam sic Iesus vocatur filius Iosephi, ille ejus pater, cum Servator noster ex casta virgine absque virili opera natus sit multi

ramen ex Iudæis opinabantur eum Iosephi filium esse. in 1. ad Corin. 1. cap. Evangelium nominatur stultitia, eò quòd homines summam sapientiam stultitiæ loco haberent. Scriptura deos appellat qui nihil minus erant, 1. Cor. 10. cap. ideo quòd Gentiles crederent deos esse, & ut deos ipsos venerabantur. Ita Scriptura diabolum Samuelem vocat, ideo quòd Saul illum Samuelem esse putaret.

Adhæc ajunt eum res futuras Sauli prædixisse, exercitum prælio vincendum à Palæstinis, & ipsum unà cum filiis suis interficiendum. Hæc omnia verè facta esse. Futura autem quæ solius Dei manu posita sunt, diabolum nec scire nec prædicere posse: sed ut Christus Ioan. 8. dicit, mendacem esse, patremque mendacii. Ad hæc respondere non est difficile. Diabolus norat quomodo res essent constitutæ apud Iudæos & Palæstinos: norat utriusque partis arcana consilia, & bellicum apparatus. Cernebat Israelitas parum instructos & prorsus consternatos esse. Præterea Samuelem jam antè Sauli Dei iram & pœnam comminatum esse: Davidemque in ejus locum à Deo substitutum: unde facile erat colligere, quid futurum esset, quodque Saulem Davidi loco cedere oporteret. Quòd si res aliter cecidisset, sciebat Saulem hujuscemodi vaticinio planè consternandum & ad desperationem redigendum: qua re Satanæ qui dies noctesque hominibus insidiatur, nihil optatius accidere poterat.

Diabolus res futuras non exactè novit : ideo consulentibus oracula , ambiguè respondit : ut cum dixit , Cræsus perdet Halin transgressus plurima regna. Sæpe tamen unum ex alio colligit. Hac de re scribit Augustinus de anima 26. 27. & . 8. cap. Diabolus magnum habet rerum usum , quæ res multum habet momenti in quovis negotio. Senes & exercitati , statim videant quem eventum res habituræ sint : juvenes & non exercitati , non statim id vident. Adhæc Diaboli celeres sunt & expediti. Nauta novit quando venti & tempestates orituri sint : agricolæ quoque habent sua prognostica tempestatum : peritus Astronomus ante annos plurimos eclipses solis & lunæ ad unguem potest prædicere : medicus habet dies suos criticos , pulsus , urinam , ex quibus judicare potest , victurus ne sit ægrotus , necne : architecti vident quando ruitura sit domus : miles exercitatus statim videt , penes quem futura sit victoria. Quid inlrum igitur diabolus mirè artificem , aliquid interdum prædicere ? putabimusne tot annorum usum & experientiam nihil diabolis attulisse ? Alias quoque vera interdum dicit , sed non aliam in finem , quam ut mendaciis suis pondus addat , & incautos in errores abducat.

Simulat etiam fictitius ille Samuel , se indignè ferre , quòd Saul eum perturbet , eique negotium facessat , quodque sibi cum ipso loquendum sit . verbis etiam Samuelis artificiosè utitur. Hinc multi colligunt,

gunt, verum fuisse Samuelem. Sed quid Satan non facit ut homines seducat & in desperationem adigat? Exempla proferri illorum possent, quibus persuasum fuit se hunc vel illum vidisse, audivisse, ex sermone cognovisse, quam postea res ipsa ostenderit eos tum temporis peregrè fuisse, & ab illis multis milliaribus disjunctos. Diabolus multa hujusmodi novit facere.

Quædam etiam loca ex vetustis Patribus adducuntur, quæ illis suffragentur, qui existimant verum Samuelem apparuisse, ad quæ magna ex parte jam antè respondimus. Etsi enim Augustinus aliquot locis in dubium vocat, an verus Samuel fuerit, tamen aliis in locis illorum sententiam probat, qui negant Samuelem fuisse, sed tropicam loquutionem esse affirmant.

Iustinus Iustinus martyr qui unus est ex vetustissimis, scribit in suo colloquio cum Triphone Iudæo, animam Samuelis jubente Saule fuisse evocatam per sagam ventriloquam. Hoc verò nemo mirari debet, statim enim idem author subjicit: sibi videri quòd omnes animæ Prophetarum & iustorum obnoxie fuerint talibus potestatibus, qualem in ventriloqua fuisse reipsa credatur. Hoc nemo ex patribus ei concedet. Alii quoque Græci qui à puero philosophiæ, non Sacris literis operam dederunt, postea ad fidem Christianam conversi sunt, suas quasdam habent opiniones, quæ cum Verbo Dei non consentiunt. Non itaque mirum cuiquam videri debet.

Iusti-

Iustinum quoque in quibusdam hallucinarum esse.

Idem author, in Responsionibus ad orthodoxos quæstione 52. contrarium asserit, Omnia enim, inquit, quæ à ventriloqua facta sunt, facta sunt opera dæmonis, qui sic præstrinxit spectantium oculos, ut sibi viderentur Samuelem videre, qui non erat. Verborum quidem veritas à Deo profecta est, qui dæmoni dedit in figura Samuelis apparere ventriloquæ, & rem futuram demonstrare, &c. Si quis objiciat hunc librum non rectè tribui Iustino (facit enim in eo Origenis mentionem, & Irenæi martyris, quum tamen ipse prior martyrio affectus fuerit: item Manichæorum, qui longè post ejus tempora floruerunt: respondemus, Si hic liber non est scriptus à Iustino, tamen ut apparet, alius quispiam vir doctus eum conscripsit: nec minor illius, quisquis fuerit, viri in hoc debet esse autoritas, quam ipsius Iustini: nam facit cum Scripturis. Deinde Iustino alios sanctos Patres opponimus qui ex sacris literis docuerunt non fuisse Samuelem, nempe Tertullianum & Chrysostomum, de quibus suprà dictum est. De sancto Gregorio postea audiemus, pium quidem & doctum fuisse, sed nimis credulum & simplicem.

Si sancti Patres absque Scripturarum testimonio aliquid affirmant, ipsimet negant ipsis esse subscribendum. Pontifices decreto inseruerunt ex D. Augustini dictis, q. 9. c. Noli, Nemini ex Patribus

credendum esse, nisi sua ex Sacris literis confirmarit. Iam multi ex eorum scriptis tantum errores decerpunt, & quæ illi testimoniis Sacrarum literarum probant, rejiciunt: non secus quam illi filii, qui bonos suos parentes tantum in rebus malis imitantur, Boni enim viri suos quoque nævos habent.

C A P. IX.

Verum diabolus specie fidelis hominis alicui apparere possit.

QUÆRIS an diabolus possit sancti alicujus hominis, qui è vivis excessit, speciem repræsentare. De hoc non est dubitandum. D. enim Paulus in 2. Corinth. 11. cap. testatur, Satanam se transfigurare in angelum lucis. Satan natura sua spiritus existit. Angelus ideò nominatur, quòd Deus eum mittat ad perficiendum aliquid. Malus angelus in primo libro Regum emittitur, ut sit mendax spiritus in ore Pseudo prophetarum Achab, ad ipsius exitium. Angelus quidem erat tenebrarum & erroris, nihilominus tamen præ se ferre poterat, se angelum bonum esse, gubernabatque concilium Baalistarum, qui indubiè gloriabantur se in spiritu sancto congregatos esse. Si hoc Satan novit, an non mentiri speciem sancti alicujus viri possit, imitari ejus verba, vocem, gestus, & alia hujus generis facere?

Inter Gentiles mirandas res edidit: persuasit eis ut crederent animas magicis artibus

bus evocari, & compelli, ut de rebus futuris atque arcanis eis respondeant. Ideoque non in publicis solum, sed etiam in privatis rebus, si paulò difficiliore essent, opera Magorum & Pythonicorum usi sunt: item Oracula hinc inde consuluerunt.

Tertullianus in lib. suo De anima, commemorat sua ætate non defuisse qui pollicerentur se suis artibus animas ab inferum incolatu revocatuuros esse: magiam vocat secundam idololatriam, in qua se demones perinde mortuos fingant, quemadmodum in illa deos. Fallaces illos spiritus sub personis defunctorum delitescere, res miras agere. Addit, iam quiescentes animas (magia) evellere ab inferis creditur, conspectui exhibere: quia & phantasma præstatur & corpus adtingitur. Nec magnum illi est exteriores oculos circumscribere, cui interiorem mentis aciem excicare perfacile est. Corpora denique videbantur Pharaoni & Aegyptiis magicarum virgarum dracones: sed Moïsis veritas mendacium devoravit. Multa & adversus Apostolos Simon dedit & Elimas magi, &c. Addit, sua ætate Simonis hæreticos tanta præsumptione artem extulisse, ut etiam prophetarum animas ab inferis moturos se sponderent, &c.

Lactantius de Origine erroris, lib. 2. cap. 17. scribit malos angelos sub nominibus mortuorum delitescere, viventibus plagas tendere, hoc est, sumere sibi nomen Iovis, Iunonis, quos gentiles deos esse credebant, vel nunc S. Sebastiani, Barbaræ & aliorum.

Lib.

Lib. 7. cap. 13. dicit. magos certis carminibus animas ciere ab inferis. Non quod hæc sit mens Lactantii, eos suis nefariis artibus animas verè revocare ad sua cadavera : sed quòd glorientur se hanc vel illam animam evocasse. Convincit Ethnicos animam esse immortalem, testimonio magorum, quos illi magni faciebant : hi dicebant, se animas ex inferis advocare vel ciere, quod ex Gentilibus etiam illi credebant, qui interim animas putabant statim extinguì.

Iustinus apologia 2. pro Christianis. Vera dicam, ait. Olim genii mali per Spectra illuserunt fœminis ac pueris, terrueruntque prodigiis homines, ut à stupidis metu exprimerent quod ratione non poterant : qui nescii malorum dæmonum esse has prætigias, in universum deos nominarunt distinctos propriis vocabulis, quæ cuique placebant maximè, &c. Postea in eadem apologia Ethnicos hortatur ne animas humanas post mortem sensu præditas esse negent, saltem necromantis suis fidem habeant, qui dicunt se animas evocare : item illis qui affirmant se à defunctorum spiritibus agitari, quos vulgus arreptitios & furiosos nominet.

Apud August. de Civitate Dei, etiam multa hujus generis extant.

Quàm horribilibus stupendis & portentosis ceremoniis usi sint, quando animas mortuorum magicis suis artibus revocare voluerunt, invenies apud Lucanum libro sexto : ubi describit quomodo Erichrone male-

malefica militem recens occisum revocavit in vitam, in gratiam Sexti Pompeii, ut ex eo de belli Pharsalici eventu cognosceret. Hoc genus magiæ Necromantiam sive Psychomantiam vocant: cujus non unum fuit genus: aliquando mortuorum integra corpora apparuerunt, aliquando umbra tantum, aliquando vox tantum obscura est exaudita.

Plutarchus scribit in vita Cimonis (interprete Ioachimo Camerario in proœmio ad libellos Plutarchi de Oraculis quæ defecerint, & de figura El consecrata Delphis) Pausaniam capto Byzantio, virginem nobili genere natam Cleonicen nomine, accessisse ad turpem consuetudinem: parentes necessitate quidem ac metu filiam suam dimisisse, eam verò ab iis qui ante conclave servabant, impetrasse, ut lumen removerent, atque ita tenebris cum silentio accedentem ad lectum, Pausania jam dormiente, offendisse ad candelabrum, idque evertisse in vitam. Perturbatum autem strepitu Pausaniam, eduxisse appositam sicam, & quasi inimicum adorientem se, percussisse & prostravisse virginem illam. Quam de ictu eo mortuam, non seivisse acquiescere Pausaniam, sed simulachro quodam noctu obversantem ipsi in somno, pronuntiasse iracundam versum hunc heroicum.

Σπῆρχε δίκης ἄσπον, μάλα τοι κακὸν ἀνδρασι
ἔβρις.

Hoc est,

Ius subear, valde est injuria res mala cun-
ctis:

Id facinus vel maximè ægrè ferentes
focii duce Cimone oppugnando ipsum
ejecerunt. Isque amissò Byzantio, quum
ut fertur, pergeret visum illud turbare
eum, confugit ad Necromantium Hera-
cleæ. Vbi anima Cleonices evocata, iram
illius fuit deprecatus. Hæc verò & con-
spectui ipsius sese obrulit, & brevi fore di-
xit, ut malum illud cessaret, ubi Spartam
rediisset: tacitè nimirum indicans mortem
ipsius, &c. Hic Pausanias antea modestè
se gesserat, postea ciarus victoriis, tyrannicè
res administravit: ideo quum Ephori eum
in carcerem ducturi essent, fugit in tem-
plum, in quo inclusus fame conta-
buit.

Alias id genus historias complures con-
gerere non esset difficile, ex quibus perspi-
cuum sit, qualis illa resuscitatio Samuelis
fuerit. In aliis quoque rebus diabolo (si
Deus ei permittat) vires non desunt: quàm
verò sit expeditus & ingeniosus, experien-
tia ostendit.

Cæterùm quod principem quæstionem
attinet, finge (Scripturis enim hoc evinci
non potest) quòd Deus ipse Samuelem re-
dire permiserit, deque rebus futuris vati-
cinari, non tamen statim sequeretur hodie
quoque tales apparitiones fieri: aut illa
statim credenda vel facienda esse, quæ ipsi
mandant.

Deus primis temporibus angelos suos
sæpe visibili forma ad homines misit, nunc
verò non audis quòd multi ad homines
mittantur: neque id est necessarium. Tem-
pori-

poribus Apostolorum stupenda miracula edita sunt, postea certas ob causas cessarunt. Nam quæcunque nobis ad salutem sunt necessaria, Verbo Dei continentur. Hæc de Samuele annotasse sufficiat.

CAP. X.

Moses & Helias Christo domino nostro in monte apparuerunt: multi animæ & corpore resuscitati sunt: proinde animæ quoque in has terras redire possunt.

Objicitur item nobis, Moſen & Heliã III
Matth. 17. in monte qui à veteribus *Moses*
Tabor vocatur) apud Dominum le- & *He-*
ſum ab Apoſtoliſ quos ad hanc rem dele- *lias*
gerat, conſpectos, & cum eo colloquutos *Chriſto*
eſſe. Lucas explicat quibus de rebus cum *appa-*
eo diſſeruerint, nempe de exitu ipſius, hoc *ruerũt.*
eſt, ſupplicio crucis, ideo colligunt animas
mortuorum poſſe redire in terras, ſequē
hominibus conſpiciendas præbere. Quòd
Deus animas in terram mittere poſſit, jam
antè conceſſimus: ſed quòd hæc ipſius ſit
voluntas, & quòd præſertim his temporibus
neceſſe ſit, probatione indiget. Moſes
& Helias tribus tantum, non omnibus
Apoſtoliſ apparuerunt: non colloquuti
ſunt cum tribus illiſ Apoſtoliſ: non attu-
lerunt nova dogmata, non mandarunt
ipſiſ, ut in honore eorum templa extrue-
rent, aut alia id genus facerent: non miſſi
ſunt ad Apoſtoliſ, ſed ad Chriſtum ſolum,
ſive animæ tantum, ſive corpora quoque
ipſorum venerint.

Flu-

IV Plurimum intererat, ut illi qui testes
Laza- Christi esse debebant, optimè intelligerent,
rus re- Christo servatori nostro Legem & Prophe-
diit in tas testimonium perhibere, quòd pro mun-
terras. do moriturus, & in fine seculorum reditu-
 rus, corpora mortuorum suscitaturus:
 clarificaturus & secum in æternam glo-
 riam perducturus esset: hanc igitur ob
 causam Deus voluit duos illos excellentes
 prophetas etiam ab ipsis conspici.

Lazarus t. ste Ioanne capite undecimo,
 corpore & anima rediit, non sola anima
 ipsius apparuit. Hic est quasi pignus veræ
 nostræ resurrectionis quæ futura est novis-
 simo die. Sicut alii quoque quos serva tor
 noster, quos Apostoli, & vetustis tempori-
 bus Prophetæ ex mortuis suscitaverunt. Nu-
 spiam legis Lazarum vel alios dixisse, ubi
 interim fuerint, quis status sit in altero
 seculo. Hæc enim ex verbo Dei non ex
 mortuis discenda & tenenda sunt.

V Idem dici potest de illo quod Matthæi
In die 27. habetur, Christo servatore in cruce
resur- moriente, aperta esse sepulchra, & postea
rectio- die resurrectionis mortuos cum Domino
us Chri- resurrexisse, multisque Hierosolymis appa-
sti mul- ruisse. Non animæ solum mortuorum
ti re- conspectæ sunt, & viventes monuerunt,
surre- eisque mandarunt ut in defunctorum gra-
xerunt tiam, hæc vel illa facerent, nempe ut ora-
& ap- rent pro illis, peregrinationes susciperent
parue- ad divos, &c. sed animo & corpore redie-
runt runt in terras. Deus enim testari voluit,
multis. se morte sua suis fidelibus mortem vicisse,
 & exarmasse, atque novissimo die corpora
 & ani-

& animas ipsorum uniendas, & ipsos in perpetuum cum Deo victuros. Qui autem sancti illi fuerint qui surrexerunt, & an in hac præsentī vita aliquandiu manserint, iterumque mortui sint, vel cum Christo in cælos migrarint, consule August. epistola 99. ad Evodium. & lib. 3. De mirabilibus Script. cap. 1.

His addenda est narratio quæ apud Rufinum in historia Ecclesiastica. libro 1. cap. 4. legitur, & à Socrate libro 1. cap. 17. reperitur de Spiridione Episcopo Cypri. *Spiridion*
 Fit illi filia nomine Irene, apud quam fami- *dion*
 liaris quispiam preciosum ornatum depo- *filium*
 fuerat. Illa cautior æquo sub tellure depo- *excitat.*
 situm abscondit, ac pau. ò post vitam fini-
 vit. Post aliquanto tempore venit qui
 deposuerat, & quum virginem non reperi-
 ret, patrem adorsus est, illumque nunc in-
 cusavit, nunc obsecravit. Senex quoniam
 damnum ejus qui deposuerat, suam duce-
 bat esse calamitatem venit ad sepulchrum
 filix. Deumque invocavit orans, ut ante
 tempus sibi promissam resurrectionem
 ostenderet. Nec fraudatus est spe sua. Re-
 diviva nanque virgo patri apparuit, ac
 locum ubi ornatum absconderat indicavit,
 & rursus secessit.

Non negabo rem ita habere. Similis enim historia extat apud D. Augustinum epistola 13. Quidam parum secundæ famæ juvenis accusavit Bonifacium presbyterum Augustini, quòd ab eo de stupro fuisset interpellatus. Quum res idoneis argumentis nec confirmari nec refelli posset.

posset, jussus est uterque ire ad sepulchrum
fideiis martyris, ut miraculo judicium
manifestaretur. Non fuisset missus, nisi an-
tea quoque arcana aliqua, hac ratione fuif-
sent detecta. Dici potest, angelos bonos
aut potius malos fuisse qui appaue-
runt.

C A P. XI.

*An sancti Apostoli putarint se videre ani-
mam, quando Christus post suam re-
surrectionem eis ex improvviso appa-
ruit.*

VI
Discei-
puli
Christi
putant
se spiri-
tum v-
dere.

IN Evangelio Lucæ cap. 24. legimus,
quòd duo discipuli qui Emaunta Hieru-
salem reverterant, Apostolis narrarint
se vidisse Christum redivivum: dumque
loquerentur, Dominum in medio ipsorum
stetisse atque eis dixisse: Pax vobis. Illos
verò expavectos & perterritos, exilti-
massè se spiritum videre, &c. Ex his qui-
dam probare nituntur, Apostolos credi-
disse spiritus vel animas vagari, & homini-
bus se conspiciendos exhibere. Illos enim
putasse quòd viderint spiritum Christi, ut
quidam ex veteribus interpretantur, vel
alterius spiritum.

Ad hoc argumentum bifariam potest
responderi. Primum si putarunt se ani-
mam videre, non rectè putarunt, sed cum
vulgo non minus errarunt, quàm quum
putarent Christum externum & terrenum
regnum excitaturum, in quo ipsi principes
futuri

faturi essent. Deinde fieri potest, ut putarent se vel malum, vel bonum angelum videre. Non enim unum genus est spirituum. Est spiritus qui omnia condidit: *Varia genera spirituum.* nempe Deus Pater, Filius & Spiritus sanctus. Deinde sunt spiritus creati, nempe boni & mali angeli: item animæ hominum, quæ vel sunt in corpore hominis, vel per mortem à corpore abjunctæ, in vita æterna, aut æterna damnatione degunt. De statu enim animarum in purgatorio, in quo ad iter cælestis præparantur, item de limbo puerorum, nihil extat in Sacris literis.

Deum sanctis Patriarchis, Prophetis, Regibus & aliis variis visionibus & formis apparuisse, seque illis patefecisse, illis loquutum esse, ex Sacris literis claret. Iacob scalam vidit quæ imposita terræ ad cælum pertingebat, cui Deus innixus est. Isaias vidit Dominum sedentem super altum thronum. Daniel vidit senem sedentem, & ad ipsum venientem filium, omnemque potestatem accipere.

Tertullianus & alii S. Patres, docent Filium Dei, qui constituto tempore carnem humanam induere debuit, Patriarchis forma angelica apparuisse.

Spiritus sanctus columbæ specie conspectus est, quum Ioan. Baptista servatorem nostrum in Iordane baptizaret. Bonos angelos, Dei ministris crebrò apparuisse, Scripturæ sacræ passim testantur.

Malos spiritus sæpenumero conspici, & hodierno quoque die incantatoribus & magis

magis variis formis sese offerre: item aliis quoque hominibus tam piis quàm impiis, historiæ & experientia quotidiana testantur.

De animabus verò non legitur quòd ad hunc modum apparuerint. Ex his facile colligi potest, Apostolos quum putarunt se spiritum videre, non credidisse se animam videre. An non opinari potuerunt se videre spiritum malum? aut potius se videre spiritum vel angelum bonum? Nam ad apparitionem bonorum angelorum, fideles etiam turbatos & consternatos fuisse, multis exemplis ostendi potest.

Danielis 8. & 10. c. legitur, Prophetam ad conspectum Angelorum in morbum incidisse. Ipsa Maria Virgo quum videret archangelum Gabrielem expavit, item Zacharias sacerdos, & multi alii.

Actor.

12. cap.

In Actis Apostolorum 12. c. legimus, quòd Herodes Iacobum Apostolum gladio interfecerit, quumque vidisset se ludæis gratum fecisse, Petrum quoque ceperit, & positum in carcerem, sedecim militibus asservandum tradiderit, ut peracto festo Paschæ, eum quoque interficeret. Angelum Domini noctu D. Petrum per custodiam militum è carcere eduxisse, illum relictà ad domum Mariæ marris Ioan. Marci, (ubi multi erant congregati & orantes) perrexisse. Quumque pulsasset ostium vestibuli processisse Rhodem puellam, ut quis pulsaret quæreret. Hæc ut agnovit vocem Petri præ gaudio non aperuit vestibulum, sed introcurrens nunciavit stare Petrum
ante

ante vestibulum. At illi dixerunt ad eam, Infans. Illa autem affirmabat, sic se habere: at illi dicebant, Angelus ejus est. Petrus autem perseverabat pulsans. Quum autem aperuissent, viderunt eum, & obstupuerunt. Ita nunc quoque Apostoli forsitan putarunt, quum Christum viderent, se videre bonum angelum. Nam hominibus angeli additi sunt à Deo, qui curam eorum gerant: qua de re apud Matth. 18. & Psal. 19. legitur: & postea pluscula annotabimus.

Gentiles quoque crediderunt, ut ex scriptis ipsorum intelligitur, unumquemque *Boni & mali genii.* hominem bonum & malum genium habere. Illum homines incitare ad virtutes, eosque defendere: hunc verò homines ledere ubicunque possit, & ad mala hortari.

Si majores nostri dixerunt de aliquo qui peregrè fuit, vel ex hac vita decessit, quando aliquid audiverunt vel viderunt, Spiritus illius est: potest esse, ut non putarint animam ejus, sed angelum ejus. Quod si putarunt animas esse, ut posteris temporibus ab omnibus creditum fuit, quando nunc in hoc, mox alio in loco spiritus se conspiciendos præbuerunt, errarunt, ut in multis aliis quoque rebus. Animæ enim statim in æterna gaudia vel æternam damnationem colliguntur.

Si doctores suum fecissent officium, & plebem sibi commissam rectè instituissent de hoc & aliis doctrinæ Christianæ capitibus, aut saltem lectione sacrorum librorum

rum ei non interdixissent , de hac re & aliis de quibus hodie contenditur , rectè sensissent.

C A P. XII.

*De sanctis Patribus, Conciliis, Pontificibus,
& vult o, qui dicunt animas apparere.*

*S. Pa-
tres di-
cunt
animas
appa-
rere.*

Objicitur nobis sanctorum Patrum autoritas , nempe quod D. Ambrosius de S. Agnere scribit, D. Augustinus de S Felice, de quibus suprà habuimus: Abdias in vita Apostolorum , quòd Thomas post mortem apparuerit & concionatus sit. D Gregorius in suis dialogis, varia & miranda scribit: inter alia multa exempla recitat de mortuis qui apparuerint, opem postularint , de quibusdam sanctis, ipsis etiam Apostolis, qui aliquos lethaliter decumbentes paulò antequam obierunt, inviserint : & alia hujus generis , quæ omnia qui volunt ipsi legere possunt. Fertur Hieronymum apparuisse D. Augustino.

*Grego-
rii ma-
gni dia-
logi.*

Hoc loco nolo sanctos Patres vanitatis arguere. Sciendum tamen est , eos non dicere quòd illos qui apparuerunt, crediderint animas mortuorum esse , sed loquuntur vulgari more. Quod verò D. Gregorii dialogos attinet , non possum dissimulare (id quod ante me multi alii observarunt ,) multa illis contineri quæ nequaquam verisimilia, sed fabulis anilibus similia sunt. Non quòd sanctus ille Pater ex malitia ea scripserit : sed quia nimis fuit

fuit credulus, & multa ex aliorum potius relatione in suos libros contulerit, quam quòd certa & explorata haberet. Hodie quoque multi sunt pii & honesti viri, qui hoc vitio laborant, quòd nimis citò credunt: seque aliis regendos præbent. Ex se alios metiuntur: puderet eos aliquid falsi asserere: ita putant alios quoque affectos, qui eorum simplicitate & bonitate abutuntur. Hi interdum magna pericula propter suam illam credulitatem incurunt. Deinde ætate Gregorii cœptum est illis apparitionibus & visionibus multum tribui. Vera quoque & simplex doctrina illis ipsis temporibus valde cœperat laborare. Plurimum autem refert in quæ quisque incidat. Ipsemet passus est sua tempora. Studiosius itaque inhærendum fuerat sacris literis, neque quicquam recipiendum, quod illis non est consentaneum. Quidam eum excusantes dicunt, quòd ideo dialogos suos miraculis & prodigiis referret, ut pertinaces & duri animi Longobardorum illis exemplis mollescerent, veramque religionem amplecterentur, quam tantopere insectati fuerant. Quòd autem nequaquam utile sit his adminiculis, fictis scilicet narrationibus, propagare veram fidem etiam Vives libro 5. De tradendis discipulis agnoscit.

Quidam conciliorum autoritate nos urgent, quæ apparitiones animarum quasdam approbarint libros item qui de illis extant, quosdam ad ædificationem simplicium legendos permiserint, quosdam

5
Concilia
appro-
bant
anima-
rum
appari-
tiones.
verò

verò libros & apparitiones planè rejecerint.

De concilio Constantiensi fertur, quòd hanc apparitionem approbarit: Decanus quidam cum abdicasset se decanatu in heremum profectus est, ut pœnitentiâ ageret: post obitum apparuit suo Episcopo, eique indicavit quòd illa ipsa hora qua obiit, triginta millia hominum è vivis discesserint, inter quos omnes, sua duntaxat & D. Bernardi anima æternæ salutis factæ sint confortes, tres in purgatorium descenderint, reliquæ in æternam damnationem, &c.

*Concilia
errare
possunt.*

Concilia autem & Ecclesiam non posse errare, eò quòd à sancto Spiritu regantur: Ipsum quoque dominum Matt. 24. dicere, Novissimis temporibus fient signa & prodigia, ut si fieri posset, etiam electi seducerentur. Ideo concludunt, hæc esse credenda quæ de illis apparitionibus dicunt. Verborum Christi non hic sensus est, quòd electi in errores nunquam induci possint (rem enim aliter habere, multis egregiis exemplis ostendi potest) sed quòd in illis non perseverant, tamen si vix & ne vix quidam emergant. Dic, quæso, quinam convenerunt in vetustis conciliis? nonne sancti Patres? Illos verò constat in multis capitibus inter se fuisse discordes, idque scriptis contrariis ostendisse: quin aliquando sibi ipsis contradicunt, ideoque non semper rectè senserunt: ipsi nos subinde ad verbum Dei tanquam fidei certissimam normam & regulam, remittunt. Exemplum non desunt, quibus potest ostendi

vetusta

vetusta Concilia in quibusdam dogmatibus errasse. Ariminense concilium, Arrianorum dogma probavit. Ephesinum secundum Eutychemi subscripsit. In concilio Carthaginensi, quod Cyprianus collegit, etiam contra scripturas pronuntiatum fuit, &c. Quid posteris temporibus factum esse dicemus? Notum est ex historiis, quibus concilia aliquot seculis indixerit, rexerit, & quibus de rebus præcipuè tractatum fuerit: quidque plerunque mox consequutum sit, hoc est feralia bella & cædes. Si vetusta illa errare potuerunt, cui mirum videbitur illa quæ interea temporis celebrata sunt errasse? Sed quod apparitiones illas attinet, ut aliis omnibus omissis, de his tantum agam, Dic, quæso, quis conciliis diceret, num hæc vel illa apparitio vera fuerit vel ficta? Nullum certè concilium efficere potest, ut mendacia quæ sparguntur, vera esse incipiant, si ipsi vera esse affirmarint.

Non minus stultum est si dicatur Pontificem (qui conciliis omnibus superior haberi vult) hoc vel illud miraculum, quod in cœnobio aliquo editum esse dicunt, confirmasse. Quomodo enim Pontifex Romæ tot locorum intervallis disjunctus, melius scire rem aliquam potest, quàm illi qui illis ipsis in locis degunt? Pontifice confirmante hanc vel illam animam conspectam esse, qui nihil aliud habet, quam quod ex illorum, qui fortè novas peregrinationes & pecuniæ aucupia instituere volunt, sermonibus vel literis intellexit, statim absque

Pontifices approbantium animarum apparitiones.

contradictione credendum est: si alii, qui omnia explorata habent diversum attestentur, vana esse oportet omnia. Cogita quæso hæc de re: Antea omnes dubitarunt num res aliqua ita haberet: cum primum Papæ calculus accessit, aut Clericus aliquis in somnis vidit rem ita habere, nefas est postea dubitare. O tempora, ô mores!

*Multi
dicunt
sibi
animas
appa
ruisse.*

Quod alios homines laicos, ut vocant, & plebeios attinet, qui dicunt se aliquem post obitum ipsius vidisse, audivisse, novisse, cum eo colloquutos esse: facile quidem concedo, eos aliquid vidisse & audivisse, & omnino pro certo habuisse quod fuerint animæ, & quod loquuti sint cum illis: quod verò revera animæ fuerint, non sequitur: multò minus quod corpore & anima homo aliquis defunctus ipsis apparuerit. Nam novissimo tandem die animæ ad corpora sua redibunt. Animæ spiritus sunt: spiritus verò sunt invisibiles, nisi externas aliquas formas assumant, quare non ita possunt conspici. Quod enim animæ, ut boni & mali angeli, formas aliquas induant, sacrarum literarum testimoniis probari non potest. Ad hæc certum est, sæpe illorum formas, à quibus anima per mortem nondum avulsa est (ut quum quis lethali ter decumbit) non minus videri, quàm illorum qui hinc excesserunt. Non igitur necessarium est, ut Spectra quæ videntur animas esse credamus. Ex his intelligis quid de narratione Platinae, Naucleri & aliorum sen-

tientia

tiendum sit, qui scribunt Episcopum quendam vidisse Benedictum 8. Papam in solitudine (jamdudum mortuum) nigro equo insidentem, rogatumque cur ita nigro equo veheretur, admonuisse episcopum, ut pecuniam in usus pauperum collatam (sed nefariè in alios usus reservatam) pauperibus quibus jure deberetur, distribueret. Circunferuntur alia quoque hujus farinae.

CAP. XIII.

An anima ex purgatorio & limbo puerorum redeant.

QUOD animæ que in cælos vel inferos translatae sunt, ex illis locis ante diem extremum non redeant neque appareant, fortassis quidam non inviti concederent: sed fingunt tertium esse locum, nempe purgatorium, ex quo animæ in terras redeant. Nam contra illas nondum latam esse ultimam sententiam: ideo adhuc posse illas auxilio levari, illas etiam opem petere, ideoque se hominibus conspiciendas præbere. At suprâ ex divinis oraculis & Patrum scriptis abundè & luculenter probavimus, animas fidelium salvari, infidelium damnari, nulla mora intercedente: ideoque nullum esse purgatorium. His opponunt varia argumenta, inter quæ illud vulgare quidem, sed præcipuum videtur quod dicunt, neminem salvari qui non ab omnibus suis peccatis expiatus sit: nobis verò peccatum ad sepulchrum usque adhærescere. Si dicamus

puritatem non in operibus nostris aut doloribus quos perferimus, positam esse, sed Deum per fidem in Filium suum Christum Iesum qui est unica nostra redemptio, iustitia, satisfactio, & pretium pro peccatis nos justos efficere responsant. Fidem in nobis imperfectam esse, optimos quosque quando hinc migrandum est, de fidei suæ infirmitate queri. Deum itaque tales homines non rectè in cælum deducere, & quia fide non prorsus sint vacui, eos ad inferos non statim detrudere. Locum igitur esse interiacentem, qui vocetur Ignis purgatorius, in quo animæ ab imperfectione quæ in morte remanserit expientur, & ex quo per viventium merita, & per largas indulgentias liberentur. An verò hoc non est nostris doloribus & igni externo tribuere, quod soli supplicio Christi tribuendum erat? An non Christus nos docet, ut si fidei imbecillitatem in nobis sentimus, cum Apostolis clamemus, Domine, adauge nobis fidem? An Deus preces suorum fidelium in agone mortis exaudire dedignatur? Christus dicit, Qui lotus est, non opus habet nisi ut pedes lavet, sed est mundus totus: Non propter dignitatem fidei nostræ, sed ex mera gratia nos vult salvos facere. Hæc verò nobis per fidem communicatur. Ut si opulentus aliquis cibum & potum aliis gratis distribuat, & quidam vasculo ligneo, quidam fictili, quidam argenteo vel etiam aureo exciperent, vel, si Princeps aliquis nummum aureum in singulos distribuat, quidam manu zgra, quidam
valida

valida eum accipiant. Qui ægram manum habet, non minus accipit nummum quàm alter qui manum habet robustam. D. Paulus exhortatur suos Theſſalon. 1. epist. cap. 4. ne mortuos suos lugeant sicut gentiles. Si ignis eſſet purgatorius, qualem illi commenti sunt, non potuiſſet illis irasci, etiamſi obitum eorum impatientius tuliſſent, &c. Alia argumenta quæ ad ſtabiliendum Purgatorium adhibentur, jam pridem à multis & piis & doctis viris ita refutata ſunt ut mirum ſit noſtros adverſarios illa ſubinde repetere.

Priusquam verò ab hoc loco diſcedam, libet hanc narrationem interſerere. Germanus quidam cùm ab Inquiſitoribus hæreticæ pravitatis, ut vocant, accusatus eſſet, quod inter æquales ſuos contra Eccleſiæ catholicæ conſenſum, negaret eſſe purgatorium, reſpondit: Si Parochus noſter, cui plurimum tribuo pro ſuggeſtu vera concionatur, aut nullum eſt Purgatorium, aut vacuum. Sæpe enim repetit, Turcas Iudæos, hæreticos & impios, non in Purgatorium ſed rectà ad inferos deſcendere, unde nunquam liberentur: deinde indulgentiis quæ proſtant, multas animas in integrum reſtitui: adhuc tantas eſſe miſſæ vires affirmat, ut nulla in toto orbe celebretur per quam non anima minimùm una eripiatur flammis purgatorii. Hæc ſi vera ſunt, ajebat, non enim quæ Parochus meus affirmat, reſellere conabor) perſto in mea ſententia. Nam Catholicorum numerum ad paucos reda-

etum esse, omnes conquerimini, maxima hominum turba in varias sectas scissa, & Epicureorum numero quotidie crescente. Deinde omnium loculi sapissimè à pœnitentiariis, qui indulgentias vanales proposuerunt, exhausti sunt, ut animæ purgatorii cruciatibus liberarentur. Præterea nullus est pagus in quo non complures missæ celebrentur, prius quam vel unicus rusticus moriatur. Quid igitur sequitur aliud, quàm vel nullum purgatorium, vel omninò vacuum esse? His auditis, Inquisitores, qui non ignorabant vulgò sic à seis hominibus doceri, obstupuerunt: & communicato consilio illum objurgarunt, quòd circa quæstiones ad se non pertinentes, occuparetur: quas jubebant eum Theologus relinque re, & suis negotiis vacare.

Fuit apud nos vir honestus & gravis, qui priusquam Euangelii lux emerisset, hoc dilemmate utebatur: Pontifex Romanus aut habet potestatem evocandi animas ex tormentis purgatorii, aut non habet. Si habet illam potestatem, & ea non utitur nisi interveniente pecunia, crudelitatis & avaritiæ crimen non potest effugere: si verò non habet magnum profectò scelus est, tot viduas & orphanos hoc nomine expilare, & de potestate quam non habet, insolenter gloriari. Si verò nullum est purgatorium (sicut ex Scripturis sacris manifestè colligitur) animæ profectò ex illo neque redire, neque aliis se conspiciendas præbere possunt. Quò ad quartum locum,

locum, nempe Limbum puerorum (in quo innocentes pueri, uti eos vocant, dicuntur versari) Papistæ vix audebunt affirmare eos redire, & apparere hominibus, eorumque opem implorare: docent enim, quòd cum absque baptismo decesserint, perpetuò carituri sint conspectu Dei: ideoque eos eum aliis Christianis in eodem cœmeterio non esse sepeliendos Deus bone, quot pias matronas puerperas hoc commentum miserè afflixit? Commentum voco, quia ex sacris literis proferre nihil possunt, quo hoc suæ doctrinæ caput confirmet Scriptura Baptismo externo qui aqua fit, non tantum tribuit. Potiorne fuit infantum in veteri Testamento conditio, quàm in novo? Non legis quòd veteres existimarint infantes qui ante octavum diem mortui sunt, ideoque circumcisi non fuerunt, in perpetuum Dei conspectu carituros esse. Rex & Propheta David dicit se sequenturum puerum suum, quem Deus antequam circumcideretur, ex hac vita evocaverat, non autem fuit Davidis mens, quòd iturus esset in locum in quo conspectu Dei perpetuò privaretur. Sed de hoc plura disputare non est hujus instituti.

Respondi nunc ad potissima adversariorum argumenta, quibus probare nituntur animas cum bonorum tum malorum, interdum postquam à corporibus discesserunt per mortem, se conspiciendas præbere viventibus.

C A P. XIII.

*Quid sint illa quæ videntur & audiuntur;
& primum quidem, quòd interdum boni
angeli appareant.*

Nondum, inquis, manifestè & expressè intelligo, quidnam sint illæ res quarum (ut suprà dictum est) historici, sancti Patres & alii mentionem faciunt: veluti quòd sancti Apostoli, Episcopi, Martyres Confessores, virgines, & alii qui ante multos annos decesserunt, quibusdam aliquando cùm in extremis agerent, apparuerunt, eos monuerunt, ad quæstiones eis propositas responderunt, eos iusserunt, hæc vel illa facere: item quòd interdum aliquid videtur, & auditur, quod non solum dicit se hanc vel illam animam esse, sed addit quomodo ei subveniri possit: postea redit & gratias agit illis à quibus beneficium accepit: quod maritus defunctus uxorem suam viduam noctu accessit: quodque rarò memorabile aliquid accidit, quod non signis quibusdam antea significetur. Audio, inquis, & intelligo, illa animas non esse, quæ in suis constitutis locis degunt: quid igitur sunt res illæ? Ut paucis dicam: si non est persuasio vana ex imbecillitate sensuum, timore, & aliis id genus orta vel dolus hominum, vel res physica, de quibus in prima parte multa annotavimus, est vel bonus vel malus angelus, aut alioqui admonitio à Deo profecta: qua de re deinceps ordine & plenius dice-

dicemus. Dominus testatur in Euangelio, *Angeli*
pueros bonos suos angelos habere. Mat. 18. *appa-*
legitur Dominum dixisse: Videte ne con- *rent.*
temnatis unum ex his pusillis. Dico enim *Mat. 18*
vobis, quod angeli eorum in cœlis semper
vident faciem Patris mei cœlestis. Quæ
verba non ita accipienda sunt, quasi nun-
quam in terras deorsum emittantur. Sed
Dominus humano more loquitur. Quem-
admodum enim ministri stant ante do-
minos suos, ut eorum mandata exequan-
tur, ita angeli parati sunt ad serviendum
Deo, Isa. 63. Angelus faciei ejus, hoc est,
qui stat in ejus conspectu, servavit eos.
Deinde illi qui subinde dominis astant,
sunt illis grati & arcanorum conscii. Ex
hoc loco Matth. concludunt D. Hiero. in
suis commen. & alii Patres, Deum unicui-
que animæ cum primùm eam creat, pecu-
liarem suum angelum addere, qui curam
ejus gerat. An autem singulis electis pro-
prius angelus, aut plures additi sint, non
expressè habetur. Hoc autem certum est,
quod Deus angelis suis mandavit, ut nostri
curam rationemque habeant. Dan. 10. c.
testatur etiam regnis angelos præfectos
esse, per quos Deus ea custodit & defendit,
atque diaboli mala consilia impedit.
Omnes Christianos non unum tantum sed
multos angelos habere, quibus Deus ad
eorum ministeria utatur, multis ex Scri-
pturæ locis percipi potest. Ps. 34. dicitur,
angelus domini castra figit circum illos
qui Dominum timent, eisque opitulatur:
quod hodie quoque fieri, licet eos non vi-

deamus, minimè est dubitandum.

Legimus alia atque alia specie apparentes homines admonuisse, eos erexisse sua consolatione, eos defendisse, ex periculis eripuisse, impios item pœnis affectisse, hac de re multa exempla se offerunt, quæ nihil attinet hoc loco referre. Aliquando in somnis vel per visiones apparuerunt, aliquando per interiorem operationem suum munus exequuti sunt: ut cùm animus alicui præfagit rem sic casuram, & postea ita accidit, id puto fieri à Deo per angelorum ministerium. Angeli plerumque humanas species assumunt, in quibus apparent. Ita fieri potest ut S. Felix, S. Agnes, & alii qui honestis & piis hominibus apparuerunt, angeli Dei fuerint. Non autem singuli tantùm, sed etiam toti exercitus & castra angelorum apparuerunt, ut Iacobo patriarchæ, Helisæo prophetæ. In historia Ecclesiastica à Socrate & Sozomeno conscripta legitur Arcadium imperatorem, Gainam cum exercitu suo in urbem Constantinopolitanam recepisse, ut eam defenderet, iste verò perfidus urbem in suam potestatem redigere moliebatur: mittebat agmen ad incendendum Imperatoris palatium, ab illo agmine conspecti sunt densissimi exercitus angelorum nimirum) armaturam militarem & corpora magna præ se ferentes, ideoque ab incendio discesserunt. Misit alios qui idem referebant: tandem ipse ivit, viditque rem ita habere, & cœptis destitit. Atque ita Deus mirabili modo urbem & ecclesiam Constantino poli-

*Toti
exerci-
tus an-
gelorum
v. si.*

politianam contra Tyranni illius insidias defendit.

Cum D. Augustinus in lib. suo De cura pro mortuis gerenda cap. o. scribit, mortuos in somnis, vel alio quocunque modo apparuisse viventibus, atque ubi eorum corpora inhumata jacerent, nescientibus indicasse, eosque rogasse ut ea humarent: ibi judicat operationes esse angelorum per dispensationem divinæ providentiæ benevolentis & bonis & malis, secundum inscrutabilem altitudinem judiciorum suorum. Non animas dicit apparere in somnis, sed similitudines. Addit, si rebus viventium interessent animæ mortuorum, & ipsi nos quando eas vellemus alloqueremur in somnis, ipsum matrem nulla nocte deserituram, quæ terra marique eum sequuta sit, ut cum eo viveret. Tanta fuit ejus erga filium *cap. 7. 8.*

CAP. XV.

Aliquando & plerunque conspici malos angelos.

EX adverso mali angeli infesto & inimici sunt hominibus: adjungunt eis se ubique, ut à veris Dei cultibus, & à fiducia in unicum Dei Filium, ad alia atque alia eos abstrahant, variis autem formis apparent, Etenim si diabolus, ut Paulus testatur, se in angelum lucis transformare potest, non minus potest Prophetam, Apostolum, Evangelistam, Episcopum & martyrem agere, eorumque specie apparere:
vel

vel ita nos fascinare ut putemus nos illos ipsos videre & audire. Etiam conatur futura prædicere, siue scopum attingat siue minus. Dicit se hanc vel illam animam esse, hac vel illa ratione se liberari posse, ut his rebus quæ Scripturæ fundamento carent, maximam pariat auctoritatem. Per falsa miracula instituit nova festa, peregrinationes, sacella, altaria: per adjurationes, benedictiones, magiam, nritur ægrotos curare, ut suis rebus auctoritatem conciliet. Quomodo dæmones infelicibus & miseris gentilibus illuserint, eosque plurimis erroribus involuerint, miranda invenies apud Arnobium, Lactantium, aliosque sanctos Patres, qui contra gentes eorumque superstitiones scripserunt. Conjunxit & insinuavit se eorum simulachris, loquutus est per illa, ex uno loco in alterum illa movit, edidit stupenda miracula, ita ut etiam claudi relictis scipionibus quibus nitebantur, in templis idolorum, absque eorum ope & adminiculo domum redierint. Præcipuè verò in templo Æsculapii (qui medicinæ præses fuisse creditus est) multa hujus generis accidisse referuntur. Quare non est quòd hodie Pontificii de hujusmodi miraculis insolenter gloriantur, quibus intercessionem divorum & alia confirmare moliuntur,

CAP. XVI.

De prodigiis, ostentis, & aliis id genus.

QVO verò ad alias res mirandas, deinceps est videndum quid sint, ut quòd cum aliquis moriturus est, antea aliquid conspicitur, aut fragor repente ex auditur: in primis verò quòd obitum magnorum Principum multa signa & prodigia præcedunt, Mortem Iulii Cæsaris quæ signa præcesserint, ex historiis notum est: inter alia longè lateque noctu strepitus exauditus est. De aliorum Imperatorum & Regum, magnorumque virorum, obitu legitur, præfagitiones aliquas auditas vel visas esse. Considerandum item quid res illæ mirabiles sint, quæ plerunque mutationes imperiorum, bella, seditiones, & excidia urbium antecedunt.

Simpliciter dico, sicuti antea quoque de Spectris: Si non sint vanæ persuasiones, vel res Physicæ, sunt admonitiones divinæ, quæ per bonos angelos vel alia nobis incognita ratione fiunt, ut intelligamus hæc omnia non temerè, absque Dei nutu & voluntate accidere: sed vitam & mortem, pacem & bellum, mutationem religionis, imperiorum, aliarumque rerum vicissitudines, in ipsius potestate positas esse: ut discamus ipsum timere & invocare. Interea Satan multa fingit, & exercet, ut terrorem hominibus incuriat, & superstitionem animis eorum inserat. Non autem omnia illa à Satana fieri.

fieri, hinc potest intelligi: Fit ut aliquis confodiat ab aliquo eum quo nunquam inimicitias exercuit, sed quo semper familiariter usus est: aliquis perit in aquis, cadit ex alto, vel aliqui miserabiliter extinguitur: malus spiritus hæc præscire non potest. (nulla enim sunt illarum rerum naturalia signa, ut in morbis, quæ præcedant, nullæ conjecturæ) tamen quædam signa & res inusitatæ præcedunt, hinc colligo illa à Deo fieri, qui solus hæc futura esse novit. Non autem illos tantum monet quorum præcipuè res agitur, sed alios quoque qui de his audiunt, & præsententes sunt.

In ditione Tigurina non multò antè quàm hæc scripsi, fuit quidam præfectus, quem se itineri accingentem, aliquot jennaculum sumpturi expectarunt, qui visi sunt sibi audire cultrum decidentem è superiore parte vel tabulato hypocaufti in quo erant, nihil tamen viderunt. Mox quum de ostento inter se colloquerentur, iterum visi sunt sibi idem audire. Interea venit ad eos præfectus, referunt illi quid accidisset: vix sermonem finierunt tertio culter decidit, audiente etiam præfecto, qui antea de rei veritate nonnihil dubitaret. Sumpra igitur inde occasione, hortatus est illos, ut cum magnæ nuptiæ illo in loco paucis interjectis diebus celebrandæ essent, concordiæ & temperantiæ omnes studerent, ne rixis & cæde nuptiæ ille funestarentur. Ipse iter ingressus, & post diem unum & alterum confectis suis negotiis,

in

in arcem suam reversurus, in torrente qui subito imbribus auctus fuit, equo collapsus diu cum aquis luctatus, misere interiit.

Diabolum verò etiam rebus inuicatis ludificare homines hinc colligo, quod si aliqui corripuntur gravi morbo, de quorum sanitate non solum medici, sed etiam ipsi ægroti desperant, noctu auditur strepitus ac si pheretrum aliquis fabricet, aut mortuum mandet sepulturæ: id existimo Spectrum esse diabolicum, putat enim omnino moriturum ægrotum, qui à Deo intercedentibus piis & ardentibus precibus, pristinae sanitati restituitur. Quod Plin. scribit vulturem tantæ esse sagacitatis, ut biduo aut triduo prævolet illuc ubi cadavera sint futura, omnino fabulosum est. Si hoc conderetur, non absurdum esset si quis diceret diabolum futura videre, etiam ubi nullæ sint causæ physicae, &c. Ad hæc potest permittente Domino, si bella & seditiones instent, in armamentariis tormenta bellica & arma omnis generis movere, atque strepitum excitare, in aëre clamorem & fremitum magni exercitus, tympana pulsare, & alia id genus facere, quæ historici sæpe facta fuisse, omnes uno ore testantur.

C A P. XVII.

Diabolo non est difficile, variis formis apparere & res mirandas efficere.

CÆterum diabolo non esse difficile variis speciebus, non viventium solum, sed & mortuorum hominum (de qua re suprâ quoque quædam dixi, quum de apparitione Samuelis egi) item quod minus est, etiam quadrupedum, avium, &c. veluti in specie nigri canis, equi, bubonis, apparere, & res incredibiles efficere, manifestum est. Nam per diuturnam & multiplicem experientiam, vim & effectum rerum naturalium, veluti herbarum, lapidum, &c. cognitam habere potest, & per hæc res mirandas operari. Deinde est subtilis & expeditus spiritus, qui res commodè aggredi potest, id quod in re quavis non parum momenti affert. Per celeritatem suam & rerum naturalium notitiam, fallere visum potest, aliosque hominis sensus: illa quæ ante nos posita sunt occultare, & alia in eorum locum substituere potest. Quæ de re Sacræ literæ, historiæ & quotidianus usus testantur. Quomodo egit spiritus malus cum Iobo? quid non brevi temporis spatio effecit? Quam miranda fecit Bileam opera mali spiritus? An non artibus magicis celebre nomen adeptus est? Quàm ingentia miracula magi Pharaonis ediderunt? Nonne Simon magus malis suis artibus Samaritanos longo tempore ita fascinauit, ut dicerent ipsum esse ma-

*Magi
res mi-
randas
faciunt
Simon
magus.*

gnam

gnam Dei virtutem? De hoc mago multa scribunt veteres, velut Irenæus lib. 1. cap. 10. Euseb. lib. 2. cap. 13. Egesippus scribit lib. 3. cap. 2. de excidio Hierosolymitano, Simonem illum Romam venisse, ibique se opposuisse Petro, gloriatum esse se velle in cælos volare: die constituto venisse in montem Capitolinum, desiliisse de petra, volasse aliquandiu, non sine magno populi stupore, qui verbis ipsius fidem adhibere cœperit: mox decidisse & crus fregisse: postea Ariziam translatum ibidem obisse.

Ioannes Trittenhemius Abbas Spanheimensis, scribit in Chronico monasterii Hirsgaviensis, ordinis S. Benedicti, anno Domini 970. Bulgaribus imperasse duos filios Simeonis monachi, Petrum & Bajannum, quorum Bajanus in arte magica do- *Baja-*
tissimus fuerit, & per eam multa mira *nus.*
bilia fecerit. Quotiescunque voluit, mutavit se in lupum, vel in cujuslibet alterius bestię formam, velut penitus à nullo videretur, & alia miranda & potuit & fecit, quibus homines ad magnam admirationem traduxit.

Deinde anno 876. fuisse scribit quendam Iudæum nomine Sedechiam, olim Physicum & medicum Ludovici Imperatoris, qui magicis disciplinis instructus, faciebat multa miracula & stupenda ludibria publicè coram principibus & quibuscunque aliis. Effecit namque arte sua, ut hominibus videretur devorare virum armatum cum equo & omnibus armis:

cur-

currum quoque onustum fœno, cum equis & auriga. Amputabat hominibus capita, manus aut pedes, quæ pelvi coràm imposta cum sanguine defluente, omnibus videntia præbuit: quæ statim ad loca unde videbantur abscissa, sine detrimento hominum restituit. In aëre & nubibus videbatur & audiebatur ab omnibus venationes, currus, & alia exercere, quæ homines super terram exercere solemus. Tam multas & varias ludificationes faciebat, ut omnes suprà quàm credi potest, mirarentur & obstupescerent.

Anno Domini 1300. quando, ut idem author memorizæ prodidit, Fridericus dux Austriæ, qui contra Ludovicum Imperator delectus erat, inter Oringam & Moldorfum magno prælio victus fuit, & Ludovico traditus, qui in arcem munitam eum asservandum misit. Contigit postea ut magus quidam ad Lupoldum fratrem ejus in Austriam profectus, promitteret se sua arte Fridericum è captivitate salvum & illæsum, ministerio spiritus, ad se unius horæ spatio reducturum, si dignam ei mercedem promittere & dare vellet. Respondit dux, Si feceris quod promittis, digno te præmio afficiam, itaque magus hora sibi commoda circulum conjurationis unâ cum duce ingreditur, vocat spiritum suis obedire mandatis consuetum. Cui in specie humana comparenti, per virtutem suarum conjurationum mandavit, ut ducem Fridericum, ex custodia Imperatoris liberarum, ad se in Austriam sine læsione quàm

quàm celerrimè adveheret. Cui spiritus respondens dixit: Si dux ipse captivus mecum venire voluerit, mandatis tuis libens obtemperabo. His dictis, avolat mox spiritus in Bavariam, formaque peregrini assumpta, custodiam ubi dux Fridericus detinebatur captivus, ingreditur: quo viso, missus ad eum spiritus dixit, Si ex captivitate liberari volueris, hunc equum ascende, & te sine læsione in Austriam ad fratrem tuum ducem Lupoldum salvum & incolumem perducam. Cui dux inquit, Quis es tu? ad quem spiritus, Noli interrogare quis sim ego, quia nihil ad rem: sed ascende hinc equum quem tibi exhibeo, & te salvum & incolumem hinc liberatum in Austriam reducam. Quibus auditis, horror ducem alioqui audacissimum inuasit, quumque signo se sanctæ crucis muniret, spiritus cum nigro quem exhibuerat equo disparuit, & vacuus ad mittentem reversus est, à quo increpatus, quòd non adduxisset captivum, ordinem rei gestæ narravit: tandem ex custodia liberatus dux Fridericus, ita sibi contigisse in captivitate consignato die confessus est.

Hæc historia etiàm in Helvetiorum aliorumque annalibus extat.

Hodie quoque magi inveniuntur, qui gloriantur, se magicis præstigiis equum sternere posse, quo paucis horis iter longissimum conficiant. Hos tandem Deus meritis pœnis afficiet. Quàm miranda referuntur de Fausto Germano, quæ nostra ætate per magicas artes effecerit?

Iam de magis vetustis , Apollonio & aliis nihil dicam , de quibus historiae res mirandas & incredibiles tradunt : Striges , lamias , & incantatrices , homines & iumenta laedere dicuntur , si eos vel tangant vel demulceant : res horrendas exercent , de quibus integri libri conscripti exant.

Agyrtæ & circulatores circumforanei multa sua celeritate efficiunt , jubent aliquem vorare cibos , qui postea si spuat , ex ore stercora & alia ejicit. Magi , præstigiatores , incantatores , necromantæ , servi tantum sunt diaboli , an non putas dominum ipsorum aliquam scientiam sibi referasse ?

Hoc tamen dissimulandum non est , quod diabolus de multis gloriatur quæ revera præstare non potest : ut quod dicit , Se mortuos ex sepulchris ciere , &c. Potest quidem permittente Deo , formas eorum hominibus offerre : sed in cadavera talem potestatem non habet.

CAP. XVIII.

*Diaboli interdum homines jubent facere
quæ bona sunt, vitare contraria: vera
quoque interdum dicunt, & quare.*

SI spiritus illi auxilium expetentes non
sunt animæ, sed diaboli, inquiunt mul-
ti: cur igitur bona hominibus sua-
dent, hortantur eos ad virtutes, avocant
à sceleribus? dicunt enim, Iustè judicate,
cavete vobis à furtis & rapinis, restituite
opes injustas suis dominis, cavete vobis à
dejectionibus, crapula & ebrietate, odio
& invidia, mendaciis & dolis, orate arden-
ter, frequentate cœtus ecclesiasticos, &c.
Non placet diabolo si bona faciamus, vi-
temus contraria: nihil iniquius ferret,
quàm si vitam ex præscripto verbi Dei
formaremus: Non ergo diaboli sunt qui
jubent nos quod bonum est facere, quod
malum est fugere.

Ad hæc, spiritus illi veritatem dicunt,
diabolus autem est mendax, & à Christo
pater mendaciorum appellatur: igitur
non est dicendum diabolica esse Spe-
ctra.

Ita respondeo ad hoc argumentum:
Ad suam utilitatem hæc facit. Si se con-
spiciendum præberet qualis sua natura
existit, parum efficeret. Quæ facit, facit in
hunc finem ut suis dictis fidem conciliet:
utque res alias hominibus obtrudere, eos-
que in errores varios inducere & præcipi-
tare possit: quo neglecto Dei verbo, spiri-
tibus

tibus illis aures præbeant. An non servi impuri spiritus, nempe Pseudo-propheta, olim ovillis pellibus testi venerunt, simularentque se plebis commodis studere, quum interim aliud quæsierint, nempe ut auctoritatem magnam adepti, alios expilare, suamque crumenam auro & argento implere possent? An non omnes hæretici hodierno die dicunt se à Deo missos esse, cavendum esse à sceleribus, studendum virtuti? Nunquamne audivisti latrones cum illis in quos in itinere inciderunt, de vita rectè instituenda, item de suppliciis malorum & præmiis bonorum colloquutos fuisse, ut postea incautos subito opprimerent? Quòd diabolus se alium esse simulat, id errores innumeros, superstitiones, & falsos cultus in Ecclesia peperit.

Episcopi progressu temporis neglexerunt sacras Literas, voluerunt agnoscere diabolum, cum non nigra & horribili, sed grata & accepta forma veniret, proque angelo lucis eum susceperunt. Bona quædam dicit, ut mala simul immisceat: vera dicit, ut mendacia spargat, eaque hominum mentibus infigat. Sic Simon apud Vergilium vera falsis miscuit, ut facilius Trojanos in nassam illiceret.

Satanas imitatur lufores dolosos, qui simplicem aliquem juvenem sinunt aliquandiu lucrari, ut ludendi avidum postea auro & argento emungant. Imitatur illos qui aliquoties commodatam pecuniam bona fide creditoribus restitunt, & pro-

promissis stant, ut postea ab eis magnam vim pecuniæ impetrare, eosque fallere queant.

Diabolus dicit aliquando quæ vera sunt, ut verbis suis conciliet fidem, & incautos facilius decipere possit. Qui vendere vult merces suas malas, non solum verbis laudat, sed ita ornat ut optimæ videantur, quò vendibiles fiant, hanc artem etiam diabolus novit: sua fucat, ut aliis pro veris obtrudere possit.

D. Ambrosius scribit in suis Commentariis in primam Epistolam ad Thessalonicenses capite quarto, hæc verba exponens, Spiritus ne extinguatis, omnia probate, quod bonum est tenete. Solent spiritus immundi fallaciter, quasi per imitationem dicere bona, & inter hæc subinducere prava, ut per hæc quæ bona sunt, acceptò ferantur & mala. Et quia unius spiritus dicta putantur, non discernantur ab invicem: sed per id quod licitum est, commendetur illicitum, autoritate nominis, non ratione virtutis, &c.

D. Ambrosius.

Huc etiam pertinent quæ apud D. Chrysostomum in secundo sermone de Lazaro leguntur. Ostendit multos simplices homines in hoc errore fuisse, quòd putarint animas violenta morte decedentium, dæmonas fieri. Addit, diabolus multis maleficis ipsique inservientibus, qui in hoc errore fuerunt, persuasisse, ut tenera mul- torum adolescentum corpora trucidarent, sperantes futurum ut fierent dæmones, & ipsis inservirent. Postea mox adjicit:

Verum

Chrysostomus causas reddit ob quas dæmonas fieri. Addit, diabolus ali- quando vera dicat.

Verum non sunt ista vera, non sunt inquam. Quid igitur est quod dæmones dicunt, Monachi illius sum anima? Sanè propter hoc ipsum non credo, quia dæmones dicunt: decipiunt enim auditores. Quapropter & Paulus ipsis, tametsi vera dicentibus, silentium imposuit, ne ex veris nacti occasionem post admiscerent mendacia, fidemque sibi conciliarent. Quum enim dixissent, Isti homines servi Dei altissimi sunt, annunciantes vobis viam salutis: indignatus Apostolus silentium imposuit spiritui Pythonico, atque exire iussit. Et tamen quid mali dicebant? Isti homines servi Dei altissimi sunt: sed quoniam plerique simpliciores non norunt semper dijudicare quæ à dæmonibus dicuntur, semel eos exclusit à fide: Ex infamium numero es, inquit, non est tuum liberè loqui: tace, obmutesce: non est tuum prædicare. Apostolorum ista est *May. 1.* *Luc. 4.* authoritas. Quid usurpas quod tuum non est? Sile, infamis esto. Sic & Christus dicentes ipsi dæmones, Novimus te qui sis, increpavit multa cum acrimonia: nobis legem præscribens, ne quo pacto dæmoni fidamus, etiam si tibi quod verum est dixerit.

His igitur cognitis, ne prorsus credamus dæmoni: imo etiam si quid veri loquatur, fugiamus ab illo, & aversemur. Nam sana dogmata salutiferaque non à dæmonibus sed ex divina Scriptura licet exactè discernere.

Vt igitur cognoscatis non posse fieri, ut anima corpore egressa veniat sub tyrannidem dæmonum, audite quid dicit Paulus: Qui enim moritur, justificatus est à peccato: hoc est, non amplius peccat. Nam si animæ in corpore manenti diabolus non potest inferre vim, perspicuum est quòd nec egressæ, &c.

Ex his omnibus liquet, quidnam illa sint quæ videntur & audiuntur.

I

TER



TERTIA PARS,
IN QUA OSTENDITUR
QVARE, VEL IN QVEM
FINEM DEVS

SPECTRA

Apparere, atque alias res mi-
randas sinat accidere :

ITEM,

Quo pacto se homines gerere
debeant, quibus aliquid hujus-
modi objicitur.

C A P. I.

*Deus Spectris suos fideles exercet, & infideles
punit.*

DEinceps jam sequitur, quare
Deus spiritus, Spectra, lemures,
&c. sinat apparere : Item,
quare res alias stupendas &
miraculosas fieri permittat.
Deinde quo pacto se homines gerere de-
beant, quibus aliquid hujus generis offer-
tur.

Deus

Deus spiritus suis electis in bonum, re- *Deus in*
 probis verò in pœnam apparere sinit: *bonum*
 utque fidelibus omnia in bonum coope- *fidelium*
 rantur, ita hæc quoque. Etenim si sint *hac per-*
 boni spiritus qui conspiciuntur à piis, *mittit.*
 eosque admonent & defendunt: hinc
 colligunt Dei curam, providentiam &
 paternum affectum erga se. Sin verò mali
 sint spiritus, ut ferè sunt, fideles ad veram
 pœnitentiam incitantur. Cavent sibi dili-
 genter per totam vitam suam, ne hostis
 humani generis, qui in omnes occasiones
 intentus est, eisque subinde insidiatur,
 eos in scelera præcipitet, & majorem ipsos
 lædendi & vexandi facultatem arripiat.
 Deus etiam fidem & patientiam eorum
 hac ratione exercet atque probat, ut in
 Verbo suo persistant: nihil quod cum eo
 pugnat, utut speciem plausibilem habeat,
 admittant: neque quicquam contra Ver-
 bum agant, licet spiritus illi non statim
 eos desinant vexare. Sinit præterea Deus
 hanc quoque ob causam à Spectris suos
 exercere, ut sint demissiores.

In secunda ad Corinthios duodecimo
 capite dicit Paulus, Ne excellentia revela-
 tionum supra modum efferrer, datus est
 mihi stimulus per carnem, nuntius Sa-
 tanæ, ut me colaphis cæderet, ne, inquam,
 supra modum efferrer. Super hoc ter Do-
 minum rogavi, ut discederet à me: &
 dixit mihi, Sufficit tibi gratia mea, nam
 virtus mea per infirmitatem perficitur.
 Nisi Deus obstaculis quibusdam nobis
 viam clauderet, nos ipsos non cognoscere-

mus, non intelligeremus quibus rebus nobis opus esset: non tam ardentem oraremus ut Deus nos à malo conservet, fidem roboret, patientiam largiatur, & alia. Neque aliorum malis afficeremur, qui vexantur à Spectris: diceremus eos nescire quid dicant, multos fingere terrores. Adhuc, si alii audiant pios à Spectris exerceri, in suis morbis & aliis ærumnis sunt patientiores, cogitantes sua mala exigua esse, si cum aliis conferantur: nihil enim est atrocius, quàm si quis à diabolo exagitetur.

*Deus
infideles
punit.*

Quod attinet ad infideles, oportet & ipsos velint nolint fateri, quòd diaboli sint. Multi enim nunquam credituri essent bonos vel malos angelos aut spiritus esse, nisi reipsa aliquando experirentur. Permittit hæc Deus ad castigandum ipsos, Quoniam enim veritati non dant locum, & omnino decipi volunt, æquum est ut ex Spectris diabolicis audiant quid facere, quid omittere debeant, & aliis quoque modis à malo spiritu ludificentur.

Ita enim Deut. 13. cap. legitur, Si surrexerit in medio tui propheta, aut qui somnium somniet, dederitque tibi aut signum aut portentum, eveneritque signum & portentum quod prædixit tibi, atque is dixerit, Eamus post deos alios (quos non novisti) & serviemus eis: non audies verba prophetæ illius, aut ejus qui somniaverit hujusmodi somnium: quia tentat vos Dominus Deus vester, num sitis amantes Domini Dei vestri in toto corde vestro,

vestro, & in tota anima vestra. Incedite post Dominum Deum vestrum, illum time, illius præcepta custodite, illius vocem audite, illi servite, atque illi adhærete. addit prophetam illum vel somniatorem supplicio capitis afficiendum esse.

Ex his verbis non solum videmus Deum permittere, ut illi nebulones res mirandas efficiant: sed etiam in quem finem hoc permittat, nempe ut tenter suos fideles, hoc est experiatur quàm constantes sint, quàmque sibi fidem servaturi sint, si spiritus illi veniant & prædicent res futuras quæ postea eveniant.

Ioannis 3. cap. dicit Christus servator noster: Hæc est condemnatio, quòd Lux venit in mundum, & dilexerunt homines magis tenebras quàm lucem, erant enim eorum opera mala. Omnis enim qui mala agit, odit lucem: nec venit ad lucem, ne arguantur opera ipsius, &c. Quibus verbis servator noster ostendit quare mundus damnetur, nempe ideo quòd lucem Verbi divini, quin ipsum Christum, qui lux est mundi, quique nobis in Verbo proponitur, non recipit, sed ad claram lucem oculos claudit, & tenebras, hoc est, errores varios, superstitiones, scelera, verbo Dei anteponit. Quòd si Deus ingratum mundum propter hæc damnat & abjicit, quid mirum si Spectris & variis apparitionibus eos vexet? Ioan. 5. cap. dicit Christus, Ego veni nomine Patris mei nec recipitis me: si alius venerit nomine suo, illum recipietis. Christus saluti eorum studebat & incolu-

mirati: hoc nolebant illi agnoscere, sed rejiciebant illum, justum itaque fuit Dei judicium, ut alios reciperent qui suis commodis utilitatique inservirent: qualis fuit Theudas, Iudas Galilæus, & alii plurimi falsi doctores, & seditiosi seductores. Quare siqui Christum ejusque ministros audire dedignantur, sit justo Dei judicio, ut Spectris & id genus aliis aures præbeant. 2. Th. 2. scribit Paulus de Antichristo, quod magna tyrannide in Ecclesia Dei usurus sit: ostendit contra quos, & quare Deus ei hoc permitturus sit, dicens: Erga illos qui pereunt, eo quod dilectionem veritatis non receperunt, in hoc, ut salvi fierent. Et propterea mittet illis Deus efficaciam illusionis, ut credant mendacio ut judicentur omnes qui non crediderunt veritati, sed approbaverunt injustitiam. In 2. ad Tim. 4. cap. obtestatur Paulus suum discipulum, ut in concionibus diligens sit & assiduus. Reddit hanc causam: Nam erit tempus cum sanam doctrinam non sustinebunt: sed juxta concupiscentias suas coacervabunt sibi doctores hi quibus pruriunt aures: & à veritate quidem aures avertent, ad fabulas verò convertentur. Intelligimus nunc quare Deus loco bonorum doctorum falsos doctores, seductores, & spiritus diabolicos sinat homines fallere: ideo scilicet, quod verbum suum vel prorsus abjiciunt, vel parum curant, & pios atque fortes concionatores ferre non possunt.

Hujus

Hujus rei exempla aliquot adducemus. *Pharao.*
 Pharao contemnebat Deum ejusque ser-
 vos Mosen & Aaronem, quare à Deo ita
 excæcatur, ut se regendum præbeat suis
 Magis, & tandem in mari Erithreo misera-
 biliter pereat.

Saul nolebat Samuelem, qui optimè *Saul.*
 in Regem affectus erat, audire, non amore,
 ut pat erat, sed odio eum prosequabatur,
 & omnes alios à quibus verè amabatur:
 contemnebat verbum Dei. Factum ita-
 que est ut in summo discrimine pytho-
 nissam consuleret, quæ Samuelem ex mor-
 tuis revocaret, quò ejus consilio uti posset
 quem viventem contempserat, & audire
 dedignatus fuerat. Hæc quendam revo-
 cat qui non aliter Samuel dicitur, quàm
 falsi dii, Dii nominantur: cùm revera
 dii non sint, sed ligna & lapides, imò ut
 1. Cor. 10. Paulus dicit, dæmones. Ficti-
 tius hic Samuel eum non erigit, non con-
 sultat ei sed prorsus ad desperationem adi-
 git. idem eveniebat Sauli quod contuma-
 cibus illis liberis, qui pios parentes suos
 aspernantur, bona eorum consilia re-
 spuunt, optarentque eos sepultos esse:
 tandem eò recidunt res ipsorum, ut lon-
 gum iter libenter conficerent, modò se-
 mel eos sibi consulentes audire concedere-
 tur.

Aliud exemplum: Achab rex Israël, & *Achab.*
 conjunx ipsius Iezabel, multos pios habe-
 bant Prophetas, inter quos Helias erat,
 facultate edendorum miraculorum or-
 natus, illos verò non solum contemne-
 bant,

1. Reg.
21.

*Council
errant
interdū.*

bant, sed & omnes jugulabant quotquot
consecrari poterant. Præcipuè verò Heliz,
qui magno zelo prædictus erat, insidia-
bantur. Baalistarum in summa apud Regem
erant gratia: præcipuè verò Regina in
deliciis erant. Cum autem tempus appe-
teret ut Achab suæ idololatriæ & scelerum,
in quibus diu vixerat, dignas debitasque
pœnas lueret, consilium inibat cum affine
suo Iosaphato, ut junctis copiis Ramoth
Gilcad, urbem sibi à Syris ademptam,
recuperarent. Iosaphato probabatur qui-
dem hoc consilium, volebat tamen Deum
consulere. Achab itaque convocabat sy-
nodum 400. sacerdotum Baalis, qui uno
ore eum incitabant ad expeditionem, vi-
ctoriam certam ei promittentes. Unus ex
illis, nomine Sedechias, tam confidens
erat, ut ferrea cornua fronti applicans
diceret. His cornibus Syrios ventilabis.
Iosaphatus verò, cui res suspecta erat, in-
terrogabat num Propheta aliquis Dei præ-
stus esset, quem consulerent. Achab re-
spondebat, Est adhuc vir quidam per quem
possemus Dominum querere, at ego pro-
sequor eum odio, quoniam nunquam
mihi prædixit fausta, sed duntaxat infausta,
huic nomen est Micheæ, Iosaphatus eum
omnino audiendum judicabat, Statim
igitur Rex per cubicularium suum eum
accerxit. Nuncius ille dicebat Micheæ,
Omnes prophetae uno ore fausta prædicunt
Regi, quæso ne tu contraria afferas. Cum
autem ad Reges qui considebant in thronis
suis, induci splendidis vestibus, & ad
pro-

prophetas qui ante illos stabant, adduceretur, interrogabat eum Achabus num contra Ramoth Gilead suscipienda esset expeditio? ille ironicè dicebat, Ascende, foeliciter rem geres. Rex qui ex pronuntiatione intelligebat eum non serio loqui, obtestabatur eum ut quod res erat diceret. Dicebat igitur se vidisse universum Israel dispersum in montibus, veluti oves carentes pastore, Dominumque dixisse, Illi dominum non habent revertatur quisque domum suam incolumis. Achab dicebat, An non dixeram tibi, hunc hominem nihil boni mihi vaticinari? Pergit Propheta dicens, Audi verbum Domini: Vidi Dominum sedentem in folio suo, & omnis exercitus cælorum stabat juxta eum ad dextram ejus, & ad sinistram ejus, dicebatque Dominus, Quis persuadebit Achab ut ascendat & cadat in Ramoth Gilead? Quumque alius aliud diceret, egrediebatur spiritus quidam, & stans coram Domino ait: Ego persuadebo ei. Aitque Dominus ad eum, Qua in re? Is ait, Egrediar, eroque spiritus mendax in ore omnium prophetarum ejus. Dixit ergo, Persuadebis, simulque efficies: egredere itaque, & fac sic. Et nunc en dedit Dominus spiritum mendacem in os omnium prophetarum istorum, loquutusque est Dominus malum super te. Accedens autem Sedechias percussit Micheam in maxillam, & ait, Vbinam transivit spiritus Domini à me, ut tibi loqueretur? Micheas & illi prædicebat quid ipsi eventurum esset. Rex

mandabat eum conjici in carcerem, panem & aquam ei dari, donec è bello rediret. Tunc Micheas dicebat, Si reversus fueris incolumis & salvus, Dominus non est loquutus per me. Iubebatque omnem populum auscultare quid diceret. Reges nihilominus pergebant, instruebant se, & copias suas educebant contra hostes. Ahab interfectus est in prælio: Iosaphat qui se impio conjuxerat, venit in maximum vitæ discrimen, &c.

Hanc historiam paulò prolixiùs recitavi, ut videamus quomodo Deus illis qui verbum suum contemnunt, justo judicio spiritus mittat, à quibus decipiantur & fallantur.

Idem toti Christiano populo, aliquot seculis post Apostolorum tempora accidit. Nam cum verbum Dei non amplius in tanto precio haberetur ut par fuisset, sed homines suos affectus illi anteferrent: eum propter fidem & veritatem nulla adire pericula vellent, sed omnes religiones eodem ferè loco haberent, Deus punivit eos, ut inciperent auscultare seductoribus, qui eorum affectibus se attemperabant: dedicerunt ex simulachris, quos libros Laicorum vocarunt, ossa illorum exosculati sunt & auro incluserunt (si modò ossa illorum fuerunt) quorum doctrinam antea recipere dedignati sunt: falsis apparitionibus & Spectris diabolicis fidem adhibuerunt: atque ita magnæ suæ ingratitude dignas pœnas persolverunt. Ut juvenes qui suos magistros audire nolunt,
postea

postea magno suo dedecore aliis quibus nollent coguntur obtemperare: ita accidit miseris illis hominibus, magis magisque deflexerunt à verbo Dei: ita ut tandem amissa veritate, quidam sursum, quidam deorsum cursitarint, ut peccatorum remissionem consequerentur: ille huic, hic alteri spiritui fidem adhiberet, id quod nemo inficiari potest.

Antea quoque idem Gentilibus acciderat, ut ex Epist. ad Rom. i. cap. & ex ipsorummet libris apparet. Multos deos coluerunt, multa signa & prodigia inter ipsos edita sunt, multas deorum apparitiones habuerunt, multa oracula: quæ ad prædicationem Apostolicam omnia conticuerunt. D. Athanasius scribit De humanitate Verbi, 55. & 67. folio, Olim erant Delphis in Bœotia, Lycia, & aliis in locis quæ ipse nominat, oracula: nunc postquam Christus omnibus undique prædicatur, cessavit hæc infania, &c. Ad hunc modum scribunt etiam Lactantius, & alii. Postquam nostro tempore, traditionibus humanis repudiatis, Euangelicam doctrinam avidè amplexi sumus, apparitiones animarum sive spirituum tantum non evanuerunt. Aut quis, quæso, animam vel spiritum audit errare, & (ut vocant) suffragia petere? Tumultus illi nocturni spirituum rarius exaudiuntur.

CAP. II.

*Quæ sit causa quòd nostris temporibus
tam pauci spiritus conspiciantur vel au-
diantur.*

LVx verbi Dei pellit spiritus illos, qui
suas res libenter in tenebris expediunt.
Accedente clara luce, umbræ & tene-
bræ evanescent. Princeps tenebrarum
horret lucem, & ubi homines Deum
Patrem per solum Christum adorant, in
ipsum credunt, & illi soli se committunt,
non habet locum. Si homines verbum
Dei magnificiunt, non finit eos ita decipi
& falli, ut illos qui præter Dei verbum alia
admittunt.

Locum quendam hoc loco dissimulare
non possum: Cùm mentio aliquando
incideret quodam loco, de visionibus &
Spectris, quidam Evangelicus dicebat cui-
dam Papistæ, Vel hinc colligere debebatis
nostram religionem veram esse, vestram
falsam, quòd ab eo tempore quo Euange-
lium nobis prædicatum est, pauca Spectra
conspiciuntur. Alter respondebat *ut ita*
Cicero, imò hinc colligere debetis, vestram
religionem malam esse, nostram bonam:
diabolus enim illos infestatur, quos me-
ruit sibi elapsuros.

*Benedi-
ctus in
canobio
multos,
in foro
univium
videt
damo-
nem.*

Non dissimile est id quod Aeneas Syl-
vius (qui postea Papa factus, Pius II. di-
ctus fuit) in historia concilii Basiliensis,
ex vita S. Benedicti patris monachorum
recitat ille monasterium quoddam san-
ctorum

horum virorum visitans, infinitas dæmonum vidit catervas, qui cum sanctis patribus conflictantes, bona quæ illi patrabant opera, perturbare conabantur. mox ad nundinas multis mercibus multisque contractibus frequentes se conferens, unicum duntaxat dæmonem, eumque tristem & ociosum in specula quadam constitutum aspexit: miratusque Benedictus, quòd locum sanctum & orationi deditum dæmonibus plenum, locum autem prophanium & perjuriis aliisque delictis occupatum, ab uno tantum dæmone custoditum invenisset, adjuravit dæmonem ut sibi causam proderet. ille respondit, locum sanctum expugnatione dæmonum indigere: qui autem sua sponte peccarent, his non opus esse fraude diabolica.

Interrogo te Papista, an non idem vetustis temporibus Gentiles dicere potuissent Christianis, cum interrogarent cur oracula ipsorum conticuissent? item cur tam rare essent apparitiones? Si spiritus illi vel Spectra sunt diaboli, cur dicitis & creditis animas esse hominum mortuorum quæ opem expetant? Veram causam tibi aperiam, cur tam rare sint illæ visiones: Quoniam diabolus videt nos ipsius versutiam & dolos intelligere, alios sectatur, aliis insidiatur. Ut cum noctu digitos pedis alicujus recte vis confringere (ut solent aliquando homines jocosì, animi causa iter facientes) eumque trahere, si videas eum dolum sentire, statim eo relicto confers te ad alium qui stertit, ideoque dolum non sentit.

Sunt

Sunt aliæ quoque causæ ob quas rariora sunt hæc. Si quis te semel, iterum, tertio fallat, deinceps aperis oculos, vides quid agat, quid moliatur: ita cum sæpius decepti simus e mentitis visionibus, non facile credimus, si nobis dicatur aliquam animam vel spiritum apparuisse. Piscator, ut est in proverbio, ictus sapit. Ad hæc cum pauci nunc sibi metuant à Spectris, facile invenirentur, qui quærere ea vellent, videre imò contrectare, hoc scitur: ideo nemo facile personam induit, aut aliàs animam esse mentitur. Pueris facile persuadetur adesse virum atrum, proceram fœminam, quæ in saccum plorantes condat, &c. sed postquam adoleverint, non amplius larvis & hujuscemodi sermonibus terrentur: ridebunt tuam stultitiam si deinceps sic terrere eos instituas. Ita, cum pueri essemus in Scripturis: hoc est, sensum earum non assequeremur, potuerunt nobis multa persuaderi. Nunc cum illas in omnibus linguis legimus, in illis quotidie proficimus, non patimur nobis ita illudi, nec cuivis apparitioni credimus. Quot Spectra pepulit Bernensium monachorum detecta malitia? Terriculamenta in horris & agris eriguntur ad pellendas aves, quæ etiam tandem nugæ esse sentiunt, nec amplius ejusmodi ludibriis abiguntur: quid igitur mirum, si post maximam pietatis & veritatis jacturam, homines quantumvis simplices, tandem oculos aperiant?

CAP. III.

Quare Deus fragores insolitos, & inconditos strepitus, ante mutationes insignes, & alias sinat audiri.

QUOD quædam præcedunt obitum hominum, item insignes mutationes & excidia, putà fragores mirabiles, & inconditi fremitus, id etiam in bonum fit fidelium, & pœnam infidelium. His enim ostendit Deus nihil temerè fieri, sed vitam, mortem, res secundas & adversas in Dei manu positas esse. Res nequaquam habent, ut Epicurei dicunt, videlicet Deum non curare sive quis moriarur, sive nascatur, sive bene sive malè habeat, sive respublicæ floreat sive intereant. Christus ipse nos docet, ne passerulum quidem super terram cadere citra Dei voluntate. Solomon & Daniel dicunt, Deum cor Regis in sua manu habere, & Reges constituere atque deponere. Proinde si fragores illos & alia id genus audiamus, erigere potius nos debent quàm terrere. Deinde monet nos Deus his rebus, ne socordes simus & securi, nam omnibus seculis non verbis solum, sed & rebus mirandis suos excitavit. Gentiles quoque miraculosas illas res pro admonitionibus suorum deorum habuerunt: ut passim in historiis eorum est videre. Et si autem pleraque à cacodæmone fieri versimile sit, nihilominus tamen videmus his in rebus Dei optimi maximi
erga

erga nos paternam curam & benevolentiam, defensionemque contra insidias diaboli. Et si enim diabolus irrequietus sit, & in omnes occasiones paratus ad perdendum nos, non tamen lædere nos potest, domino pro nobis excubante, nosque protegente. Impii, qui verbi Dei prædicationem contemnunt his rebus terrentur, ut quò se vertant nescientes, fateri cogantur Deum procurare res humanas: bonos item & malos spiritus existere. Alioqui non possent cohiberi, sed majoribus malis fideles afficerent, nisi Deus hujusmodi rebus terrorem ipsis incuteret, eosque veluti fræno retraheret.

C A P. IV.

Quo pacto illi se gerere debeant, quibus boni vel mali spiritus apparent, & alia res miranda offeruntur: & primo loco, quomodo se Gentiles & Iudæi in hujusmodi casibus gesserint.

UT rectius intelligamus, quo pacto nos gerere deceat, si aliquid apparet, sive bonum sit sive malum, primo loco indicabimus quomodo se Gentiles & Iudæi olim in hisce casibus gesserint.

*Quid
Gentiles
rece-
rint.*

Apud Gentes errantes illi spiritus non solum animas se esse dixerunt, sed etiam indicarunt quid in eorum gratiam facere conveniat & expediat: nempe Feralia & Parentalia celebranda esse, corpora eorum sepelienda, templa extruenda, ferias pera-

ragendas, atque alia id genus.

Suetonius scribit Caligulæ imperatoris cadaver clàm in hortos Lamianos deportatum, & tumultuario rogo semianbustum, levi cespite obrutum esse, postea per sorores ab exilio reversas erutum, crematum, sepultumque. Priusquam id fieret, hortorum custodes umbris inquietatos. In ea quoque domo in qua occubuerat, nullam noctem sine aliquo terrore transactam, donec illa ipsa incendio consumeretur. Apud alios quoque scriptores legimus, illos qui non legitimè sepulti erant, vel si tempore belli usitatæ ceremoniæ intermissæ fuissent, umbras vel suis vel aliis apparuisse, questas esse, rogasseque ut & iusta & aliæ ceremoniæ in eorum gratiam haberentur: unde Cenographia nata sunt, Septimæ, Tricesimæ, Anniversaria sacra, de quibus multa occurrunt apud Ethnicos scriptores, & apud Liliū Gyraldum in libello de sepultura, ex veteribus Poëtis aliqua commemorantur: item apud Polyd. Vergilium de invent. rerum lib. 6. cap. 10. Quosdam petiisse post suum obitum ut sepelirentur, suprâ in secunda parte, 1. cap. exposuimus. Cicero scribit lib. 1. de Legibus, quod Romulus conditor urbis Romæ, non longè ab Attici ædibus inambulans post excessum suum, Proculo Iulio dixerit se deum esse & Quirinum vocari, templumque sibi dedicari in eo loco iusserit.

Ovidius scribit lib. 5. Fastorum, Remum Faustulo & Accæ Laurentiæ uxori illius,

illius, nutrici suæ, noctu apparuisse, questum esse de miseranda sua morte, eosque rogasse in hoc essent, ut dies illa quo cæsus erat, inter feriatos haberetur. Romani,

Feralia. teste Ovidio lib. 2. Fastorum, celebrarunt mense Februario Feralia, quibus diis manibus iusta solvebantur, & epulæ ferebantur ad sepulchra ab his quibus ius erat ibi parentare, unde Feralia Festo & Varroni dicta sunt. Ponebantur autem epulæ in his sacris super silicern, quæ inde, ut Servius dicit, Silicernium dicebantur: quo vocabulo quidam significari volunt funebre convivium, quod senibus exhibetur. Donatus, Silicernium esse dicit cœnam, quæ inferitur diis manibus: quod eam silentes cernant, id est, umbræ possideant: vel quod qui eam inferant, cernant, neque degustent, &c. Appellabantur etiam Parentalia, sacra in quibus pro parentibus seu majoribus extructæ epulæ sepulchris ferebantur. Quamvis autem manes parvis muneribus placari crederent, lacte, vino, & aliis rebus quarum apud Ovidium fit mentio: tamen etiam mactabant victimas, unde quidam à feriendis pecudibus, Feralia putant dicta esse. Sacrificiis addebant preces, accendebant lumina. Quum Romani bellis impediti olim intermiserint Parentalia: putabant iratos manes, eam ob causam tempestates & pestem ortam esse, & egressas è sepulchris umbras defunctorum errasse cum querelis circa sepulchra, item per urbis vias & per agros. Duravit hoc festum undecim diebus, qui-

quibus nuptæ à viris secumbebant, nobiles nuptias non contrahebant, simulachra deorum celabantur. Umbræ extinctorum quum ad epulas venirent, errabant circa sepulchra & pascebantur silicernio.

Mense Majo celebrabatur noctu festum *Lemuria* quod initio Remuria, postea Lemuria vocarunt. Hoc festum non multum à Ferilibus differt, quæ ad placandos Lemures instituta fuerunt. De Origine eorum & ritibus vide Ovidium lib. 5. Fast. Surgebat intempesta nocte qui umbras placaturus erat, nudis pedibus incedebat, aqua fontana se perluebat. Fabas quas ore versaverat, à tergo jaciebat, dicebatque se illis redimere, pulsabatque æra, & orabat ut umbræ abirent: quod si movies fecissent, perfecisse se putabant sacra, per triduum autem celebrata fuerunt. Sacrificia quæ pro inferis fiunt, Inferias vocant.

Apud Lucanum legitur de umbris Syllæ & Marii expiatis. Suprà diximus Athenagoram philosophum ossa quæ in domus vestibulo Athenis effodiebantur, jussisse legitime sepeliri, &c.

Veteres Iudæi habuerunt apertum Dei *Quid* mandatum, ne pseudo prophetarum miraculis moverentur: & disertè eis vetuit, *Iudai* ne consulerent mortuos. Saul initio sui *fecerint.* regni quum pietati adhuc studeret, magos & veneficas delevit. Quo pacto nostris temporibus Iudæi se gerant apparentibus Spectris, non quidem memini me unquam audire vel legere: sed ut in aliis rebus, ita
hac

hac quoque in parte superstitiosos esse, mihi non est dubium.

C A P. V.

Quo pacto Christiani, quibus Spectra se offerunt, sese gerere debeant, & primum forti esse animo debent, & firmi in fide.

Quomodo verò Christiani se in hoc casu gerere debeant, nobis (ut & alia quæ ad salutem nostram pertinent) in sacris Literis plenissimè ostenditur, Nempe ut primum fortes simus, impavidi, & constantes in vera fide. Nam si boni sint angeli qui se ostendunt, in bonum nobis à Dei mittuntur: Si sint mali, non possunt nobis quantumvis cupiant, absque Dei permissione, mala inferre. Si nihil est quàm vana persuasio, aut inane simulachrum, stultum profectò esse timere. Naturale quidem est, ut quum hæc nobis offeruntur, horrescamus. Nam pii viri in veteri & novo Testamento etiam ad bonorum angelorum occursum & conspectum expaverunt: animus tamen iterum colligendus est. Cùm discipuli Christi Dominum viderent inambulantem aquis, & navi appropinquantem, putabant se Spectrum videre, consternabantur, clamabant præ metu: Dominus autem dicebat illis, Bono animo este, ego sum, ne terreamini. Idem legitur Lucæ 24. cùm rediivus eis appareret, & illos turbatos videret. Matt.

10. cap. Ne metuatis vobis ab his qui corpus occidunt, animam autem non possunt occidere: sed metuite magis illum qui animam & corpus potest in gehennam perdere. Gratum esset diabolo, si ipsum subinde metueremus.

Et si verò spiritus aliquis tumultuetur *Spiritus* & perstrepat, ne expavescas. Etenim si *tumultuantes.* ideo tumultuatur, ut tibi formidinem injiciat, ne cures: sed sine eum quandiu voluerit tumultuari, si videat te impavidum esse, recedet à te. Quòd si placet, potes illi dicere: Abi in malam rem: nihil injuris habes in me, qui credo in Christum servatorem, ego possessor sum hujus domus, non tu, cui alius locus deputatus est, &c. Si sentiat se non metui, ejusque tumultus non curari, non diu manebit. Rem nota similitudine declarabo. Sunt homines qui si putent alios sibi ab eis timere, simulant se velle enses stringere, aliquando stringunt & lapides feriunt, fremunt & vociferantur. Sin verò intelligant animosos esse, & fortiter, si necessitas postulet, pugnaturos, statim recondunt gladium suum in vaginam: ita si diabolus videat te fortem esse, & gladio verbi Dei armatum, alios quæret, quibus terrores incutiat.

Quòd si Deo visum est, te ad tempus per hæc odæmonem exercere, ut Iobum, patienter feras quæ tibi ab illo inferuntur, idque propter Domini præceptum. Scias quòd neque opes, neque corpus, nedum animam, citra Dei permissionem vel tantillum lædere possit. Si verò Deus ei permittat ut
in

in corpore te affligat, quocunque modo id fiat, cogita Deum ad tuam utilitatem id facere, qui aliis per alias instrumenta graves morbos immittit, aut aliis malis eos exercet. Fortis esto, & constans in fide. Quisque tamen ab audacia, temeritate & præcipitantia sibi caveat.

Christus Erigat te quòd scis Christum diabolum
vicit vicisse, sicut ipse similitudine de forti ar-
*cacoda-*mato, Lucæ 11. cap. docet. Ioannis 12. &
monem. 16. dicit. Princeps mundi hujus ejicietur
foras: nimirum ex cordibus illorum qui
inhærent Verbo Dei, & mundum, cujus
princeps ille existit, non amant. Ille e-
nim dominatur illis qui terrena nimis
amant.

1. Ioannis 3. dicitur Filium Dei ideo apparuisse, hoc est, venisse in hunc mundum, ut opera Satanæ destrueret. Multa in Euangelica historia miracula extant, quæ ostendunt Christum vel verbo dæmonia pepulisse. Et si Deus ad tempus Satanæ multum concedat, tamen limitem ei præfixit, quem transgredi non potest: fideles non ulterius ab eo sine tentari, quàm ferendo sint. Illis quibus dat magnas afflictiones, gratiam quoque suam abundè subministrat.

Satan Non mirum nobis videri debet, si inter-
*versa-*dum spiritus conspiciantur vel audiantur.
*tur in-*Satan enim, ut Petrus testatur, passim ob-
*ter ho-*ambulat, in domibus, agris, sylvis, aquis,
mines. ignibus: non tamen semper conspicitur, nec id potest nisi Deus ei permittat. Quòd non semper à nobis conspicitur (varias enim

enim qui sua natura invisibilis est, formas assumit) vel auditur, Dei bonitati acceptum feramus, alioqui vix momentum quiesceremus. Sin verò interdum mali spiritus, aspectabili forma nobis, Deo volente occurrant, vel ædes infestent, non est putandum, eos antè in domo nunquam fuisse.

CAP. VI.

Illos qui à Spectris vexantur, imprimis decet precibus insistere, jejunis, sobrietati, vigiliis & pietati vitæ studere.

ET quoniam boni angeli rariùs hominibus nostra ætate apparent, (longè enim alia ratio est hominum in novo Testamento, quàm in veteri, quibus suos angelos Deus crebrò misit) mali frequentius, quando cubitum nos conferimus, quando surgimus, eò diligentius nos Deo commendare debemus.

Noster servator inter alia nos orare docuit, Libera nos à malo. Ad hæc Matth. 17. dicit, diabolum non depelli nisi per preces & jejunia. De illis qui diris & execrationibus dæmones pellendos putant, in fine libri dicam. Matth. 26. Vigilate & orate, ne in tentationem incidiatis. Lucæ 22. dicit Petro, Satanasepetivit vos, ut cribraret sicut triticum: sed ego rogavi pro te, ne deficiat fides tua. Hodie quoque intercedit pro nobis ad dextram Patris sui celestis. Vetusti patres etiam in omnibus periculis & ærumnis opem divinam implor-

*Inter-
cessio-
nes.*

plorarunt, ejus rei multa exempla congerere supervacaneum esset. Utile quoque est preces totius Ecclesiæ petere, quando à Lemuribus vel Spectris vexamur. Scimus enim preces Ecclesiæ in hoc & aliis casibus utiles atque efficaces esse: & fideles in suis ærumnis illas semper petivisse. Vult etiam Deus ut in hac vita fideles precibus suis sese mutuum sublevent. Quòd autem Sancti postquam hinc excesserint, pro nobis orent, vel quòd nos preces ipsorum petere debeamus, nullum Dei præceptum vel exemplum in sacris literis extat.

Apostoli quoque hac via diaboli insidiis resistendum docent. S. Paulus ad Ephes. 6. Petrus in 1. cap. 5. Sobrii, inquit, estote, vigilate: quoniam adversarius noster diabolus tanquam leo rugiens obambulat, quærens quem devoret. Cui resistite solidi fide, &c.

*Sancta
vita
pugnā-
dum
contra
diabo-
lum.*

Quando homines securi sunt & negligentes, voluptatibus dediti, & immersi ebrietati, crapulæ, avaritiæ, adulterio, aliisque sceleribus, ibi locum habet Satanas. Quare vigiliis, precibus, jejniis studendum est, & sanctè vivendum, verbum Dei libenter & frequenter audiendum, libenter de eo loquendum, legendum, ut Spectra illa diabolica à nobis depellamus. Si minus aliquod publicum geras, bona fide illud exequere: opes injustas restitue suis dominis, aut in pios usus confer, &c. Si homines neque Deum neque verbum ipsius curant, mirum non est Spectra illis apparere: permittit enim hoc Deus ut humilientur & in se descendant.

Hor-

Horribile hoc est, quòd quidam se dedunt cacodæmoni, ne ab ipso affligantur: illi cogitare debebant, si hoc faciant, se in perpetuum à malis spiritibus cruciandos esse, nisi veram pœnitentiam agant, & ad Deum iterum convertantur.

CAP. VII.

Spiritus qui apparent, meritò nobis suspecti esse debent: non sunt conferendi sermones cum ipsis: nihil ex ipsis est discendum.

OMnes spiritus aut apparitiones, nobis non absque causa suspectæ esse debent. Etsi enim Deus opera & ministerio angelorum bonorum ad salutem suorum fidelium utatur, rarius tamen nostris temporibus apparent. Longè enim aliter post Christi adventum in hunc mundum res habent, quam olim vetustis temporibus. Licet tibi videatur quòd bonum angelum videris, tamen ne facile & temerè ei credas. Si res ipsa postea ostendat bonum fuisse angelum, qui de realiqua præclarè te admonuit, velex magnis periculis liberavit: gratias age Domino, quòd tam elementer & paternè tecum agat, & tuâ curam suscipiat, stude ipsius voluntati. Sin verò angelus à te conspicitur, qui tibi blanditur & adulatur, quales sunt spiritus qui opem petunt: jam ante audivisti, verbis ipsorum fidem nequaquam esse adhibendam. Homines qui blandiuntur, &

K

assen-

assentantur, nobis suspecti sunt, cur itaque spiritus illi nobis suspecti non essent? Ne venias in colloquutionem cum illis spiritibus, ne interrogas eos quid vel reddendum, vel faciendum, vel quid futurum sit. Ne quæras qui sint, vel quam ob causam videndos & audiendos sese præbeant: nam si boni sint, gratum eis erit, si nihil audire velis præterquam verbum Dei: si verò mali, mendaciis te fallere conabuntur. Cùm Matth. i. cap. angelus Iosephum per visionem instrueret, prophetica statim scripturæ testimonium adiunxit. Si ne angelo de cælis venienti credendum est, quis vitio ne his verteret, si spiritibus & somniis suspectis non credamus? Christus & Apostoli, quantumvis edendorum miraculorum facultate instructi essent, tamen doctrinam suam sacris Literis confirmarunt.

Cùm ipse Deus Opt. Max. Adamum interrogaret in Paradiso de violato suo mandato, & ille culpam in Evam conferret, Eva in serpentem, qui ei author fuisset ut de fructu prohibito vesceretur, Deus serpentem, hoc est diabolum, qui hoc instrumento usus fuerat, nolebat interrogare quare id fecisset, norat enim mendacem esse. Nisi Eva colloquuta fuisset cum serpente, nunquam præceptum Dei violasset. Si spiritus illi sua sponte nobis multa velint narrare, non sunt audiendi, multò minus sunt adjurandi, ut vera nobis narrent. Deus sua lege cavet, ut sæpe diximus, ne quis ex mortuis aliquid sciscitetur.

Deus

Deus ipse suos fideles Servos, Prophetas, *Deus*
 Apostolos, Euangelistas, & præcipuè Filium *dedit*
 suum unigenitum, Dominum & servato- *nobis*
 rem nostrum Iesum Christum, in hunc *docto-*
 mundum misit, suosque fideles per illos *res.*
 fideliter & sufficienter instituit, quid cre-
 dere, quid facere, quid omittere debeant,
 quinam cultus ipsi placeant, & alia. Per
 illos de rebus magnis quæ in Ecclesia &
 imperiis futuræ sint, usque ad beatum il-
 lum diem, quo Christus mundum judica-
 bir, & generale concilium celebrabit, atque
 ultimam sententiam proferat, quis bonam
 quis malam causam habuerit: quo item
 bonos à malis separabit. Christus ipse re-
 diens ex mortuis, non statim in cælos
 ascendit, sed moram traxit in hisce terris,
 discipulis suis & multis aliis redivivus ap-
 paruit, ne diceremus, Quis unquam rediit
 qui nobis nunciarit quis sit status in altero
 seculo?

Adhæc Deus libros sacros difficillimis *Deus*
 & diuturnis persecutionibus, in quibus *literas.*
 tot utiles libri perierunt, ad nostram utili- *sacras*
 tatem miraculosè in hodiernum usque *conser-*
 diem conservavit, & deinceps eos conser- *vavit.*
 vabit invitis impiis omnibus.

Instituit etiam ministerium Verbi, ut ad *Deus*
 finem usque mundi homines existant, qui *sacrum*
 verbum suum viva voce & scriptis inter- *ministe-*
 pretentur, & alios de voluntate Dei eru- *rium*
 diant. Verbum ipsius est lucerna, quæ in *insti-*
 tenebricoso hoc mundo, qui plenus est *tuit.*
 erroribus, lucere debet, sicut Psalmo 119.
 legitur. Ioan. 8. cap. dicit Servator noster

se esse lucem mundi, quem qui sequatur, non ambulat in tenebris.

Hoc fixum manet. Quare non aliæ paterfactiones expectandæ nobis sunt, neque modo miraculoso de cælis, neque aberrantibus spiritibus vel animabus, ut vulgò eas non rectè vocant. Sed fingamus spiritus illos errantes esse mortuorum: necessarium erit ut vel fidelium, vel infidelium sint animæ. Si sunt animæ fidelium, nos exemplo Christi remittent ad Sacras literas, dicent cum Deo Patre, de Filio ejus servatore nostro, hunc audite: Si sunt infidelium & sceleratorum animæ, quis, quæso, illas audire volet, aut fidem dictis eorum adhibere? Præterea hæc quæ animæ illæ fictitiæ dicunt, vel consentiunt cum sacris Literis, veleis adversantur. Si consentiant, recipienda sunt, non propterea quòd ab illis dicuntur, sed quòd verbo Dei continentur: sin verò adversentur, nequaquam recipi debent, etsi angelus de cælo diceret, Non fidem adhibes homini tibi familiariter noto, & alias fide digno, qui vivens & integer corpore & anima tecum versatur, si affirmat rem aliquam, quam nosti pugnare cum Sacris literis: cur igitur Spectro ignoto fidem adhiberes? In causis civilibus testimonia mortuorum rejiciuntur: cur igitur in rebus religionis, errorum illorum testimonia audiremus?

Domino Deo nostro non esset difficile, angelos suos (quibus alioqui utitur ad utilitatem nostram) ad nos mittere, & per illos fidem docere, sed aliter rem instituit.

Legi-

Legimus in Actis Apostolorum 10. cap. quòd per angelum Cornelium iusserit Petrum ad se accersere, ut in fide eum instituat. Potuisset mandare angelo de docendo Cornelio, sed ordinariam viam sequitur. Optimum igitur fuerit, simpliciter sacris Literis inhærere, omnes apparitiones spirituum & somnia atque revelationes, ad Sacras literas, tanquam ad Lydium lapidem exigendas: nihil admittere quod Sacris literis non tradatur. Nisi enim hanc cautionem adhibeamus, periculum est ne fallamur. Si idem veteres Patres fecissent, non tam longè ab Apostolica simplicitate recessissent.

D. Augustinus lib. 3. contra literas Petiliani cap. 6. dicit: Sive de Christo, sive de quacunque re alia, quæ pertinet ad fidem vitamque nostram, non dicam nos, nequaquam comparandi ei qui dixit: Licet si nos: sed omnino quòd sequutus adjecit, Si angelus de cælo vobis annuntiaverit, præterquam quod in Scripturis legalibus & Euangelicis accepistis, anathema sit.

Admonitio D. Augustini.

D. Chrysostomus ad Galat. cap. 1. Abraham, dicit, cùm esset rogatus ut Lazarum mitteret, dixit: Habent Mosem & Prophetas: si non audierint illos, neque resurgentes mortuos audient. Cùm autem ista dicentem inducit Christus, ostendit quomodo Scripturas sacras etiam excitis mortuis fide digniores esse velit. Paulus verò (Paulum verò cùm dico, rursus ipsum Christum dico: nam is animam

D. Chrysostomus.

illius movebat) angelis quoque è cœlo
descendentibus eas præponit, idque valde
meritò. Angeli siquidem, licet magni,
servi tamen sunt & ministri. Omnes enim
Sacra scripturæ non à servis, sed à Deo
omnium domino scribi iussæ sunt, ac missæ.
Hæc illi duo sancti Patres.

Quæcunque nobis cognitu necessaria
sunt, plenissimè Sacris literis continentur:
quæ in illis non extant, curiosè inquirenda
nobis non sunt tanquam ad salutem uti-
lia. Quis igitur dicet contra Dei præce-
ptum ex mortuis, ex diabolicis Spectris,
hæc vel illa exquirenda esse? Quæ arcana
& abstrusa sunt, in vita demum æterna
perspiciemus. Annon Deus, si verbo ip-
sius non contenti sumus, dicere nobis id
potest, quod per Heliam legatis Ochosiæ
regis dixit: Nullusne Deus est in Israele,
quòd Accarõnem pergitis consulturi Beel-
zebub? Etiam Thomas Aquinas negat au-
diendos dæmones qui imponunt simplici-
bus, simulantes se esse animas hominum
mortuorum: atque eo furore vel maxime
terrifiantes, quod & gentilibus interdum
contigerit. Si certum esset diabolum non
posse apparere, & hominibus insidias pa-
rare: item ingentia miracula edere, for-
tassis illos spiritus audiendos quis putaret:
sed contrarium videmus. Spiritus malus
ornat errores coloribus cultus divini, &
sub specie pietatis eam oppugnat. Nam ut
D. Hieronymus dicit, caco dæmon non præ-
bet se conspiciendû qualis est suis fallaciis.
Ideo circumspecti & cauti esse debemus.

Adhæc,

Adhæc, vera miracula sunt tantum te- *Quan-*
 stimonium & sigillum Verbi, neque per *tum tri-*
 illa probanda sunt, quæ cum verbo Dei *buendū*
 pugnant. Omnia miracula quæ nos à con- *fit mi-*
 ditore abducunt ad creaturas, & nostris *raculis.*
 operibus tribuunt quod soli Christi merito
 tribui debet: & ad summam, quæ nos in
 errores abducunt, rejicienda sunt. Si ani-
 mabus illis crederetur, nemo certus esse
 posset de suis rebus. Nam subinde novum
 aliquid (ut superioribus seculis factum esse
 constat) institueretur. Missos igitur fac
 spiritus illos, & veram religionem ample-
 ctere, inque ea constanter persiste.

CAP. VIII.

*Testimonia sacra Scriptura, & exemplum
 quod hujuscemodi apparitionibus non sit
 adhibenda fides, quodque cauti esse de-
 beamus.*

QUod non statim omnibus illis quæ
 audiuntur, fides adhibenda sit, non
 solum experientia & multa prover-
 bia, sed ipsæ Sacrae literæ nos docent: præ-
 cipue verò in rebus nostræ salutis, de qua
 re quædam duntaxat loca & exempla pro-
 feremus.

Cum Christus discipulos suos primùm
 ablegaret ad prædicandum Evangelium,
 dicebat illis Matth. 10. cap. Estote pru-
 dentes sicut serpentes, & simplices sicut
 columbæ: cavete vobis ab hominibus:
 quantò magis à diabolis nobis cavere de-

bemus? Matth. 24. vaticinatur Christus quòd multi falsi doctores venturi sint novissimis temporibus, & stupenda miracula edituri ad confirmandum errores suos, ideoque à fidelibus postulat ut cauti sint. Non temerè addit: Ecce, ego prædixi vobis. D. Paulus ad Gal. 1. cap. magna gravitate dicit, si angelus de cælo veniat, & aliud eis Evangelium prædicet, anathema esse. Ita, si hodie quoque spiritus veniant, & dicant quæ pugnant cum doctrina Prophetica & Apostolica, repudiandi sunt. In 1. ad Tim. 4. cap. vaticinatur Apostolus de falsis doctoribus, qui ultimis temporibus venturi sint, & dicit: Spiritus disertè loquitur, quòd posterioribus temporibus desciscant quidam à fide, attendentes spiritibus impostoribus, ac doctrinis dæmoniorum, per simulationem falsiloquorum, cauterio notatam habentium conscientiam, prohibentium contrahere matrimonium, jubentium abstinere à cibis, quos Deus creavit ad sumendum cum gratiarum actione fidelibus, &c. Per spiritus illos intelliguntur falsi doctores, qui jactitant Spiritum Dei: sed quid obstat, quò minus etiam de vagis illis spiritibus intelligamus, qui hominibus multa persuaserunt? In 2. ad Thess. 2. cap. cum quidam dicerent novissimum diem jamjam instare, prædicat Paulus defectionem & Antichristum prius venturum, obtestaturque credentes, dicens: Rogamus autem vos fratres per adventum Domini nostri Jesu Christi, & nostri aggregationem in
illum

illum (electi enim ad illum colliguntur) ne citò dimoveamini à mente, neque turbemini, neque per spiritum, neque per sermonem, neque per epistolam, tanquam à nobis profectam, quasi instet dies Christi, ne quis vos decipiat ullo modo, &c. Quæ verba, meo quidem iudicio, de errantibus illis spiritibus etiam intelligi possunt non incommode. D. Ioannes dicit in 1. epist. 4. cap. Charissimi, ne cuius spiritui credatis, sed probate spiritus an ex Deo sint: quoniam multi pseudo-prophetæ exierunt in mundum. Per hoc cognoscite Spiritum Dei: Omnis spiritus qui non confitetur Iesum Christum in carne venisse, ex Deo non est, &c. Hoc loco non quidem loquitur de spiritibus qui se mentiuntur animas esse: sed de doctoribus illis, qui gloriantur se divino Spiritu præditos esse. At si viventibus non statim credendum est, multo minus mortuorum animabus. Etsi verò neque Christus neque Apostoli, nos tam diligenter monuissent, ne sinamus nos miraculis & sermonibus spirituum seduci, tamen quotidiana experimenta nos docent, ut circumspecti & cauti his in rebus simus. Nam falsi doctores cum primùm vident se testimoniis Scripturæ destitutos, statim ad visiones & Spectra convertuntur, quibus sua probare volunt: quæ res latissimam multis erroribus fenestram patefecit. Quoniam ambitio, avaritia, invidia, clericos adegerit, plurimis exemplis notum, & supra quoque obiter ostensum est. Nonne ordines Monachorum inter se

certarunt de Primatu ? Nonne nova miracula, divos, peregrinationes, sanctos spiritus finxerunt ?

Exemplum quod non statim fides sit ad habenda apparitionibus.

Insigne & præclarum exemplum est D. Virgo, ne cuius spiritui statim credamus. Nam cum angelus Gabriel forma aspectabili ei appareret, eam saluaret, & incarnationem Filii Dei prædiceret, cogitabat illa qualisnam hæc saluatio esset, quomodo hoc fieri posset, cum nullam cum viro consuetudinem habuisset : Tum demum cum ab angelo doceretur de modo, dicebat, Ecce ancilla Domini, fiat mihi secundum verbum tuum. Cur igitur nos cuius spiritui, etiam illis qui ex diametro pugnantia cum verbo Dei afferunt, statim fidem adhiberemus ?

CAP. IX.

Quo pacto fideles in veteri Ecclesia ad occursum spectrorum se gesserint.

DIxi ex Verbo Dei quomodo se pii homines ad spectrorum apparitionem gerere debeant, atque ad hunc modum veteres Christiani se gesserunt. Fuerunt enim fortes & impavidi, studuerunt sanctitati, omnibusque bonis operibus, caverunt sibi studiosè ab illis quæ Deo displicent : cauti insuper fuerunt ne hisce Spectris nimium tribuerent.

Veteres se cruce munierunt.

Usitatus mos fuit ad occursum harum rerum se cruce munire : idem hodie quoque multi solent facere. Tertullianus scri-

scribit in libro suo de Corona militis, veteres Christianos frontem suam sæpe signasse cruce. D. Hieronymus Demetriadem hortatur, ut crebrò signaculo crucis frontem muniat, ne locum in ea exterminator Aegypti inveniat. Origenes quoque, Epiphanius, Chrysostomus & Augustinus multa scribunt de virtute sanctæ crucis. D. Athanasius scribit in lib. de humanit. Verbi ejusque corporali adventu, fol. 67. Olim, inquit, dæmonia inani specie ludibriisque rerum intricabant homines, infestis alibi fontibus, alibi fluviis, lapidibus aut lignis, atque ita præstigiis fatuos in stuporem agebant: Nunc verò cùm apparuerit Dei verbum Spectra hujusmodi & ludibria imaginum cessaverunt. folio 56. item 72. & aliis in locis eadem de re agit.

Lactantius scribit divinarum Institutionum lib. 4. cap. 26. & per integrum cap. 27. hac de re: dicit ad illos qui frontem cruce signant, diabolum non habere accessum, nec lædere eos posse. Addit, Christianos hac ceremonia antiquitus in expellendis dæmonibus, & sanandis morbis usos esse.

Non quòd externo crucis signo tantam *An* vim & efficaciam ascripserint (superstitio- *crucis* sum enim hoc esset) sed cruci, hoc est, *signum* merito Christi, cujus dignitatem simul in *vim a-* mentem revocarunt. De sanctis quidem *liquam* Apostolis & Apostolicis Ecclesiis non legi- *habeat.* tur, quòd ceremonia crucis in expellendis dæmonibus vel morbis curandis, aut alias
quo-

*Cruce
lignea.*

quoque usi sint. Iudæis, qui in Ægypto superliminare sanguine agni signarunt, parsum fuit: non quòd sanguis ovillus vim haberet conservandi homines ab interitu, sed typus erat sanguinis & crucis Christi. Iudæi verò sanguinem non ex sua bona intentione, ut vocant, asperserunt: sed jubente Domino. Sancti Patres illa ceremonia, quòd cruce se signarunt, suam fiduciam in crucem, hoc est, in mortem Christi testari voluerunt, quæ omnia mala depellit. Diabolus neque crucem, qua nos signamus, neque frustra illa crucis Christi, quæ pro reliquiis ostenduntur, timet: sed efficaciam & vim mortis Christi, per quam ipse victus est & prostratus. Si quis ceremoniis nimium tribuit, excusari à superstitione nequit, quæ meretur reprehensionem.

Legimus ad hæc apud Veteres, quod in primæva Ecclesia, exorcismis contra dæmones usi sint.

*Adju-
ratio
dæmo-
num.*

Apud Tertull. legis in lib. De anima, quòd immundi spiritus homines sæpe deceperint, se pro aliis venditarint, ac simularint se esse animas mortuorum, ne crederent omnes animas ad inferos (quid per Inferorum vocem intelligendum sit suprà annotavi) descendere, atque ita fidem de novissimo judicio & resurrectione mortuorum in dubium vocarent. Addit, quòd postea eos adjurarint, & compulerint invitos fateri quòd impuri spiritus essent, non animæ mortuorum.

Veteres adhuc impuros spiritus ex homini-

minibus, & locis illis in quibus tumultus suo multis ingentem terrorem incusserunt, eosque læserunt, depulisse legimus. Talis historia apud Abdiam Babylonium extat, de S. Ioanne. Etenim S. Apostoli, & postea multi viri sancti hac gratia à Deo præditi fuerunt: ut ejicerent immundos spiritus: quod donum in bonum fidelium longo tempore duravit in Ecclesia: postea verò desit, ut alia quoque miracula. Facit ad hæc etiam quod Tertull. scribit in suo Apologetico, fol. 858. & 859.

Iam satis intelleximus quomodo sancti Patres, & veteres Christiani se gesserint quando Spectra eis apparuerunt.

CAP. X.

Varias superstitiones paulatim crevisse, quibus Spectra pellere homines voluerunt.

PROGRESSU temporis superstitiones magis magisque creverunt. Paulus queritur suis temporibus Antichristum coepisse, mysterium iniquitatis agere, variasque sectas exortas esse: S. Ioann. scribit, suis temporibus multos Antichristos extitisse: quid igitur mirum, si postea, & maturè quidem, varii errores in Ecclesiam irrepererunt, & postea cumulati sunt? 2. Thess. 2. 1. Ioan. 4.

D. Augustinus lib. 22. De civit. Dei cap. 8. cum aliquot miracula recitasset, quæ ideo edita sint, ut homines in Christum credant, ponit talem historiam: Vir tribunitius Hesperius, qui apud nos est, habet in territorio Fussalensi fundum Cubedi

bedi appellatum, ubi cum afflictione animalium & servorum suorum, domum suam spirituum malignorum vim noxiam perpeti comperisset, rogavit nostros, me absente, Presbyteros, ut aliquis eorum eò pergeret, cujus orationibus cederent. Perrexerit unus, obtulit ibi sacrificium corporis Christi, orans quantum potuit, ut cessaret illa vexatio: Deo protinus miserante cessavit. Acceperat autem ab amico sua terram sanctam, de Hierosolymis allatam, ubi sepultus Christus die tertio resurrexit: eamque suspenderat in cubiculo suo, nequid mali etiam ipse pateretur. At ubi domus ejus ab illa infestatione purgata est, quid de illa terra fieret cogitabat, quam diutius in cubiculo suo reverentiæ causa habere volebat, &c. Hinc claret superstitionem statim cœpisse, & ut sit, ingenti incremento auctam esse: ut si quis conglobatas nives promoveat, aut si moles nivium in Alpibus deorsum ferri incipiant, omnia longè lateque complentur nivibus. Mox etiam cœptum est orari pro animabus, & sacrificari: & bono quidem animo, id quod ex quibusdam locis sanctorum Patrum non obscurè intelligitur.

Postea cum Episcopi & Parochi veteres superstitiones non modò non correxerunt, sed potius bona, ut vocant, intentione auxerunt, tandem in immensum auctæ sunt: Nam quando Spectra apparuerunt, homines non Deum solùm per Christum invocaverunt, sed sanctos, non cogitantes de dicto Pauli ad Rom. 10, cap. (alia enim argu-
menta

menta nunc prætereo) Quomodo invocabunt illum in quem non crediderunt? In solum autem Deum credendum esse ne Papistæ quidem negant, ideoque ipse solus per Filium suum adorandus erat.

Quidam scribunt ad pellenda Spectra imprimis conferre, si oremus Ave Maria. *Angelica salutatio.* Vbi obiter annorandum est, salutationem illam angelicam, non esse orationem, sed salutationem & historicam narrationem: quomodo scilicet Archangelus Gabriel incarnationem Christi sanctæ virgini prædixerit. Sed expende, quæso, verborum significationem, & velis nolis dicere oportebit, hæc verba, neque petitionem, neque gratiarum actionem, quæ orationis species sunt, continere. Cum angelus ad ipsam accessit, salutavit eam, dicens *Χαίρε* hoc est, salve, vel gaude: (Græcum enim *Avere-* verbum, & Latinum Avere, teste Festo, *est gaudere.* eandem habent vim) addit gratiæ plena, quod passivè, ut in scholis loquuntur, intelligendum est, quòd Deus gratiam suam ei contulerit: ita enim ipse angelus exponit, quando postea dicit, eam gratiam invenisse, hoc est, Deum ipsi esse propitium, & bene velle. Non ita accipienda sunt illa verba, quòd ipsa sit fons gratiæ (ut quidam interpretantur) quodque ex se gratiam habeat, eamque illis conferat qui eam invocant, vel salutatione angelica affantur, hunc enim sensum neque vox Græca, neque alii loci Scripturæ admittunt. Ad Ephes. 1. cap. dicit Apostolus, Deum nos suos fideles gratia sua charos reddidisse
per

per dilectum, hoc est, Iesum Christum. Vbi idem verbum ponitur, quo usus est angelus in salutanda diva Virgine, Ioan. 1. cap. disertè scribitur, Ioannem Baptistam de Christo alta voce testatum esse, arque dixisse, quòd nos omnes de plenitudine ejus acceperimus gratiam pro gratia. Legem enim datam esse per Mosem, gratiam autem & veritatem per Christum exortam esse. Alia id genus loca brevitatìs causa omitto. Ipsa Maria virgo dicit, Deus mihi magnifica fecit. Celebrat gratiam sibi à Deo, nullis intercedentibus suis meritis, tributam. Majorem enim gratiam nulli fœminæ contulit. Magnum autem est discrimen inter illum qui gratiam confert, & illos qui gratiam accipiunt vel consequuntur. Apud illum solum qui gratiam confert gratia quærenda est, & non apud illos qui gratiam acceperunt. Superioribus aliquot seculis, omnes opem D. Virginis implorarent plus gratiæ & auxilii ab ea sperantes quàm ab ipso Christo. Addit angelus, Dominus tecum, benedicta inter mulieres, hoc est, plus gratiæ Deus in te contulit, quàm in ullam aliam. Quæ adjiciuntur, Benedictus fructus ventris tui, non sunt verba angeli, sed cognatæ ipsius Elisabethæ, quæ & ipsa eam salutavit. His adjecerunt homines religiosi, Iesus Christus, amen. Proinde angelus non omnia illa verba salutationis angelicæ protulit (id quod manifestè colligitur ex ipso contextu, Lucæ 1. cap.) non quòd negemus illa verba bona esse & sancta;

sancta: de Elisabetha enim dicit textus, quod impleta fuerit Spiritu sancto: sed quæ angelus non dixit, non sunt ei tribuenda. Temporibus Apostolorum & multis sequentibus, non inuenies apud probatos scriptores, hanc salutationem orationis loco habitam fuisse, aut pios D. Virginem salutasse vel invocasse. Quod non idcirco scribimus, quod D. Virgini suum honorem præreptum velimus: sed ideo ne contra ipsius voluntatem ipsi illum honorem deferamus, qui Deo Patri, ejusque Filio Iesu Christo soli competit. Ipse enim est unicus intercessor noster & redemptor, 1. Timoth. 2. Alias angelica salutio, & alii loci sacrae Scripturae pleni consolatione, de humanitate Christi, ejus supplicio, morte & merito sæpe & diligenter legendi & expendendi sunt: neque plebeiis hominibus excutiendæ sunt ex manibus sacrae Scripturae, in quibus hæc omnia suis oculis videre possunt. Non quidem nego Spectra ad recitationem salutationis angelicæ sæpe evanuisse: sed ita factum est, ut homines in superstitione confirmarentur.

Uterius progressi, aquam peculiaribus *Aqua* ceremoniis exercizarunt, vel consecra- *lustra-* runt, eamque in templis, domibus, & alibi *lis.* in ahenis habuerunt: hanc vim ei tribuentes inter alia, quod pellat Spectra & phantasmata. Salem similiter consecra- *Salem* runt, & docuerunt quocunque projiciatur *confe-* pellere Spectra & dolos Satánicos, imò *cratus.* ipsum Satanam. Adhæc lucernas, palmas, herbas

*Clangor
campanarum.*

herbas & alias creaturas, certis eceremoniis & verbis adjurarunt, ad pellenda, ut vocant, phantasmata. In loca illa in quibus Spectra vel visa vel audita sunt, & hæc & alia, ut reliquias sanctorum, detulerunt. Affirmarunt etiam campanas vel tintinabula suo clangore diabolos ex aëre pellere. Hæc omnia plenius inveniuntur in Papiſtarum libris, qui de consecratione illarum rerum conscripti publicè extant. Si campanæ die Sancti Ioannis vel Sancti Agathæ pulsantur, efficacissimum remedium contra Spectra esse dicunt. Die D. Ioannis quidam fasciculum herbarum consecratarum incenderunt, ut fumo earum dæmones fugarent. Multi peculiare suas & mirandas benedictiones habent contra Spectra. Varia quoque mortuorum sacra instituta sunt, iussu animarum vagantium, missæ pro defunctis, vigilæ, preces, anniversaria sacra: ac si animæ piorum non statim omnibus malis ereptæ, in æternas sedes transferantur. Gentiles quoque sacra sua pro mortuis habuisse, veluti Novendialia sacra, quæ nono die celebrabantur, & annua festa, ex Poetarum & Historicorum lectione constat, &c. Cæterum animæ illæ fictitiæ, nihil petierunt tam obnoxie, quàm ut frequentes missæ in eorum gratiam celebrarentur, illas enim ad redimendum eas ex purgatorio maximas & incredibiles vires habere asseruerunt.

Ordo Cisterciensis.

Ioannes Tritthenemius in Chronicis suis de monasterio Hirsgaviensi tradit, circa annum Christi 1098, imperante Henrico quarto,

quarto, quando ordo Cisterciensis ortus est, non procul Vormatia multis diebus & noctibus maximas copias equestres & pedestres apparuisse, tanquam ad bellum progressuras, & nunc huc nunc illuc per turmas discurrentes, circa nonam horam noctis ad vicinum montem, ex quo prodire consueverant, revertisse. Tandem nocte quadam monachus quidam Limpurgensis cœnobii (non procul à monte distantis de quo exire solebant) assumptis secum quibusdam aliis, ad locum montis accessisse, munivisse se signaculo sanctæ crucis, atque exeuntes de monte, qui essent, per virtutem sanctæ & individue Trinitatis ut dicerent, fortiter adjuravisse. Cui unus ex turma responderit: Nos sumus phantasmæ, nec milites viventes, sed animæ hominum in hoc mundo principi terrenorum militantium, non ante multos annos in hoc loco interfectorum. Arma, habitus & equi, quæ nobis dum viveremus instrumenta erant peccati, etiam nunc post mortem in nobis sunt quædam indicia tormenti. Omne quod jam cernitis circa nos, totum ignitum est nobis, quanquam vos ignem nostrum minimè videatis. Cumque monachus utrum juvari ab hominibus possent, inquireret, spiritus respondit: Jeuniis & orationibus, & maxime oblatione corporis & sanguinis Christi adjuvari possumus & rogamus. His dictis, omnis illa multitudo spirituum, quasi una voce clamabat trina vice, Orate pro nobis, orate pro nobis, orate pro nobis.

Mox

Mox omnes in ignem resoluti videbantur: sed & mons ipse, quasi arderet, ignem & maximum fragorem arborum & strepitum emisit, &c.

Exorcista.

In Ecclesia peculiarem ordinem habuerunt illorum quos Exorcistas nominarunt, qui adjurare & pellere debuerunt dæmones, sed dono illo non fuerunt instructi ut veteres Christiani, ideoque tantum se iactarunt & ostentarunt.

Deinde aliqui ex monachis & sacrificis magicæ artis periti (nunquam enim illis tam præclari homines defuerunt) conati sunt malos spiritus ex domibus in sylvas & loca deserta abigere atque adjurare. Illi mira egerunt, dixerunt spiritum malum in nomine sanctorum, virtuteque adjurationis, vel characterum, etiam invitum cedere. At diabolus cedit quidem, sed ut hostes qui locum pugnx idoneum & aptum insidiis delignant. Quod Satan facit, facit ultro & sponte, ut homines à fiducia unici Dei abducatur, & in idololatriam præcipites agatur. Christus & Apostoli expulerunt dæmonas, sed invitos & nolentes. Adhæc Evangelium Ioannis de collo suspenderunt, ceram consecratam inclusam crumenæ (Agnum Dei vocant) circumgestarunt. Extant libri aliquot, & in primis Iacobi de Clusa Cartusani, de apparitionibus animarum quæ exutæ sunt corporibus: in quo inter alia legitur quod pacto præparari homines conveniat si spiritus apparent: quomodo in accessu & recessu, & in loco ubi se exhibet, se gerere de-

debeant, quæ ei sint proponenda : de quibus supra Parte secunda hujus libri, capite secundo dictum est, unde repetenda sunt.

Audiui homines qui profiterentur se tam superstitiosos fuisse, ut cum sacerdos hostiam, ut vocant, elevaret in celebratione missæ, statim manu vultum deterferint, quod crederent ad hoc prodesse, ut nulla Spectra aspectabili forma illis essent occursura.

Sed dic mihi, quæso, quisquis es, quibus illas ceremonias Scripturæ locis confirmabis? Vbi docent nos Christus & ipsius Apostoli, diabolum, qui spiritus est, ideoque corporis expers, rebus corporeis expellere? Ostendite vel unicum exemplum quod hac via & ratione diabolus repulerint. Si proferas ex libro Tobiae, cor & fœcus piscis prunæ impositum, suo odore dæmonium pepulisse: dicimus librum illum non numerari inter Canonicos: item dæmonium illud ardentibus Tobiae ejusque conjugis precibus potius quam suffitu depulsum esse. An Christus in hunc finem sacram Cœnam instituit, ut per ipsam dæmonia ejeciantur? Licet spiritus malignus simulet se propter hæc loco cedere, tamen interim efficit ut superstitiones in pectoribus hominum profundiores radices agant.

C A P. XI.

Spectra non diris & execrationibus pellenda esse.

HOc loco non possum præterire, quòd quidam falsò sibi persuadent, Spectra diris & execrationibus nullo negotio repelli : etenim Spectra illis qui preces fundunt appropinquare, eosque vehementius turbare atque vexare. Dominus noster Iesus Christus qui optimè novit quomodo contra diaboli insidias pugnandum sit, non uno in loco docet nos perseveranter orare. In precatione dominica jubet nos orare, ut à malo liberemur, Satanam κατ' ἐξουίαν καὶ πονηρὸν appellans. Gratius nihil accidere potest diabolo, quàm si quis diris & execrationibus utatur. Simulat se his rebus abigi, sed intereà se apud illos homines invisibiliter insinuat. Si placet potes diabolum abigere, dicendo quòd apud te nullum habeat locum, sed in Tartaro: ipsi nihil juris in illos esse, qui suam fiduciam in solo Christo collocant. Nam ad Rom. 8. cap. dicitur mox ab initio, Nulla nunc est condemnatio his qui insiti sunt Christo Iesu : qui non juxta carnem versantur, sed juxta spiritum, &c. Potest aliquis diabolo præcipere, ut ab eo discedat, omissis diris & imprecationibus. Est & illud reprehendendum, quòd quidam prophani & temerarii homines, si Spectra eis appareant, obscenè & turpiter cum illis loquuntur.

Qui

Quidam cum Spectra se eis offerunt, strictis gladiis ea adoriri atque propulsare volunt, interdum per fenestras deturbare: non expedientes spiritus his armis non lædi. In rebus Græcorum legitur, quod Lacon quidam noctu sepulchrum præteriens, cum sibi videretur Spectrum apparere, accurrerit lancea sua illud trajecturus. Quò me fugis, inquires, anima bis mortis Spar-
tura? Laudem quidem meretur, si quis tani Spectrorum occursum non terreatur, tamen cuius-
audacia laudari non potest & temeritas. dam
Si hostis quantumvis imbecillis non est auda-
contemnendus, multò minus hostis tam sia,
potens & vaser. Fuerunt qui cum ferire gladio Spectrum vellent, sibi visi sint culcitram ferire, diabolo illos ludificante. Alii putantes se Spectrum per fenestram projecisse, mox sibi visi sunt audire scandulas in arbusta volitantes.

Dicuntur quidam fuisse, qui cum Spectra armis se læsuros sperarent, seipsos læserint: brachia enim, vel alia membra corporis, suum officium deinceps non fecisse. Gladio materiali contra Spectra & formas illas inanes non est utendum nulla enim est utilitas) sed gladio spirituali. Qui lemures & umbras gladio ferire volunt, reverà *συναμαχῶσι*, hoc est, pugnant cum umbris vel larvis. In lib. Iob, per Leviathan, qui lanceam non curat, diabolus significatur, qui variis formis apparet, & hastis non repellitur. Diabolus spiritus est, non habet ossa & carnem, sed tantum assumit formam aliquam ad tempus.

pus. Sin verò corporei spiritus vagentur (hoc est, magi, sacrifici, scorta & scortatores, qui se spiritus esse metiuntur) non melior exorcismus potest inveniri, quàm si fuisse dedolentur. Verbis enim bonis & sanctis, apud hoc dæmonum genus non tantum efficies quantum verberibus.

Hactenus ostendi quo pacto illi gerere se debeant, quibus Spectra occurrunt: quod autem ad illos qui nihil viderunt vel audiverunt (sunt enim quibus per totam vitam suam nihil tale contigit) gratias Deo agant pro hoc magno beneficio, non sint temerarii & audaces, neque peccant sibi aliquid hujus generis objici, sed potius apud Dominum pro illis intercedant, qui his malis vexantur. Ne faciant ut illis ferè solent qui nunquam graviter ægrotarunt: non enim afficiuntur aliorum morbis, putant eos leviter ægrotare, vel potius morbum simulare, donec ipsi quoque in graves & periculosos morbos incidant: ita Deus potest illis qui hactenus nulla Spectra viderunt, etiam aliqua objicere à quibus vexentur, ut deinceps aliorum quoque malis afficiantur, & sedulo pro illis orent.

CAP. XII.

Quo pacto nos, si insoliti fragores audiantur, aut alia præsagia fiant, gerere conveniat.

QUOD nunc ad res alias attinet, ut si insoliti fragores & strepitus audiantur, resque mirandæ ante magnas mutationes imperiorum, de quibus supra dictum est, fiant, quid tum erit agendum? Non nimium illis tribuendum est: nam res illæ interdum, imò plerunque diaboli astu fiunt, cui gratissimum esset homines dies noctesque de illis cogitare, multas res horrendas oculis & animis suis subicere, ut in difficiles morbos inciderent: nullumque diem quietum haberent. Quando illa reverà fiunt, monere nos debent, ut omnibus illis quæ Deo displicent repudiatis, nos totos ipsi consecremus: nosque comparemus ut quacunque hora venerit, id quod ipsemet nos docet, & nos ex hac vita evocare voluerit, parati simus: omnes item tristes casus quotquot nobis accidunt, patienter feramus, videntes eos non casu accidere.

Plutarchus, licet ethnicus scriptor, De Plutarchi prodigiis & portentis meo iudicio, rectè *chi* senserit. Scribens enim in suis Vitis de Alexandro Magno, ostenta quædam obitum *Christia* ejus antecessisse, dicit Alexandrum interna. dum illa prorsus non curasse, sed omnia contempnissse, è diverso res leviculas mali

porrenti, & ominis loco habuisse.

Addit, quemadmodum perniciosum sit, signa à Deo hominibus proposita, contemnere : ita è diverso perniciosum & noxium esse, omnia metuere. Nam ut aliis in rebus, ita in his quoque modum esse servandum. Idem sentit de aliis prodigiis & miraculis. Nam in vita Camilli legitur, Camillum ducem cum Vejos cepisset & vastasset, votum fecisse de simulachro Iunonis Romam transferendo, mandabat igitur certis hominibus ut simulachrum tollerent : offerebat sacrificia deæ, rogabat ut se comitaretur, & Romanis sicut & alii dii qui Romæ habitabant, esset propitia : simulachrum respondit, se velle ire. Scribit illos qui hæc annotarint, alia quoque id genus prodigia recitare, ut quod simulachra fudarint, quod ingemuerint, quod faciem suam averterint, vel demiserint. Scribit illos qui ante sua tempora vixerunt, plurima illius generis collegisse, seque ab illis qui suis temporibus vixerunt, multas res miraculosas audivisse, quæ non statim à quoquam contemnenda & rejicienda sint : humanam tamen infirmitatem efficere, ut non citra periculum illis rebus aut nimium aut minimum tribuatur. Homines enim non servare modum : sed vel nimis superstitiosos esse, nimiumque illis rebus tribuere : aut prorsus eas rejicere & contemnere. Optimum verò esse ut cauti simus, & modum servemus illis in rebus. Ipsis gentilibus multa miracula & prodigia suspecta fuisse, neque

*Ne quid
nimis.*

immo.

immeritò, etiam Valerius Maximus libro primo confitetur. Vera autem prodigia veterum nobis debent excutere. Generosus equus rectè incedit: tamen si vel virga ei signum detur, aut calcaria admoveantur, fit alacrior: ita quoad vivimus, incedendum est per viam ducentem nos ad cæleste regnum: sed si signa aliqua conspiciamus, magnæque mutationes impendere videantur, magis excitari debemus, incumbere precibus, studere pietati. Gentiles si quando hujusmodi admonitiones eis divinitus propositæ fuerunt, suas supplicationes instituerunt, ut suos deos placarent: quantò magis omnes Christiani principes & magistratus, doctores & concionatores nostris temporibus, toti in hoc esse debent, pœnis impendentibus, ut omnes & singuli pœnitentiam veram agant.

Hactenus abundè, ut spero, ostendimus, *Conclu-*
quid de Spectris & apparitionibus spiri. *fic.*

uum, aliisque rebus mirandis, quæ magnam cum illis cognationem habent, judicandum videatur: quodque doctores longè aliter superioribus aliquot seculis de his dixerint & scripserint, quàm res referà habeat: causas quoque illius rei assignavimus. Idem in aliis quoque doctrinæ Christianæ capitibus factum esse multis posset ostendi, imò à multis eruditione & ætate præstantibus viris jam antè abundè sensum est, libris his de rebus publicè tantibus.

Etque hunc meum librum concludam,

omnes illos qui in eum incident, rogates velim propter Dei gloriam, ut si putent me aliqua in re discedere à regula verbi Dei, me amicè & liberè admonere dignentur: sin verò (ut spero) verbo Dei consentaneum esse cognoscant: ne deinceps se monachis & sacrificis impostoribus regendos præbeant atque illudendos: quin potius Deo gratias agant, pro immenso illo & inenarrabili beneficio, quod eos quotidie ex magnis erroribus & terroribus liberat, suamque veritatem magis magisque profert: neque ita laxent fræna suis affectibus, ut agnitam veritatem rejiciant.

Cappadocibus, ut historia testatur, cum regium genus apud eos extinctum periisset, Senatus populusque Romanus concessit, ut liberi & sui juris deinceps essent. Principes verò re deliberata, libertatem quam concoquere nequirent recusantes, Regem postularunt. Romani hoc mirati, liberum eis fecerunt, ut quemcunque velent regem declararent. Ne simus tam stolidi, sed libertatem animarum nostrarum, quam Deus nobis quotidie per verbum suum offert, amplectamur.

Multæ præclaræ gentes fortiter pugnares, se in certissimum vitæ periculum obzulerunt, ut dulcem libertatem, & eternam quidem pararent atque defenderent. Quantò magis nos Christiani pugnare debemus contra Satanæ dolos & insidias, animarum libertas, quæ multò præciòsa est altera illa, per varias superstitiones & errores opprimatur?

Sedentes in tenebris, lucem summis precibus expetunt. Ne igitur lucem nobis à Deo per Scripturas ultrò oblatam abjiciamus. Nihil in hisce terris charius habemus animæ & conscientiæ nostræ libertate: veritatem, ut Paulus dicit, in injuria non detineamus.

Quisque, cujuscunque sit ætatis, secum expendat quàm brevis, & caduca sit vita illa, quam Deus nobis largitus est, quodque citius quàm ipsi putemus, hinc nobis excedendum sit, & justo iudici, nostræ fidei, sermonum, factorumque ratio reddenda.

Deo Optimo, Maximo, sit laus & gloria in perpetuum: is omnibus, qui adhuc erroribus & superstitionibus involuti sunt, manum suam porrigere, eosque liberare ex illis, dignetur: his verò quos liberavit, suam gratiam conferat, ut pro tanto beneficio grati sint, ne iisdem malis denuò involvantur.

F I N I S.

LUGD. BATAV.

Ex Typogr. JOH. Z. BARON.

CLC IC CLIX.

